



3613

F
mump

1920

491.99-8

9-36

BR 2002

2010

5772



ՏԱՐԻԱԿԱՆ ԸՆԹԱՑՔ

Բ. ՏԱՐԻ

[Յան. Տպագրութիւն]



«Առևեստ ու Գիտութիւնը,
կոչուած են նեղմինք տիրապետելու
հոգիներուն, աւելի հզօր՝ խա ո'
եւ է մարդկային բարոյական ուժ,
եւ դառնալու ապագայի միակ
բարձրագոյն կրօնիւ»:

Ռ. ԶԱՐԴԱՐԵԱՆ

ՎԱԿԱՆԻԱՆ
ԿԵՐ. ՈՒՍՈՒՄՆ. ՀԱՐՃՈՒՐԴԵՆ

ՊԱՏԱՐԱԿ. "ԱՐԺԻԻ, ԳՐԱՎԱՅԱՌԱՆՈՅԻ

Ա. Պոլիս

Տպագր. Սահմագնեան

1920

Ա. ԶՈՐԴԱՐԵԱՆ

491.99-8

9-36

ՄԵՂՐԱԳԵՏ

ՏԱՐՐԱԿԱՆ ԸՆԹԱՑՔ

Բ. ՏԱՐԻ

[ՅԱԴ. Տպագրութիւն]

ՎԱԻԵՐԱՑՈՒԱՌ ԿԵԴՐ. ՈՒՍՈՒՄՆ. ԽՈՀՀՈՒԹԵՆ


ՀՐԱՏԱՐԱԿ. "ԱՐԺԻԻ", ԳՐԱՎԱԶԱՐԱՆՈՅԻ

5x72

Կ. ՊՈԼԻՍ

Տպագր. Սահմանակեան

1920



(1874 - 1915)


Եւ բոցերուն տաքութիւնը կ'անցնի
մեր հոգիին մէջէն. կ'իյնայ տառա-
պանքի ծանր բեռը մեր ուսերէն եւ
իբրեւ փիւնիկ՝ թարմ տճիւններուն
ծոցէն կը վերածնի մեր իտէալը ան-
դադար, կը վերածնի մեր հաւատքը,
մեր սերունդներուն անհատնուր ոյժը:

Ռ. ԶԱՐԴԱՐԵԱՆ

54286-ա



40997-68



Պարհանք Առաջուն

Ո՞Չ, ԴԺՈՒԱՐ ԲԱՆ ԶԷ ԱՇԽԱՏԻԼԸ

Հրանդ արթնցաւ, նայեցաւ չորս կողմը,
բայց չելաւ անկողնէն:

— Ա՛խ, ի՞նչ դժուար բան է երկուշաբթի
առտուն անկողնէն ելլելը:

Աքաղաղը թափահարեց թևերը, և բարձր
ձայնով կանչեց՝ կու-կու-լիկ-կու, կու-կու-
լիկ-կու:

Հրանդ, անկողնին մէջ, դարձաւ աջ կողմէն
ձախ կողմին վրայ, և ուզեց նորէն աչքերը գոցել:

Բայց, ահա, լսեց ծիծառներուն ձայնը՝ տա-
նիքին քիւին տակ. մայրիկը կեր կը բերէր իր
կտուցով և ձագուկները կը ճշային, կը ճշային:

— Ա՛խ, ի՞նչ դժուար է դպրոց երթալը, ըստ
Հրանդ նորէն:

Այս անգամ, իր ականջին եկաւ կովերուն
բառաջիւնը և գառնուկներուն մայիւնը. նախիրն
էր որ հաւաքուեր, արածելու կերթար:

Պատուհանէն կարմիր արևն ալ ներս սողաց,
ինկաւ Հրանդին աչքին վրայ, և ըստ անոր.

— Ելի՛ր, խելո՛ք տղայ. ծոյլերը միայն կըսեն
թէ դժուար է ոտքի կենալ և դպրոց երթալ:

Աշխարհին մէջ դժուար բան չի կայ: Հազի'ր լաթերդ, լուա' երեսդ, ա'ռ գրքերդ և վազէ՛ դպրոց: Հօփի, ըստ Հրանդ, ու ոտքի ելաւ:

Լուաց երեսները, սանտրեց մազերը, և երբ գրքերն առած՝ դպրոց կերթար, տեսաւ թէ իրաւ ծուլութիւնն է եղեր դժուար բանը:




ՏՂԱՆ ՈՒ ԹՇՉՆԻԿԸ

— Նախշուն թոչնիկ, ո՞ւր կերթաս դուն,
այսպէս ձըգած բոյն, տեղ ու տուն.
կեցի'ր իմ՝ մօտ, երգէ՛ երգեր,
ապրի'ր քովս ամբողջ ձըմեռ:

— «Ձեր աշխարհն է աշուն, անձրև,
«ծառ ու ճիւղեր չունին տերև.
«Հի կայ արև, տափուկ օրեր,
«Բնչպէս երգեմ անուշ երգեր:

«Նախշուն տըղայ, սիրուն տըղայ,
«Երբ որ նորէն գարունը գայ՝
«Ես չեմ մոռնար իմ տունս ու բոյն,
«Կու գամ, կերգեմ քեզ օրն ի բուն»:



ԳՈՐՈԶ ՄՈԾԱԿԸ

Պզտիկ մոծակ մը մօտեցաւ եղջերուի մը,
որ հանգիստ կարածէր:

Յանկարծ, եղջերուն գլուխը բարձրացուց
ու սկսաւ փախչիլ:

— Տես, տես, ինչպէս ինծմէ վախցաւ ողորմելին,— պոռաց գոռողաբար մոծակը: Իրեն պէս
ահազին կենդանի մը, ինծի պէս փոքրիկ արարածէ մը կը փախչի... բայց, ձեռքէս չես ազատիր. տես թէ հիմա ինչպէս կը համեմիմ քեզի
ու կը խայթեմ...

Եւ մոծակը պացաւ եղջերուին ետեէն:

Մէյ մըն ալ ետեը գարձաւ, ի՞նչ տեսնէ որ
հաւնիս. ահաւոր առիւծ մը՝ որ խոշոր-խոշոր
ոստիւններով առաջ կը վազէ:

— Վայ, վայ, ես ի՞նչ ըրի իրեն, ի՞նչ վնաս
հասցուցի, որ այսպէս ետեէս է ինկեր, — բզզաց

մոծակը, և թողուց եղջերուն հալածելը, ու լեզապատառ սկսաւ փախչիլ:

Բայց, տեսաւ որ առիւծը ուրիշ կողմ կը վագէ. այն ատեն, ուրախ-զուարթ մտածեց.

— Հը, կերեսի խելքի ինկաւ որ մոծակին ձեռք դպցնելը դիւրին բան չէ . . .

Եւ մեր մոծակը հպարտօրէն թուաւ, նստեցաւ արածող ձիուն մէջըին վրայ:

Իսկ, այդ միջոցին, առիւծը կը հալածէր եղջերուն:




ԵՐԵՔ ԹԻԹԵՇՈՆԻԿՆԵՐԸ

1

Երեք թիթեռնիկ՝ եղան եղբայր իրարու :
Մէկը ճերմակ էր, մէկը կարմիր, միւսը ոսկեգոյն:
Երեք անհոգ եղբայրները կը պարէին
մինչև իրկուն՝ արեւուն տակ. կը կենացին մէկ թուփէն միւսին վրայ. իրենց մազի պէս բարակ կնճիթը կը թաթխէին ծաղիկներու բաժակին մէջ, կը ծնէին շաքարի պէս քաղցր հիւթը:

— Ախ, ինչ գեղեցիկ բան է, կըսէին ա-



Առնք. ծաղիկները մեզի մեղը կուտան, արեգակը կը տաքցնէ, մենք ալ կը պարենք ու կը թոշինք: Ի՞նչ լաւ բան է թիթեռնիկ ըլլալը:

Բայց ահա, օր մըն ալ, երկինքը ամպեց և սկսաւ անձրև գալ՝ հեղեղի պէ՞ս:

— Աման, ըստ թիթեռնիկներէն մէկը. աշխարհի վերջն է, արեգակը մեռաւ. ի՞նչ պիտի ըլլայ մեր վիճակը . . .

Երեքն ալ վազեցին ծղոտի մը տակ. ուզեցին թոշիկ, բայց իրենց թևերը թրջեր էին և չէին կրնար շարժել:

2

Յանկարծ, տեսան թէ, քիչ մը անդին, կակաչ մը կայ, — կարմիր ու գեղին գոյներով կակաչ մը, որ գոցեր է թերթիկները և կը կենայ արեւին տակ:

— Աղուո՞ր կակաչ, դուն բարի ես, ըստ թիթեռնիկներէն մէկը. բա՛ց թերթիկներդ, որ գանք քիչ մը նըստինք անոնց մէջ, չորցնենք մեր թևերը ու թունք երթանք:



— Ես կը բանամ թերթիկներս, ըստ կակաչը, բայց կը բանամ գեղին ու կարմիր թիթեռնիկներուն համար. անոնք ինծի կը նմանին, ես ալ անոնց: Ներս կառնեմ երկուքը, բայց չեմ առներ ճերմակը. ես սովորութիւն չունիմ օտար հիւր ընդունելու:

— Քանի որ այդպէս է, ըսին կարմիր ու դեղին թիթեռնիկները, մենք ալ չենք գար: Մենք չենք ուզեր որ դուռը թողունք մեր եղբայրը:

3

Սակայն անձրևը կուզգար: Թիթեռնիկները ուժուին իրենց թևին. հազար նեղութիւնով թուան), [հասան] գեղեցիկ շուշանին քով:

— Այ շուշան, դուն մեծ ես, դուն աղջիւ ես. քիչ մը տեղ տուր մեղի՝ քու պսակիդ մէջ, մինչև որ անձրևը դադրի, թևերնիս չորցնենք ու թոխնք երթանք. մեղք ենք, գթա' մեղի:



Շուշանը հպարտ հպարտ նայեցաւ անոնց և ըսաւ.

— Ներս կառնեմ

ճերմակը, որ իմ գոյնս ունի, բայց չեմ առներ միւսները. ես չեմ ճանչնար զանոնք:

Այս ատեն, ճերմակ թիթեռնիկը ըսաւ բարկութեամբ.

— Եթէ մեր երեքին համար տեղ չես տար, ես ալ չեմ գար պսակիդ մէջ: Ինչպէս կրնամ

բաժնուիլ իմ եղբայրներէս: Ո՛չ, հազար անգամ ո՛չ: Լաւ է որ միասին թրջինք, միասին նեղուինք՝ քան թէ իրարմէ բաժնուինք:

4

Թիթեռնիկները ուզեցին անգամ մըն ալ թոշիլ և ուրիշ տեղ մը փնտուել. շարժեցին իրենց թրջած թևերը, բայց չի կրցան:

Այս միջոցին էր որ արևը ելաւ ամպին ետեւէն, և իր ճաճանչները ձգեց թիթեռնիկներուն փափուկ թևերուն վրայ:

Բարի եղբայրներ են ասոնք, իրար շատ կը սիրեն, — ըսաւ արևը, վարձատրեմ զիրենք:

Եւ թիթեռները ուրախացան, չորցուցին իրենց թևերը և սկսան դարձեալ պարել օդին մէջ՝ զուարթ ու անհո՞գ:

ԲԱ.Ա.ԵՐԱԽ Վ.Ա.ՐՃ ՌԽԹԱՒԻՆ

Դրեցէք ձեր քարետափակին վրայ՝ դէմ դէմի. — ներմակալիսակի: Ճերմակն եւ սպիտակ գրեթէ նոյն նշանակութիւնն ունին, այս պատճառով անոնց կ'ըսենք հոմանիք բառեր:

Գրենք ուրիշ հոմանիշ բառեր ալ.

1. Զգես — Հանդերձ
2. Ակռայ — Աւամ
3. Տուն — Բնակարան

4. Ճամբայ — Ռողի
5. Ճամբորդ — Անցորդ
6. Գիր — Տառ

ԺԱՄԿՈՉԸ ԵՒ ՈՒԽՏԱԽՈՐԸ


1



Բայց եկուր տես, գտաւ ընկեր
մեր շատախօս աքլորը:
Զափեցին վար, չափեցին վեր,
ինկան ճամբայ միասին:

2

Քըրտինը մըտած աքլոր ու շուն՝
ոտք քաշեցին լեռ ու ձոր.
ցորեկն անցաւ, եղաւ իր-
կուն,
վանքի մը մօտ կանդ առին,
— Ա'լ հերիք է, եղբայր
աքլոր,
ըսաւ շունը խիստ յոզնած.
եկուր պառկինք, քընանք որ
առտուն կանուխ արթննանք:
Աքլորն ելաւ ու թառեցաւ
վանքին վերի տանիքը.
շունն ալ փրոեց իր չորս թաթը,
դրոան առջև երկնցաւ:



3

Մեր ճամբորդներն այսպէս վատ լաւ,
մութն անցուցին կիսաքուն:
Լուսածագին արլորն ելաւ
կանչեց իրեն կուկիկուն:
Որ տեղէն որ, այդ չար
ժամուն,
ձայնը լըսեց աղուէսը.
վազեց եկաւ, տեսաւ
արթուն



մեր աքլորին երեսը:

— Բարի լոյս քեզ, աքլոր եղբայր,
աղուէսն ըսաւ քեթը վեր.
ինզրեմ, եկուր, շուտ դուռը բաց,
վանքն աղօթել եմ եկեր:

— Բարով եկար, քանոր աղուէս,
աչքիս վրայ տեղ ունիս.

գալըդ բարի, աղէկ կըսես,
ինձի կուտաս աւետիս.

բայց տես, վանքին դրանը քով
մեր ժամկոչը պառկեր է,
արթընցուր որ բանայ դուռը,
ըսաւ վարպետ աքլորը:

4

Մեր աղուէսը՝ սուտ ուխտաւոր՝
վանքին դըռան մօտեցաւ.
բայց որ տեսաւ գամբոը խոշոր,
ոտքը տակը ծալլուեցաւ:

Շուն է յանկարծ հաչեց հաւ, հաւ,
ցատկեց տեղէն մէկ կանգուն,
վրան հասաւ այն աղուէսին,
սև ուխտ բերաւ իր գլխուն:
Լեղապատառ ու կաղնիկաղ,
աղուէսն հազիւ հոգին փըրկեց.
Երբ որջն հասաւ արիւնթաթախ,
շունչ մը առաւ ու ըսաւ.
— Զէ, քանի այս վանքն այսպէս դեռ
ժամկոչ ունի իր դուռ,
Աստուած վըկայ, իր կեանքին մէջ
ալ ուխտաւոր չի տեսներ...

1. Ազուէսը հնչո՞ւ ուխտաւոր եղաւ եւ ի՞նչ ըսաւ աքորին:
2. Աքորը ի՞նչ պատասխանեց:
3. Ո՞գ էր ժամկոչը եւ ի՞նչ ըսաւ:
4. Հապա եթէ աքորը ի՞նք բանար վանքին դուռ:



ԲԵՐՆԻՆ ՀԱՄԸ ԳԻՏՑՈՂ ՇՈՒՆԸ

1

Մեծ քաղաքի մը մէջ, օր մը, ճամբորդին
մէկը հացագործի մը խանութէն հաց կը գնէր:
Տեսաւ, որ խոշոր շուն մը եկաւ, կեցաւ իր առ-
ջև և կարծես հասկցնել կուզէր թէ՝ քիչ մըն ալ
այդ հացէն ինձի տուր:

Ճամբորդը փրցուց կտոր մը և նետեց անոր:
— Այս շունը ձե՞րն է, — հարցուց ճամբորդը
հացագործին:

— Ո'չ, պատասխանեց հացագործը. բայց
մեր խանութին առջնէն անդին չերթար, և
անցնող դարձողէն դրամ կը մուրայ:

— Դրամ կը մուրայ, զարմացած հարցուց
ճամբորդը. շունը ի՞նչ պիտի ընէ դրամը:

— Օ՛, պարո՞ն, շատ լաւ գիտէ թէ ի՞նչ պի-
տի ընէ. կը մտնէ հացագործի մը խանութը և
կարկանդակ կը գնէ, ըսաւ հացագործը:

2

Ճամբորդը շատ զարմացաւ այս անհաւա-
տալի խօսքերէն և ուզեց ստուգել խածները:

Սկսաւ քալել փողոցն ի վար: Շունը հետե-
ւեցաւ իրեն, ճամբորդը կանգ առաւ փողոցին
մէջ. շունն ալ կանգ առաւ, և աշքովը կը հաս-
կըցընէր թէ բան մը կուզէ:

Այն ատեն, ճամբորդը տասնոց մը նետեց
գետինը:

Շունը խածաւ տասնոցը և սկսաւ քալել.
Հասաւ փուռի մը առջն, կանգ առաւ հացագոր-
ծին դէմ, առջնի երկու թաթերը դրաւ հաշ-
ուեսեղանին վըկայ, և դրամը երկնցուց հացա-
գործին:

3

Հացագործը հասկցաւ. հաց մը տուաւ շանը
բայց շունը ուժով կը սեղմէր դրամը իր ակոա-
ներուն տակ և չէր ձգեր:



Հացագործը ըմբռնեց թէ ի՞նչ ըսել կուզէր շունը. ուստի, ձեռքը երկնցուց փոքր կարկանդակի մը. շունը անմիջապէս ուրախութեամբ վար ձգեց դրամը, առաւ կարկանդակը, և պոչը երեցնելով, մկան ուտել:

Ճամբորդը ապշած էր և չէր կրնար հաւատալ իր աչքերուն:

ԹԱՌԵՆՔՈՒ ՎԱՐԺՈՒԹՅՈՒՆ

Դրեցէք սա բառերուն դէմ իրենց հոմանիշները.

1. Ռւսուցիչ
2. Տղայ
3. Երես

4. Մեփիկ ըրէ՛ք
5. Կենդանի
6. Լուսամնե



ԱՌԱՋԻՆ ԱՌՈՒՏՈՒՐԸ

1

— Ախ, մայրիկ, ես երթամ շուկան, ես երթամ բերեմ, կըսէր պղտիկ Սիսակ իր մայրիկին:

Սիսակենց տունը քիչ մը հեռու էր շուկայէն. ասոր համար, մայրիկը կը վախնար զինք շուկայի բրկելու:

— Այդ օրը, Սիսակին մայրը լուացք կընէր, և յանկարծ, օճառն էր պակսեր. Է, ի՞նչ ընէր, լուացքը կիսամտ թողուր:

— Հա՛, մայրիկ, ես երթամ շուկան... ես երթամ,— միշտ կը պնդէր Սիսակ:

— Տէ լաւ, գնա՛, տեսնեմ պիտի կրնամս ըսածներս բերել: Ա՛ռ զամբիւղը, ա՛ռ քեղի սատասը դահեկաննոցն ալ. կառնես մէկ հօխա օճառ, մէկ տուփ լեղակ ու չորս դահեկան ալ ետ կը բերես: Հասկցածը, անգամ մը կրկնէ տեսնեմ. ի՞նչ պիտի ըսես:

— Մէկ հօխա օճառ, մէկ տուփ լեղակ և չորս դահեկան ալ ետ,— արագ-արագ կրկնեց Սիսակ:

— Լա՛ւ ապրիս. տէ վազէ՛. շնոր. չուշանաս, տես:

Սիսակ, իսկոյն, զամբիւղը գլուխն անցուց և ուրախ-ուրախ դուրս վազեց:

— Մէկ հօխա օճառ, մէկ տուփ լեղակ և
չորս դահեկան ալ ետ, — կը կրկնէր ճամբան,
աշխատելով որ չի մոռնայ:

2

Քիչ մը անդին, դէմն ելաւ Մարիամը, դը-
րացիենց աղջիկը:

Սիսակ՝ ցոյց տալով գլխուն անցուցած զամ-
բիւղը, հպարտութեամբ ըսաւ.

— Տես, Մարիամ, շուկայ կերթամ:

— Սիսակ, եկուր որ ես ալ տիկնիկս ցոյց
տամ քեզի. տեսնա՛ս, ի՞նչ սիրուն է:

— Զէ, չէ, կուշանամ,— պատասխանեց Սի-
սակ, ու շարունակեց վազել:

— Մէկ հօխա լեղակ, չորս տուփ օճառ,
չորս դահեկան ալ ետ, — արագ-արագ կը կրկնէր
մտքէն:

3

Մօտիկ վողոցէն դուրս ելաւ՝ բարձրահա-
սակ, նիհար ծերունի մը, թեմին տակ մեծ հովա-
նոց մը, ու կերթար դէպի վեր: Դպրոցին ուսու-
ցիչն էր, պարոն Հայրապետը:

Սիսակ, տեսնելով վարժապետը, հանեց
զամբիւղը գլխէն, քղանցքները շտկեց և շտա-
պելով առաջ անցաւ:

Երբ մօտեցաւ վարժապետին, մեծի պէս
բարե տուաւ:

— Ա, շուկայ կերթաս, Սիսօ, — հարցուց
Պ. Հայրապետը:

— Այն, պարհն, մայրիկս խրկեց, — պա-
տասխանեց Սիսակ, ու սկսաւ նորէն կրկնել
մտքովը.

— Մէկ հօխա դահեկան, մէկ տուփ օճառ,
չորս լեղակ ալ ետ: Մէկ հօխա դահեկան, մէկ
տուփ օճառ, չորս լեղակ ալ ետ...

Ու կը քալէր արագ-արագ:

4

Սիսակ շարունակեց իր ճամբան, աշխատե-
լով յիշել մայրիկին պատուէրը:

Դէմն ելաւ նախիրը, և եղին մէկը կոտոշները
տնկած՝ վրան եկաւ:

Վախցաւ Սիսակ, բայց վազեց առաջ ու
սկսաւ քալել:

Ի՞նչ էր ըսեր մայրիկը. մոռցեր էր:

— Հա՛, մտաբերեց յանկարծ, ուրախու-
թեամբ. մէկ հօխա լեղակ, մէկ տուփ դահեկան,
չորս օճառ ալ ետ... մէկ հօխա լեղակ, մէկ
տուփ դահեկան, չորս օճառ ալ ետ...

Վերջապէս, հասաւ խանութը :

Սիսակ ներս մտաւ, ու հպարտ-հպարտ ըսաւ
խանութպանին:

— Մէկ դահեկան լեղակ, մէկ օճառ տուփ
և չորս հօխա ալ ետ:

Խանութպանը խնդաց:

— Ի՞նչ, ի՞նչ:
 — Մէկ դահեկան օճառ, մէկ լեղակ տուփ,
 չորս հօխա ալ ետ, — կրկնեց Սիսակ:
 — Կերմի՝ մէկ հօխա օճառ, մէկ տուփ լե-
 ղակ, չորս դահեկան ալ ետ, — հարցուց խա-
 նութպանը խնդալով:

— Այն, այն, մէկ հօխա օճառ, մէկ տուփ
 լեղակ, չորս դահեկան ալ ետ, կարմրելով հաս-
 տատեց Սիսակ:

Երջանիկ և ուրախ դէմքով, տուն կը վե-
 րադառնար փոքրիկ Սիսակը. զգուշութեամբ
 բռնած էր զամբիւղը, և ձեռքին մէջ ամուր սեղ-
 մած էր չորս դահեկանը:

Դոնէն ներս մտնելով, վազնէ վազ գնաց
 խոհանոցը ու պոռաց.

— Մայրիկ, մայրիկ, տես, բերի ամէնը. առ
 քեզի մէկ լեղակ հօխա, մէկ օճառ տուփ, չորս
 դահեկան ալ ետ :



ԹԱ.ՌԵ.ԲՈՒ.ՎԱ.ՐԺ.ՌԻ.Խ.Ն.

Գրեցէք սա բառերուն հոմանիշները.

- | | | |
|-------------|--------------|--------------|
| 1. Կեցաւ | 4. Անմիջապէս | 7. Դահեկան |
| 2. Հասկցնել | 5. Արեւ | 8. Կարմրելով |
| 3. Դրամ | 6. Հառագայր | 9. Ամուր |

ԲԱՂԵՂԸ ԵՒ ՈՒՇԵՆԻՆ

Բաղեղի հունտ մը ինկած էր՝ ուռենիի մը
 արմատին քով։ Եկաւ ամառ, բաղեղը ծիլեր ար-
 ձակեց, աճեցաւ ու տեսաւ ուռենին :

— Բարի ուռենի, ըսաւ բաղեղը. կուզեմ
 ես ալ վեր բարձրանալ, կուզեմ ես ալ արմին
 լոյսը վայելել՝ այդ բարձր տեղէն. թող կուտան
 որ փաթթուիմ բունիդ ու գամ վերը, հանգչիմ
 քու դալար ճիւղերուդ մէջ :

Ուռենին զլուխն երերցուց, և «այն, այն»
 ըսաւ՝ տերևները շարժելով :

Բաղեղը փաթթուեցաւ անոր բունին, մա-
 զլցեցաւ կամաց կամաց, ելաւ ելաւ մինչեւ
 դպար ճիւղերը :

Ծծեց արեւուն ճառագայթները և շատ չան-
 ցած՝ բացաւ կապոյտ, ճերմակ, կարմիր ու դե-
 ղին ծաղիկներ :

Ծառը որ ծաղիկ չունէր՝ զարդարուեցաւ
 նոր հարսի պէս :

Ուռենին բաղեղին օգնեց, բաղեղն ալ բար-
 տին գեղեցկացուց :

ԹԱ.ՌԵ.ԲՈՒ.ՎԱ.ՐԺ.ՌԻ.Խ.Ն.

Գրեցէք սա բառերուն հոմանիշները:

- | | |
|---------------|------------|
| 1. Փոերիկ | 5. Հանդարտ |
| 2. Զորս կողմը | 6. Քաջասիր |
| 3. Տի խորիր | 7. Կը մպտի |
| 4. Փրկած է | 8. Ծիլ |



ԿԱՄՈՒՐՉ ՇԻՆՈՂՆԵՐԸ

1

Անդամ մը, կենդանիները եկան, շարուեցան անտառին մեծ կաղնիին տակ, և խորհուրդի նըստեցան:

Խօսք առաւ առիւծը:

— Գիտէք, աղաներ, այս ժողովը ինչու ենք գումարեր...

Գայլը ոռնաց, արջը մովտաց. ամէնքն ըսին թէ պատճառը չեն գիտեր:

Այն ատեն, անտառին թագաւորը այսպէս ըսաւ.

— Այսօր հաւաքուեր ենք՝ մեծ գործի համար: Դուք բոլորդ գիտէք որ՝ այս անտառը նեղ կուգայ մեզի... աղուէսը կը գանգատի որ՝ եր-

կու տարի էր, բերանը հաւու միս չէ տեսեր. գայլը բորոտութիւն է առեր, և բժիշկները պատուիրեր են որ գառնուկի արիւն լակէ. բայց ինչպէս լակէ, իշխաններ, երբ անտառին մէջ ո՛չ նախիր կը մտնէ, ո՛չ ալ ոչխար մը հիւր կուգայ... պատճառը շատ պարզ է. սա մեր քովի անփծած գետը՝ մեզ աշխարհքէն կտրեր է. այսպէս որ մը-նայ, մենք ամէնքս ալ կորսուած ենք. պէտք է որ ասոր մէկ ճարը գտնենք...

Կենդանիները մոնչեցին, ոռնացին, ճշացին ու ամէնքն ալ իրաւունք տուին Առիւծին:

2

Շատ խորհեցան, քիչ խորհեցան, վերջապէս վճռեցին որ՝ գետին վրայէն կամուրջ մը ձգեն:


— Աղուէսը թող ճարտարապետ ըլլայ, ըսաւ Առիւծը. թող պատրաստէ կամուրջին յատակագիծը... ինչ կըսէր, իշխաններ. Աղուէսին քուէ կուտանք այս պաշտօնին համար...

— Հրամանք է, հրամանք է, մոլտացին ժողովականները :

— Շատ լաւ, ըսաւ Առիւծը. հիմա բաժնենք աշխատութիւնը մէջերնիս. թող ամէն մէկը պաշտօն մը առնէ և սկսինք շինութեան...

Կապիկը ժողովին բարտուղարն եղաւ և գրեց որոշումները :

Վագրը ուստա-պաշի պիտի ըլլար և արջն անտառէն գերան պիտի կտրէր. փիղն իր կնճիթով ջուր պիտի կրէր, էշն ալ կռնակով կիր ու աւագ:



Երբ խորհուրդը լմնցաւ, կենդանիները անտառէն դուրս ելան, և խումբով գացին գետին մօտք Գացին, որպէս զի որոշեն ձգուելիք կամուրջին տեղն ու պարագաները:

Ահա, այդ միջոցին, էշը առաջ անցաւ, խոնարհութիւն մը ըրաւ Առիւծին դէմ, և դառնալով ժողովին՝ հարցուց .



Աղաներ, շատ աղէկ ըսիք, շատ լաւ որոշեցիք, բայց բան մը կայ որ դեռ խելքիս չի պառկեցաւ. Ըսէք, կաղաչեմ, այս կամուրջը որ պիտի շննենք, գետին երկայնքէն պիտի ձգենք թէ լայնքէն. Վ. .

1. Ի՞նչ կը սէք իշուն հարցում ին :



ՍԼԻՆ ՈՒ ԱՐԱԶԸ

Օդը չոր էր,
տարին երաշտ.
աղանձեր էր
սար, ձոր ու դաշտ:
Բարկացեր էր
վերէն Տէրը,
սպառեր էր
մեծ գետերը:

Իր ծերացած
էշը հեծած՝

Արազն անցաւ ծերուկ Ալին:
— ՀԵյ խան Արազ, վայ քու հալին,
դարձաւ ըսաւ.

տես դուն բանին
որ Ալին
էշն ալ հունէդ ահա անցաւ :

ԲԱՌԵՐՈՒ ՎԱՐԺՄԱԹԻՒԴ

Աւշադրութիւն տուէք սա երկու բառերուն մուր-լոյս: Մէկը Փէսին հակառակ նշանակութիւն ունի: Այս տեսակ բառերուն կը սենք հականիք

հականիք բառեր

1. Լաւ — Վատ
2. Թարի — Զար

3. Ճերմակ — Սեւ
4. Կարծր — Կակուդ

Դրեցէք սա բառերուն հականիքները

- | | | |
|------------|------------|------------|
| 1. Պատաճի | 4. Խնդալ | 7. Թմրիլ |
| 2. Ծառայ | 5. Հնագանդ | 8. Մրջանիկ |
| 3. Խրիկաւն | 6. Քնանալ | 9. Զբաւոր |

ԿՈՅՐԵՐՈՒՆ ԳԻՐՔԸ

1

Մի զարմանաք, տղաք, որ կոյրերն ալ գիրք ունին և կոյրերն ալ կրնան կարդալ ձեզի պէս: Դուք աչքով կը կարդաք, անոնք ալ մատներով:

Կոյրերուն գիրքը ձեր գրքին պէս շինուած է. անոնց գրքին մէջի գրերը գուրս ցցուած են. կոյրերը, իրենց մատները քսելով այդ գրերուն վրայ, կը հեղեն և կը սկսին կարդալ:

Բայց մտիկ ըրեք որ խմանաք թէ ով հնարեց, և ինչպէս հնարեց կոյրերուն գիրքը:

2

Օր մը, գիտունին մէկը, եկեղեցիի մը դռան առջևէն կանցնէր. տեսաւ որ հոն կոյր աղքատ մը նստած է և ողորմութիւն կուզէ:

Գիտունը ուզեց 5 զուրուշնոց մը տալ անոր. ձեռքը տարաւ գրանը, հանեց դրամը և դրաւ աղքատին ափը:

Կոյրը շօշափեց դրամը և զարմացաւ. դարձեալ շօշափեց, և հասկցաւ որ ոսկի մըն է ձեռքին դրամը:

Կոյրը թէկ աղքատ էր, բայց պարկեշտ մարդ էր. ուստի, անմիջապէս, պուաց անցորդին ետևէն.

— Պարո՞ն, պարո՞ն, անշուշտ սխալած ըլլալու էք. ինծի տուած դրամնիդ ոսկի է:

Գիտունը ետ դարձաւ, և տեսաւ որ՝ իրաւ, սխալումով, 5 դրուշի տեղ՝ ոսկի մը տուած է:

— Բայց, ի՞նչպէս գիտցար որ տուածս ունի է, հարցուց գիտունը զարմացած:

— Ի՞նչպէս գիտցայ, ըստ կոյրը. շօշափեցի մատներովս և հասկցայ:

3

Գիտունը շարունակեց իր ճամբան, բայց իր մտքին մէջ լոյս ծագեցաւ. — Եթէ կոյր մը կրրնայ մատներով ճանչնալ դրամ մը, ինչու ուրեմըն պիտի չի կրնայ ճանչնալ դրեր և թուանըշաններ, եթէ անոնք շինուին ցցուած ձեռվ . . .

Մտածեց, մտածեց, և սկսաւ շինել այդ ձեռվ գրեր, այդ գրելով ալ գիրք մը:

Եկեղեցիի մը դրան առջև կոյր պատանի մը գտաւ, տարաւ իր տունը. սկսաւ անոր մատները գրերուն վրայ քաել տալով՝ կարդալ սորվեցներ:

Թիշ ատենէն, կոյրը ճանչցաւ բոլոր գրերը, և սկսաւ ինքնիրեն կարդալ ամէն բան:

Անկէ ետք, գիտունը բոլոր աշխարհին յայտնեց իր գիւտը:

Առաջին անգամ, ինք բացաւ կոյրերուն համար դպրոց մը. իրեն նայելով՝ ուրիշներ ալ բացին, և այսօր, աշխարհի շատ քաղաքներուն մէջ՝ կան կոյրերու վարժարաններ,

ԸՍ.ԹԵՐՈՒ Վ.Օ.ՌԺՈՒԹԵՒԽՆ

Դտէք սա բառերուն հականիտեներ,

- | | | |
|-----------|--------------|------------|
| 1. Աղբատ | 4. Ետեւէն | 7. Ծագեցաւ |
| 2. Նստած | 5. Մխարումով | 8. Բացաւ |
| 3. Պարկետ | 6. Լոյս | 9. Առաջին |

ԺԱՄԿՈՉԸ - ՔԱՀԱՆԱՅ

1

Եղեր է, չէ եղեր, խենդ ու տգէտ քահանայ
մը: Ճամբան, երբ տեսնէր որ դէմին մէկը կու-
գայ, դեռ քառասուն քայլ հեռուէն կը պոռար.

— Հէյ, հեռու, ճամբայ տուր:

Օր մըն ալ, այսպէս, թագաւորին հանդիպե-
ցաւ:

— Էյ, հեռու, ճամբայ տուր, պոռաց քա-
հանան փողոցին ծայրէն:

Սակայն, թագաւորը դիտաւորութիւն չունէր
ճամբան շեղելու, և կը շարունակէր առաջ գալ:

Քահանան ստիպւեցաւ ինքը ճամբայ տալ:
Երբ որ իրարու մօտեցան, թագաւորը ըսաւ
անոր.

— Վաղն առտու, կանո՛ւխ, պէտք է պալա-
տըս գաս. քեզի երեք հարցում պիտի հարցնեմ.
Եթէ չկրնաս անոնց պատասխանը տալ, վար
պիտի առնեմ փիլոնդ ...

2

Առ քեզի բա՞ն. տէրտէրը խենդ ու խելառ
պոռալ-կանչելու մէջ վարպետ էր, բայց հարցու-
մի պատասխան տալը բնաւ գործին չէր գար:

Ելաւ գնաց ժամկոչին քով: Ժամկոչը իրմէ
աւելի խելոք էր, ուստի անկէ խելք հարցուց:

Վերցուցին, ձգեցին, վերջապէս՝ որոշեցին որ,
տէրտէրին տեղ, ժամկոչը երթայ թագաւորին քով:

Ժամկոչը հագաւ քահանային հագուստը և
գնաց պալատ:

3

Պալատին մէջ, զինք զիմաւորեց թագաւորը՝
թագը զիսին, մականը ձեռքին, և ուկի ու ար-
ծաթի մէջ կորսուած:

— Հա՛, եկած, ըսաւ թագաւորը:

— Այո՛, ի՞նչ ընեմ, եկայ, պատասխանեց
քահանան:

— Տէ՛ ուրեմն, ամէնէն առաջ, պատասխա-
նէ սա՛ հարցումիս. որքան հեռու է արևելքը
արևմուտքէն:

— Մէկ օրուայ ճամբայ է:

— Ի՞նչպէս, հարցուց թագաւորը:

— Ահա թէ ի՞նչպէս. արևը արևելքէն արեւ-
մուտք կերթայ և մէկ օրէն տեղ կը հասնի:

— Շիտա՛կ է, ըսաւ թագաւորը: Հիմա պա-
տասխանէ երկրորդ հարցումիս. որքան կարժեւ
ես՝ անձովս ու հագուստներովս:

— Քրիստոսը գնահատեցին 30 դահեկանի,
ուրեմն գուն 29 դահեկանէն աւելի չես արժեր:

— Լա՛ւ, լա՛ւ, ըսաւ թագաւորը. քանի որ
գուն այդքան խելացի ես, զիտցիր թէ հիմա ի՞նչ
քանի վրայ կը մտածեմ ես:

— Դուն հիմա կը մտածես թէ՝ քու առջեւ
կեցողը քահանան է. բայց ո՛չ, քու առջեւ կանգ-
նածը ժամկոչն է:

— Է ուրեմն, քանի որ այդպէս է, ասկէ
ետք դո՛ւն կըլլաս քահանայ, քահանան կըլլայ
ժամկոչ, — ըստ թաղաւորը:
Այդպէս ալ եղաւ:

ԹՍ.ՌԵՐՈՒ Վ.Ա.ԲԺՇԱԹԻՒՆ

Գուշք սա բառերուն հականիւները

1. Կանուխ	4. Կը բորձանայ	7. Կը կինայ
2. Ցուրտ	5. Անօրի	8. Անուժ
3. Կը մակին	6. Հեռուեն	9. Նոսիի



ԱՇՈՒԽ

Ի՞նչպէս եղաւ, թրուաւ յանկարծ
ցուրտ հիւսիսէն ան չար քամին,
տեսաւ սիրուն դրախտ դարձած
ճամբաները լերան, ձորին:

Ու զայրմացած ըստ ահա.

— Ի՞նչ էք այդպէս զարդարուեր դուք,
չէք տեսներ որ ելեր կուգայ
սառնամնիք, ձրմեռ ու փուք :

Ծառերն ամէն սուզը մըտան,
հովին տուին նախշուն լաթեր.
Ըսին «ափսոն մեր ամառուան,
«ափսոն, զացին արև օրեր»:

Թոչունները երամ եղած՝
ամէն կողմէ հաւաքուեցան,
թրուան բարձրէն թեւատարած,
թրուան, աշբէ կորսուեցան

Արօտական, հովիւ ու հօտ
իջան լեռնէն դաշտերը ցած.
Ճորին առուն լոկ փըրփուրոտ՝
քարերուն հետ մինակ մընաց:

Լեզապատառ զողզացին
տերևները ցուրտ ճիւղերուն.
թափթը կեցան ասդին անդին,
սըրսը փալով գացին հեռուն:

Արևն երկրէն չի կշտացած՝
ամպը եկաւ զինը թաղեց.
ամպը եկաւ ու վերէն ցած
հանդարտ, հանդարտ արցունք մաղեց:

ԹՍ.ՌԵՐՈՒ Վ.Ա.ԲԺՇԱԹԻՒՆ

Եկէք բաժնենք սա ամէն մէկ բառը ու տեսնենք թէ անոնցմէ
բւբաժանչիրին մէջ քանի՞ բառ կայ.

1. Քաշասիրտ — բաջ եւ սիրտ
2. Քարհտախտակ — բար եւ ասիստակ
3. Դաստիքերք — դաս եւ զիրք
4. Նաւապետ — նաւ եւ պետ
5. Սեղանատուն — սեղան եւ տուն

Երբ որ երկու զատ զատ ու իմաստ ունեցող բառեր՝ իբրու կը
միանան եւ մէկ բառ կը կազմեն, այդ բառին կըսենք բարդ բառ: Քա
ջասիրտ, բարեսախտակ, դաստիքիրք բառերը բարդ բառեր են:

ՀՈՎԸ, ԶՈՒՐԸ ԵՒ ԹՌՉՈՒՆՆԵՐԸ

1

Երբ որ դաշտը պտոյտի էին գացեր, ուսուցիչը իր քով հաւաքեց աշակերտները, եւ սահարցումը ըրաւ անոնց.

— Ըսէք տեսնեմ. դուք զիտէք որ արտին մէջ երկրագործը կը ցանէ ցորենն ու գարին, ոսպնու կորեկը. ով կը ցանէ հապա անտառին ծառերը, դաշտին խոտերն ու լեռան ծաղիկները...

Աշակերտները մտմտացին, մտմտացին, բայց չի կրցան պատասխան տալ:

2

— Վաղէ, Վահա՞ն, բռնէ տա հովանոցի նըման մեծ չոր բոյսը և հոս բեր, ըսաւ ուսուցիչը:

Վահան բռնեց և բերաւ:

Ուսուցիչը առաւ և ըսաւ:

— Տղա՛ք, Եթէ այս բոյսը նետեմ օդին մէջ, ով կը բշէ կը տանի զայն—

— Հո՛վը, հո՛վը, — պոռացին ամէնքը :



— Հիմա, նայեցէք և ըսէք իմէ ի՞նչ կայ առոր ծայրը:

— Սերմեր, սերմեր, ըսին անոնք:

— Երբ հովը այս չոր բոյսը գլորելով տանի, ի՞նչ կը լլան անոր վրայի սերմերը:

— Կը թափին, կը թափին, պատասխանեցին աշակերտները:

— Ուր կը թափին:

— Ասդին, անդին:

— Ուրեմն հովը ի՞նչ կընէ սերմերը:

— Հովը սերմերը կը ցանէ:

— Հիմա ըսէք. Երբ խոտերուն ու ծաղիկներուն սերմերը հասուննան՝ հովը ի՞նչ կընէ զանոնք:

— Հովը կը բշէ կը տանի, կը ցրուէ ամէն կողմ:

— Բսել է, երկրագործէն զատ ալ ով կը ցանէ:

— Հովը, հովը, պոռացին աշակերտները:

3

Տղաքը մտան ծառերուն մէջ:

— Աստղիկ, տես, ի՞նչ կընէ տա թոչունը:

— Խնձորը կը կտցէ, խնձորը կուտէ:

— Թոչունները մինակ խնձոր կուտեն:

— Ո՛չ, տանձ ալ կուտեն, սերկնիլ ալ կուտեն, բոլոր պտուղներն ալ կուտեն:

— Բսէ, Արամ, ի՞նչ կան պտուղներուն մէջ:

— Կուտեր, կուտեր, ըսաւ Արամ:

3

— Ճիշտ է: Թոչունները կուտեն ամէն տեսակ պտուղներ և կը տանին ամէն կողմ. այդ պտուղներուն կուտերը կը թափին հոս ու հոն, և անոնցմէ կը բուսնին ծառեր ու թուփեր:

— Հիմա հասկցայ, ըստ Բարկէն. մեր գեղին բլուրին վրայ միս մինակ մե-թութի ծառ մը բուսեր է. ըսել է, կամ հովը կա'մ թոչուններն են ցաներ անոր սերմը. ճիշտ է, պարո՞ն:

— Ճիշտ է, պատասխանեց ուսուցիչը:

— Հիմա ըսէ՛ք, տղա՛ք, ա'լ հի կը ցանէ ուրեմն:

— Թոչուններն ալ, թոչուններն ալ, ըսին աշակերտները:

4

Տղաքը շարունակեցին իրենց ճամբան:

— Տղա՛ք, նայեցէք սա առուին. ի՞նչ կը բերէ ջուրը:

— Պտուղի կուտեր են, պտուղի կուտեր են, կանչեցին մէկքանիները:

— Կը նշանակէ թէ ջուրն ալ կը ցանէ, ըսին շատերը:

Տղաքը անցան խոտերուն մէջէն:

— Մկրտի՛չ, աս ի՞նչ է փակեր լաթերուդ:



Ընկերները նայեցան և ըսին.

— Խոտի սերմեր են,

— Ուրեմն, մենք ալ կը ցանենք, ըստ Տիգրանուհին:

— Ճիշտ է, կրկնեց ուսուցիչը: Շատ լաւ, հիմա գացէք խաղալու. բայց, երթալէ առաջ անգամ մըն ալ ըսէք թէ՝ մենք ի՞նչ սորվեցանք այսօր:

Թ.ԱՆԵՐՈՒ Վ.Ա.ՐՃ.ՌԻԹ.ԻՆ.

Քսէք թէ ի՞նչ երկու մասէ կազմուած են սա բարդ բառերը.

1. Երկարազործ

4. Սալայատակ

2. Ա.Տաղձազործ

5. Մեծապատիւ

3. Կօշկակար

6. Վարժատոն

Ինչպէս կը տեսնէք, ա գերը կապ է եղեր եւ կապեր է երկու բառերը իրարու հետ: Այս ա գրին կըսենք յօդակապ:



Օ Դ Ը

1

— Գիտէք, տղա՛ք, բան մը կայ որ չենք տեսներ, բայց միշտ մեղի հետ է. մեղի հետ է՝ տանը մէջ, տունէն դուրս, դաշտին վրայ, լեռան գլուխը, ամէն ամէն տեղ՝ ուր որ երթանք: Գլուտէ՛ք տեսնեմ, ի՞նչ բան է, հարցուց ուսուցիչը աշակերտներուն:

Տղաքը սկսան իրարու երես նայիլ ու մըտմտալ: Մտմտացին, բայց չի գտան:

— Ա՛ռ սա զիրքը, Աւետի՛ս, ուշ շարժէ՛, ա-
րագ-արագ, երեսիդ զիմաց:

Աւետիս աւաւ ուշ շարժեց:

— Ի՞նչ կիմանաս երեսիդ վրայ, հարցուց
ուսուցիչը:

— Հո՛վ, պատասխանեց Աւետիս:

— Հիմա դո՛ւն ըսէ, Կարապետ, ըսաւ ու-
սուցիչը. երբ որ ուժով վազես փողոցին մէջ,
ի՞նչ բան կը զգաս դէմքիդ դէմ:

— Հո՛վ, հո՛վ, պատասխանեց Կարապետ:

— Լա՛ւ, բայց ի՞նչ բան է հովը:

Տղաքը նորէն լուցին, որովհետև չէին զիտեր:

2

— Է, հիմա մտիկ ըրէք որ ըսեմ ձեզի թէ
ի՞նչ է հովը:

«Հովը օդ է, օդ ըսուածն ալ առարկայ մըն
է, բայց թեթև է, թափանցիկ է և չտեսնուիր.
ո՛չ համ, ո՛չ ալ ձե ունի Երկրիս վրայ չի կայ
տեղ մը որ օդ չըլլայ. մեր սենեակին մէջ, սեն-
եակէն դուրս, դաշտին վրայ, լեռան զլուխը, ուր
որ երթանք՝ միշտ օդ կը գոնենք:

«Օդն է որ մեր քիթէն ուշ բերնէն ներս կը
քաշենք. մօտեցուցէք ձեռքերնիդ ձեր բերնին և
հօ ըրէք. տեսէ՛ք, ձեր ներս քաշած օդն է որ
դուրս կուտաք: Եթէ օդ չըլլար՝ բոլոր մարդիկ,
բոլոր կենդանիները, բոլոր թռչունները անմի-
ջապէս պիտի մեռնէին, բոյսերը պիտի չորնային
և աշխարհիս վրայ ողջ կենդանի չպիտի մնար:

3

— Ուրիշ բաներ, ուրիշ բաներ ալ ըսէք օ-
դին վրայ, կը պոռային աղաքը իրենց ուսուցչին:

— Այո՛, այո՛, պիտի խօսիմ, ըսաւ ուսուցիչը:

«Ըսի ձեզի թէ՝ օդ որ չըլլայ, չենք կրնար
ապրիլ բայց, պէտք է զիտնաբ որ մաքուր օդն
է օգտակարը:

«Օդը երբ որ փակ սենեակի և փակ տեղե-
րու մէջ մնայ՝ անմաքուր կը դառնայ: Շատ վը-
նասակար է այս օդը, որ լեցուած է մեր արտա-
շնչութիւնով. օրինակի համար, դասարաններուն
օդը, դպրոցին օդը, մեր ննջասենեակներուն օդը:
Ասոր համար է որ՝ շուտ շուտ պէտք է բանանք
լուսամուտները, և մաքուր օդ մտցնենք ներս:

«Ով որ անմաքուր օդի մէջ բնակի, ան-
պատճառ կը հիւանդանայ: Մաքուր օդը՝ հացէն
ուշ ջուրէն աւելի անհրաժեշտ է մեզի համար:»

Մանուկները ուրախ էին որ նոր բաներ
կիմանային:

ԾԱՄԱՐԹՈՒ Վ.Ս.ՌԺ.ՌԽ.Թ.Պ.Ի.Դ.

Գրեցէք հար, հաց, տուն, մուկ, հայր, մայր:

Կրնա՞նք բաժնել այս բառերն ալ: Ո՞չ, չենք կրնար, որովհետեւ
անոնց վրայ ուրիշ բառ կամ ուրիշ աւելորդ գիր դրուած չէ. ահա
այս տեսակ բառերուն՝ արմատ բառ կըսենք:

Ուսուցիչը թող ձեզի գրել տայ տասը հատ ուրիշ արմատ բառեր ալ:



ԱՂՈՒԷՍՆ ՈՒ ԳԱՅԼԸ

1

Ուստա աղուէսն օյինպազ
եկաւ, եկա՞ւ վազնէ վազ,
ճամբուն մէջտեղ, կամացուկ
պառկեցաւ հոն սուտ մեռուկ։

Ու տաւուլով, զուրնայով,
կարմիր գինի կոնծելով՝
տասը քսան հարսնեոր,
ալի-փուլի ձիաւոր՝
առեր նոր հարս մը խաթուն,
կը տանէին կեսրանց տուն։
Եկան հասան աղուէսին.

Ճամբէն առին
չարաճընին,
ընծայ տըռուին նոր հարսին։
Դըրին հարսին զաւակը.
Բայց ան չարի զաւակը
թըռուաւ անոր շալակը,
խըտխըտացուց նոր հարսը։
Հարսը թոթվեց իր վարսը.
— Ամա՞ն, աղուէս,
էյ աներես,
զիս մի՛ ըներ
դուն սևերես.

Ես նոր հարս եմ անխօսկան,
հանաք մ'ըներ, անպի՛տան։
— «Լաւ, հարսնո՛ւկ ճան, որ չըրի,
կու տան ոսկիդ դուն ինծի»։
Նոր-հարսնուկը ամօթէն,
ոսկին հանեց իր պուկէն,
տըռուաւ ան չար աղուէսին։
Աղուէսն առաւ երբ ոսկին,
մէկիկ մէկիկ թօփ ըրաւ,
ձիուն թամբէն հօփ ըրաւ,
թըռուաւ գետին ու վըժեց,
հարսն էր տեղէն վուշ վըշեց։

2

Աղուէսն է, հա, շէն-ուրախ,
ոսկին ձըզած պոչէն կախ,
մէկ ճախ, մէկ աջ,
ետ ու առաջ,
կը շարժէ, խաղ կը կանչէ,
խենդենալը բան մը չէ։
— « Ամա՞ն, ամա՞ն,
«հէյ եաման,
«ով կայ, ով կայ,
«ինձ նըման։
«Ելայ հարսին գաւակը,
«գաւակէն ալ շալակը,
«առի ոսկին
«հարսնուկին,
«առի՛, առի՛, ու փախայ.

«տէ, աղուէս ճան,
«տէ խաղայ»

Աղուէսն այսպէս, առաջ, ետ,
կը խաղար իր պոչին հետ:
Գայլ մը եկաւ, դունչն արնոտ,
մազը թափած ու քոսոտ.
ըստ «նվ է, այ աղուէս,
«այսքան ոսկին տրուեր բեզ»

— գելուկ
մելուկ
գել աղա,
փըշել գիտես
դուն զուռնա.
ծափ զարկ,
չափ զա'րկ.
հոգիդ սիրես,
կանգնիմ թաթի,
կրունկի,
խաղամ, պարեմ
թամզարա.
հայ շօրօրա՛, շօրօրա՛,
վայ շօրօրա՛, շօրօրա՛ ...
ոսկին կարգով
իր շարոցով
աս իմ պոչէն,
դաշտին մէջէն
թող ջընկջընկայ,

չունեցողն ալ
մըղմըղայ հա՛ մըղմըղայ:
— «Աս ո՞ր տեղէն, ալ ո՞ւր կայ...»
— գելիկ,
մելիկ,
գել աղա,
լիճը տրուաւ
ինձ ընծայ .

այն տեղ, այն տեղ կայ մէկ լիճ,
ափերուն մօտ ջուրը քիչ.
այդ ջուրին մէջ ես ողջ ողջ
դըրի պոշս օր մ' ամբողջ.
մէկ օրուան մէջ, տես, այսքան
ոսկիներն է դիզուեցան
պոչիս վըրայ,

Աստուած վըկայ:
Մինակ ոսկի, ձուկերն հապա՛.
երթանք, կուզես, գել աղա,
տամ լիճն ամբողջ բեզ ընծայ:

— «Ո՞ր այդպէս է,
մեր աղուէս,
հեծիր մէջըէս,
տանիմ բեզ»

3

Աղուէսն հեծաւ մէջըը գայլին
ու քըշելով իր անսանձ ձին,
եկան հասան ան լըճին:
Գայլը ափին պըպըզեցաւ,

պոչն արմատէն ջուրը դըրաւ:
 Աղուէսը թէ՝ «Գա՛յլ, քու մօտ,
 մէյ մ'ալ կուգամ առաւօտ,
 տեղէդ չելլես, մահտեսի,
 պոչդ թող լաւ մը թըրջի
 որ դուրս հանէ շատ ոսկի։»
 Երկինք
 գետինք
 ճընկճընկաց՝
 գայլը ցըրտէն
 վընկվընկաց՝
 «ինծի պէտք չէ ձուկ, ոսկի»
 Պոչը քաշեց որ փախչի.
 բայց ո՞ր տեղէն, ան լիճէն.
 լիճը կըպեր էր պոչէն։



ԲԱՌԵՆՔՈՒ ԱՌԵՋՈՒԹԻՒՆ.

Սա բառերը իրարու միացուցէք ա յօդակապով եւ կազմեցէք
 բարդ բառեր։

- | | | | |
|------------|--------|-----------|-------------|
| 1. Նաւ | վարող | 6. Լոյս | մօնելու տեր |
| 2. Բուր | մաս | 7. Գիրք | ծախող |
| 3. Նեցելու | սենեակ | 8. Գետի | բերան |
| 4. Ռորի | տունկ | 9. Մրագ | հոսող |
| 5. Վաճիթի | հայր | 10. Քաղցր | լեզու |

ԿԱՏՂԱԾ ՇՈՒՆԸ

1

— Լսեցի՞ր, կարապետ, հարցուց Մարտօն։
 մեր գեղին շունը, Զալօն, կատղեր է։ Երէկ, յան-

կարծ, յարձակեր է
 հովիւխն վրայ և ու-
 զեր է խածնել. հովի-
 ւը իր ցուպով ինք-
 զինք պաշտպաներ
 է, և հազիւ կըցեր
 է հոգին ազատել։
 Այսօր գեղացիները

հաւաքուեր են՝ որ սպաննեն Զալօն։

— Մեղք չէ Զալօյին, ինչո՞ւ կը սպաննեն։

— Խե՞նթ ես, ի՞նչ ես, ըսաւ Մարտօն. եթէ
 չսպաննեն, կը խածնէ գեղացիները։

Կարապետ չէր գիտեր թէ ինչ ըսել է շան
 կատղիւր։

Մարտօն ալ շատ բան չէր գիտեր. խօսելով
 խօսելով՝ գացին դպրոց։

2

Ուսուցիչը ինք ալ իմացեր էր Զալօյին
 կատղիւր։

Բոլոր տղաքը կատղած շանը վրայ կը խօ-
 սէին, ու կը մեղքնային որ խեղճ Զալօն պիտի
 մեռցնեն։

— Այն, զաւակներս, ըսաւ ուսուցիչը. բայց գիտէք թէ ինչ գէշ բան է շուներուն կատղիլլ : Զալօն հիմա հասած մարդը խածնել կուզէ . և անգամ մը որ մէկը խածաւ, ալ այդ մարդուն կեանքը վտանգի տակ է :

— Ինչպէս, ինչպէս, հարցուցին տղաքը:

— Ըսեմ թէ ինչպէս՞ օրինակի համար, եթէ Զալօն խածնէր հովիւ Սահակը, Սահակն ալ քանի մը շաբաթ ետք, կը սկսէր կատղիլ . ինք ալ կը յարձակէր գէմը ելլողին վրայ, կը խածնէր, կը փարատէր. ալ չէր ազատեր և մեծ տանջանքներով կը մեռնէր :

3

Տղաքը բիչ մը լուռ կեցան, յետոյ հարցուցին.

— Դարման չի կայ այս հիւանդութեան:

— Հարկաւ կայ: Կատաղութիւնն ալ հիւանդութիւն մըն է՝ ամէն հիւանդութեան պէս: Այդ հիւանդութեան թոյնը կը գտնուի կատղած շան շողիքին մէջ. երբ շունը խածնէ, շողիքը կը խառնուի մարդուն արիւնին հետ և մարդն ալ կը փարակուի: Փասթէօռ անունով գիտուն բժիշկ մը գտաւ գեղը: Անոր գտած դարմանը հեղուկ մըն է որ շիճուկ կը կոչուի:

— Ինչ կընեն այդ շիճուկը, հարցուցին մանուկները:

— Այդ շիճուկը կը ներարկեն փարակուած մարդուն մարմինին մէջ: Այսպէս, մարդը կա-

ղէկնայ. բայց ատեն կորսնցնելու չի գար. պէտք է որ հիւանդը անմիջապէս բժիշկին քով տարուի:

4

— Հապա մեր գիւղին մէջ որ շիճուկ չի կայ, ի՞նչ պէտք է ընենք, հարցուց Սարգիս:

— Այն ատեն, պէտք է ուրիշ ճար մը խորհինք, ըսաւ ուսուցիչը. կամ անմիջապէս խածուած տեղը տաղելու ենք, կամ շուտով քաղաք տանելու ենք հիւանդը:

— Այդ շիճուկը գտնուելէ առաջ՝ ի՞նչ կընէին մարդիկ հապա, հարցուց Գրգոն:

— Ի՞նչ պիտի ընէին, զաւակս, բան մըն ալ չէին կրնար ընել. հազարաւոր մարդիկ կը մեռնէին պարապ տեղը: Գիտուն Փասթէօռը իր դեղը գտաւ և ամբողջ աշխարհին բարիք ըրաւ: Ասոր համար է որ՝ Փասթէօռը մարդոց մեծ բարերարներէն մէկն է. պահեցէք անոր անունը ձեր միտքը:

1. Զուու հեղուկ է. ա'լ ուրիշ ի՞նչ բաներ հեղուկ են:

2. Ի՞նչու Փասթէօռ բարերար կը կոչուի:

ԹԱՅՈՒՐՈՒ ՎԱՐԺԱՌԻԹԻՒՆ

Արմա՞ս թէ բարդ բառ է՝

1. Գեղ	4. Հիւանդ	7. Մեծանուն
2. Սև	5. Սեւագոյն	8. Միթք
3. Ներաւկել	6. Անուն	9. Մրամիք





ՔԱԶԱՄԻՐՏ ՔՈՅՐԸ

1

Անահիտ, իր փոքրիկ եղբայրը գրկած, կը քալէր փողոցին: Յանկարծ, մեծ աղմուկ մը լսեց ետևէն: Ետին դարձաւ և ի՞նչ տեսնէ աղէկ:

Կառք մը կու գայ սաստիկ արագութեամբ: Կատղած ձիերը կը վազեն քառասմբակ:

Փողոցը նեղ ու ամայի էր:

Անահիտ սարսափեցաւ. ուր երթայ, ի՞նչպէս ազատէ ինքզինք ու իր զրկին մանկիկը:

Կը նայի չորս կողմը, ոչ բաց դուռ կայ, ոչ ալ փախելու ճար:

Կառքը կը մօտենայ սակայն:

Անահիտ մտածեց և մէկ վայրկեանի մէջ որոշեց ընելիքը: Մէկ ճար մը միայն կայ՝ իր փոքրիկ եղբայրն ազատելու համար:

Անահիտ ինքզինք չի խորհիր, միայն կը մը-

տածէ թէ ինչպէս վրկէ իր փոքր եղբայրը:

Ահա արագ ոստիւնով մը՝ ցատկեց զրան մը առջև. զրկին մէջ պինդ սեղմեց մանկիկը, իր երեսը դարձուց դէպի պատը և կեցաւ անվախ:

Գիտէ որ կառքը պիտի գայ, պիտի տրորէ պինք, բայց պիտի ազատի իր եղբայրը:

2

Կառքին մէջ նստած անցորդները կը տեսնեն փոքր աղջիկն ու անոր զրկին մանուկը. սարսափի ճիշ մը կը հանեն. փողոցը նեղ է և կառքը լայն. երկու մանուկներուն ալ կեանքը վըտանգի տակ է:

Հնար չի կայ ձիերը կեցնելու:

Անահիտ կանգնած է՝ երեսը դեփին, բայց հանդարտ, անշարժ և քաջասիրտ:

Կառքը կը հասնի, կանցնի, ահա անցաւ . . . :

Քոյր ու եղբայր տապալեցան գետին, բայց, փառք Աստծու, բոլորովին ջախջախուած չեն:

Քոյրը ոտքի կելլէ անմիջապէս, և առանց ինքզինք հոգալու՝ կը



Վազէ եղբօրը մօտ ու վեր կը վերցնէ:

Եղբայրը վսասուած չէ . բայց ճգմուած է
Անահիտին մէկ թեր:

Անահիտ կը գրկէ մանկիկը . կը գրկէ և կը
սկսի քալել . իր թեր սաստիկ կը ցաւի, սակայն
չիմանար իր ցաւը, կը ժպտի փոքրիկ եղբօրը
երեսին : Կը ժպտի՝ հալորտ ու քաղցր ժպիտով,
որովհետև գիտէ թէ փրկած է անոր կեանքը :

1. Եթէ դուք ըւլայիք Անահիտին տեղ՝ ի՞նչ պիտի ընէեք:
2. Անահիտ միայն քայաւի՞րտ ազջիկ մըն էր:
3. Ինչո՞ւ հպարտ ու քալցր ժպտով կը ժպտէր Անահիտ:

Ա.Ս.ՌԵՐՈՒ Վ.Ա.ՌԺ.ՌԻԹԻԼՆ

Արմա՞ս թէ բարդ բառ է՝

1. Մեղան	4. Լեռ.	7. Խոռ
2. Գոմեց	5. Լեռնազազար	8. Խոռակեր
3. Մսակեր	6. Կուռ	9. Միս



ՄԷԳԻՆ ՄԷԶ

Մըուայլ մէզը ծածկեց ծովը,
լայնատարած, կապոյտ ծովը :
Մութ մէզին մէջ, տեսէք, վայ, վայ,
մոլորուեր է խեղճուկ մէկ ճայ . . . :

Ծովն է անհուն, լայն ու անծայր,
մէզն է թանձըր, խաւար ու չար:
Էհ, ի՞նչ ընէ, լայ թէ ճշայ,
խեղճ ու անճար, փոքրիկ մէկ ճայ :

ԻՄԱՍՏՈՒՆ ՄԱՆՈՒԿԸ

1

Արևելքի թագաւորը պատճառ կը վնտոէր,
որ կոխւի բոնուի արևմուտքի թագաւորին հետ:
Գիր զրկեց ու մէջն ալ այսպէս գրեց.

«Արևմուտքի թագաւոր, քու ձիղ որ այգ-
տեղ խրխնջաց, իմ ձիս այս տեղ վախցաւ :»

Արևմուտքի թագաւորը չի հասկցաւ արևել-
քի թագաւորին միտքը: Կանչեց իր նազիր-վէ-
զիրները, որ բացատրեն թէ ինչ ըսել կուզէ ա-
րևելքի թագաւորը :

Բայց, մէկը չեղաւ որ բացատրէր:
Տեսաւ որ չըլլար, դեսպաններ զրկեց գիւղ
ու քաղաք :

Հրկեց որ իմաստուն մէկը գտնեն ու իրեն
քերեն :

2

Դեսպանները շատ պտտեցան, հոս ու հոն
խնկան, բայց մէկը չի գտան՝ որ արևելքի թա-
գաւորին միտքն հասկնար :

Յուսահատած, ետ կը դառնային :
Վերջը, գիւղէ մը անցած ատեն, տեսան որ
քարին վրայ մանուկ մը նստած է:
— Էյ, տղայ, հարցուցին դեսպանները ,—
մւը է հայրդ :

— Հայրս, պատասխանեց մանուկը, — վէճ կը ցանէ :

— Ի՞նչպէս թէ վէճ կը ցանէ, ի՞նչ ըսել է վէճ ցանել, հարցուցին դեսպանները:

— Այ, սա ճամբուն վրայ, մատով ցոյց տուաւ մանուկը, — հայրս պարտէզ է տնկեր։ Անցող-դարձողը կը մտնէ՝ վարունգ կը կտրէ, ձմեռուկ կը փրցնէ, սոխ կը քաղէ։ Հայրս ալ անոնց հետ շարունակ կը փիճի ու կը կոռւի։

— Մայրդ ուր է հապա։

— Մայրս ալ արցունք փոխ կու տայ։

— Ա՞ս ի՞նչ կը նշանակէ։

— Հա թէ ի՞նչ կը նշանակէ։ Գեղին մէջ մէկը որ մեռնի, մայրս մեռելտունը երթալով կու լայ, արցունք փոխ կու տայ։

3

Դեսպանները տեսան որ այս տղան շատ սըրամիտ ու խմաստուն տղայ է։ Մտքերուն մէջ ըսին. «Կայ, չի կայ՝ այս տղան է որ պիտի կը ընայ հասկնալ արևելքի թագաւորին միտքը»։

Կառնեն մանուկը ու կը տանին թագաւորին քով։

Եւ թագաւորին կը պատմեն հալ-հեքիաթ այսպէս ու այսպէս։

Թագաւորը կըսէ.

— Խելք տղայ, թէ որ արևելքի թագաւորին միտքը բացատրես, թագաւորութեանս կէսը քեզի պիտի տամ։ Արևելքի թագաւորը ինծի գիր

է զբեր՝ թէ քու ծին հոտ որ խրխնջաց, իմ ծիս հոս վախցաւ, ի՞նչ ըսել է աս. այդպէս բան կարելի՞ է։

— Թագաւորը ապրած կենայ, ըսաւ մանուկը. արևելքի թագաւորը պատճառ կը փնտոէ՝ որ կոռւի քեզի հետ։ ինծի երեք հարիւր ծիաւոր տուր, ես անոր պատասխանը տամ։

4

Մանուկը առաւ երեք հարիւր ծիաւորը, և անոնց գաղտուկ խրատներ տուաւ. խրատներ տուաւ ու ճամբայ հանեց։

Երեք հարիւր ծիաւորները գացին, մտան արևելքի թագաւորին մայրաքաղաքը ու ջարդեցին բոլոր շուները։

Արևելքի թագաւորը աս որ իմացաւ, երբով կանչեց ծիաւորները և հարցուց։

— Ինչու ջարդեցիք իմ քաղաքիս շուները։

— Մեր թագաւորին հօտին մէջ գայլեր էին ինկեր, — պատասխաննեցին ծիաւորները։ Մեր հովիւները ձայն տուին, պոռացին ձեր շուներուն. բայց ձեր շուները չեկան ու չեկան. ասոր համար, մենք ալ եկանք, կոտորեցինք զանոնք։

— Աս ի՞նչպէս կարելի է. այստեղէն հոս ձայն կը լսուի՞, — հարցուց թագաւորը։

— Հապա ատ ի՞նչպէս է որ մեր թագաւորին ծիուն խրխնջը հոս կը լսուի և մեր հովիւներուն ձայնը չի լսուիր, ըսին ծիաւորները։

Արևելքի թագաւորը մատը խածաւ՝ զար-

մանքէն, ու հասկցաւ թէ բանն ինչ է, հասկցաւ թէ ուժի դէմ ուժ կայ, և ալ կոիւի չելաւ :

Իսկ, արեմուտքի թագաւորը՝ իր թագաւուրութեան կէսը տուաւ իմաստուն մանուկին, ու զայն իր խորհրդատուն ըրաւ :

Անոր հայրն ու մայրն ալ գեղէն բերաւ, և իր պալատին մէջ բնակեցուց :

ԲԱՌԵՐՈՒ ՎԱՐԺՈՒԹԻՒՆ

Գրեցէ՛ք սա բարդ բառերը. բսէ՛ք թէ ի՞նչ երկու առանձին բառերէ կազմուած են եւ ի՞նչ յօդակապով միացած իրարու :

- | | | |
|---------------|--------------|-------------|
| 1. Զիւնագեղակ | 4. Զիւնճաղիկ | 7. Ծովեցր |
| 2. Խօսակեր | 5. Ռակերել | 8. Գետեցր |
| 3. Որդեսէր | 6. Մեծափոր | 9. Ծնողասէր |



ՄԱՐՈՅԻՆ ԽՈՐՈՎԱԾԸ

1

Մայրիկ միսերը շարեց շամփուրին վրայ, կրակը փուեց անոր տակ, և ըսաւ Մարօին .

— Մարօ, աղջիկս, կեցիր հոս և նայիր խորովածին. ես մառանը գործ ունիմ. Նայիր որ խորովածները չայրին. շուտ շուտ դարձուր զանոնք. . . յետոյ, աշքդ անոնց վրայ ըրէ. չըլլայ թէ ձգես՝ ուրիշ տեղ երթաս, կատուները կուգան, կուտեն :

Մայրիկը գնաց մառան. Մարօն կեցաւ խորովածին քով :

Բայց, ահա յանկարծ, դուռը կը ծեծեն :

— Ո՞չ է, կը հարցնէ Մարօ :

— Ե՛ս եմ, բայց...

Մարօ կը ճանչնայ ձայնը. իր ընկերուհին՝ Գոհարն է. Կը վազէ սանդուխներէն վար, և աճապարանքին մէջ կը մոռնայ խոհանոցին դուռը գոցել իր ետևէն:



2

Ֆինօն, Մարօենց փոքր շունը՝ լպոչը երեցնելով, հանդարտ հանդարտ, ներս կը մտնէ խոհանոցէն: Քիթը լայն-լայն կը բանայ. խորովածին անուշ հոտն է առեր :

— Օ՞խ, ինչ պատուական խորոված, կըսէ ներս մտնելով . . .

Թաթերը կերկնցնէ, անոնց վրայ կը դնէ գլուխը, ու փայլուն աշքերով՝ անթարթ կը նայի մսի կտորներուն:

— Հ՛, ինչ կըլլայ, ֆինօն կըսէ մտքէն:

թաթ մր զարնեմ ու սա կտորներէն մէկ քանի
հատը վերցնեմ . . .

Կը մտածէ, բայց չի համարձակիր : Գիտէ որ
աղէկ բան չէ մտքէն անցածը :

Մարօն, վարը խօսքի բռնուած է Գոհարին
հետ :

Շատախօսութիւնը աղէկ բան չէ, բայց Մա-
րօն ունի այդ պակասութիւնը : Բոլորովին մըտ-
քէն ելած է թէ՝ կրակին վրայ խորոված ունի.
Կը խօսի, կը խօսի ընկերուհիին հետ :

3

Ահա, ճորորալէն, ճորորալէն՝ խոհանոցէն
ներս կը մտնէ փիսիկն ալ : Անոր ալ քիթն է
ինկեր խորովածին անուշ հոտը :

Կը նայի չորս բոլորը, կը տեսնէ Ֆինօն՝ որ
վիզը երկնցուցած թաթերուն վրայ, նստեր է
ու կը դիտէ խորովածը :

— Այ, սատանայ, կըսէ կատուն ինքնիրեն .
տես անգամ մը, բնչպէս Ֆինօն մինակը եկեր,
տեղաւորուեր է խորովածին առջև. առաջ հոտը
կը քաշէ, որ ետքէն ալ խորովածը վայելէ . . .
հում, չի գիտեր որ փիսիկն ալ իրեն բաժինը
կուզէ . . . միա՛ու . . . :

Միառն լսածին պէս, Ֆինօն գլուխը վեր կը
վերցնէ, կը շարժէ պոշը ու կը նայի փիսիկին :

Փիսիկը, յուշիկ յուշիկ, կուգայ կրակարա-
նին քով, ու կը կենայ Ֆինօին մօտիկը :

4

— Քէֆդ աղէկ տեղն է, աղա Ֆինօ, կըսէ
կատուն՝ պեխերը շարժելով. բայց, չես ըսեր որ
փիսիկն ալ այս տանը ծառան է, ան ալ շատ կը
սիրէ խորովածի հոտը . . .

— Քէֆս տեղն է, բայց բերանս բան չեր-
թար, — կը պատասխանէ Ֆինօն :

— Եկո՞ւր, քրոջ-աղբօր պէս՝ բաժնենք խո-
րովածը մեր մէջ, — կառաջարկէ փիսիկը : Մարօն
հու չէ, մինչև գայ՝ մննք մեր գործը կը տեսնենք . . .

— Զէ, աղէկ բան չէ ըսածդ, խանըմ փի-
սիկ. գողութիւնը աղէկ բան չէ. ես չեմ ուզեր
գող ըլլալ :

5

Կատուին խելքին չի պառկեցան շանը խօս-
քերը . երբ տեսաւ որ Ֆինօն չընկերանար իրեն,
մէկ ոստումով ցատկեց շամբուրին մօտ, և զար-
կաւ բերանը խորովածներուն :

Բայց, բերանը մսի
կտորներուն դպաւ թէ
չէ, սաստիկ այրեցաւ :
Միա՛ու, միա՛ու, փիսի-
կին բերանը այրեցաւ :

Ֆինօն արդէն ոտքի էր ելեր և կը հաջէր
բարկութեամբ, կը հաջէր գողին վրայ :

Այս գզուբտուքին մէջ, տապալեր էր շամ-
փուրը, վար էին թափեր խորովածները և թաթ-
խուեր էին մոխիրով :



Մարօն ներս մտաւ. «Վայն իմ զլիխուս» ըսելով՝ վազեց կրակարանին քով. արտորանքով, մէկիկ մէկիկ, վերցուց խորովածները, թոթուեց մաքրեց, ու նորէն շարեց շամփուրին վրայ:

Ֆինօն, խելօքիկ, պառկեր էր իր տեղը. գիտէր որինք յանցաւոր չէ, անոր համար՝ վախչունէր:

Իսկ փիսիկը՝ փախեր, գացեր պահուըտեր էր հացի ամբարին ետև:

Մարօն, երբ կարգի դրաւ խորովածները, առաւ հաստ փայտ մը, ու ինկաւ փիսիկին ետև:

Փիսիկը դուրս ելաւ պահուած տեղէն՝ որ փախի. փախաւ, փախաւ, բայց կոնակէն կերաւ խոշոր փայտը:

1. Կատուն ձեր կերակուրն ալ այդպէս կերե՞ր է:
2. Ձեզի ալ պատահե՞ր է սյն բանը՝ ինչ որ պատահեցաւ Մարօն:
3. Ի՞ր կենդանիներուն միսը կուտենք եւ խորոված կը պատրաստենք:



ԲԱՌԵՆՐՈՒ ՎԱՐԺԱՌԹԻՒՆ.

Գրեցէք հետեւեսլ բառերը.

- | | |
|---------------------------|-----------------------------|
| 1. ԱՅԵՒՆ — Քուն չունեցող | 4. ԱՅՋԱԹԱԿ — Յատակ չունեցող |
| 2. ԱՅԵՅՈՅ — Յոյս չունեցող | 5. ԱՅՎԱԹԻՒ — Պատիւ չունեցող |
| 3. ԱՅԵԽԻ — Չտեսնուող | 6. ԱՅՎԱՐԳԵԼ — Առանց արգելի |

Երբ որ արմատ բառի մը սկիզբը ան մասնիկը դնենք բառին՝ իմաստը հակաւակ նշանակութիւնը կառնէ:

Վերի բառերը ո՞չ արմատ են եւ ոչ ալ բարդ: Այս տեսակ բառերուն կըսենք ածանց բառեր:

ԱՐԴԱՐԱՍԷՐ ԴԱՏԱԿՈՐԸ

Ես ձեզի ըսեմ, որ դուք ալ ուրիշներուն պատմէք. ուրիշները լսեն և աշխարհն իմանաթէ՝ ժամանակին արդարասէր դատաւոր մը կար:

Օր մը, այրի կին մը, գնաց անոր դուռը ծունդի եկաւ անոր առջեւ և ըսաւ:

— «Վրդար դատաւոր, լսէ այս աշխարհի զօրաւորներուն գործը, և դատ ու դատաստան կտրէ:

«Ես արտ մը ունէի, որ կը վարէի, կը ցանէի ու քրտինք թափելով՝ անկէ կը հանէի իմ ու իմ զաւակներուս հացը:

«Եղաւ որ արտիս քով գտնուի թագաւորին պարտէզը: Ու թագաւորին սիրաը, օրին մէկը, քէօշկ մը ուզեց մարդ զրկեց, որ արտս ծախուանէ, և անոր վրայ շինէ իր քէօշկը:

«Ըսի թագաւորին մարդոց թէ՝ ծախու չէ հողմ. արտս ես ժառանգեր եմ իմ մօրմէս, մայրս ալ ժառանգեր է իր նախնիքներէն. անոր հողի ամէն մէկ հատիկը՝ ոսկիի փոշի է իմ աշքիս:

Զեմ ծախեր, պատասխանեցի, եթէ թագաւորը արտիս երեսը աղամանդով ծածկէ, և այդ աղամանդներն ալ ինծի տայ ...

«Զանցաւ շաբաթ մը երկուք, և ահա, թագաւորին վերակեցուն, իր տիրոջը անունով՝ գլրաւեց արտս, և անոր վրայ շինեց արքայական քէօշկը։

«Թագաւորը լուր ունէր թէ չէ, չեմ գիտեր. միայն, աս գիտեմ որ՝ ես զրկուեցալ իմ արտէս, մնացի չքաւոր և աւուր հացի կարօտ։

«Լսեցի որ դուն արգար դատ ու դատաստան կը տեսնես. ճամբայ ելայ, ոտքով օր ու գիշեր քալեցի, եկայ՝ ցաւս քեզի գանգատելու...»

Դատաւորը ձեռքով շփեց իր ճերմակ մօռուքը, մտածեց քիչ մը և ըսաւ.

— Վերադարձիր գեղդ. դատիդ տէրն ու տիրականը ես եմ ասկէ ետք...»

2

Թագաւորը ուրախ նստեր էր, նորակառոյց գեղեցիկ քէօշկին մէջ. թիկնապահները, ձեռք կապած, կանգներ էին անոր դէմ. հոն էին արքունական մարդիկը՝ ոսկեթել ուսնոցներով և շողշողուն զգեստներով։

Ցանկարծ, կը տեսնէ որ անդիէն ժերունի դատաւորը կուգայ, հեծեր է իշու մը վրայ, և ձեռքը պարապ պարկ մը բռնած է։

Կուգայ, կը կենայ քէօշկին դիմաց։ Վար կիշնէ էշէն, խոնարհութիւն կընէ թագաւորին, և կը հարցնէ։

— Տէր թագաւոր, թոյլ կու տա՞ս որ պարկիս, մէջ քիչ մը հող լեցնեմ այս զետինէն։ Հող ըսածդդ ինչ։

— Լեցներ, կը հրամայէ թագաւորը։

3

Դատաւորը կը լեցնէ հողը պարկին մէջ՝ քերնէ բերան. յետոյ, մօտենալով թագաւորին՝ կըսէ։

— Մեծ թագաւոր, կը տեսնես որ ծեր եմ, ուժս հատեր է, առջի կարողութիւնս չէ մնացեր. նեղութիւն կրէ և օգնէ ինծի, որ պարկս բառնամ իշուս վրայ...»

Թագաւորը կը ժպտի, չուզեր կոտրել ծերունիին խօսքը։ Ոտքի կելլէ, կերթայ որ բեռը բառնայ ծերունիին հետ։

Բայց, թագաւորը ուր տեսած է բեռ վերցընել։ Հազիւ թէ պարկը քիչ մը վեր կառնէ, անմիջապէս վար կը ձգէ՝ ըսելով։

— Իւֆ, ինչ ծանր է եղեր անիծածը...»

Դատաւորը կը կենայ, կը նայի թագաւորին երեսը և կըսէ։

— Տէր, ծանր է կըսես այս պարկին համար, որուն մէջ քանի մը թի հող հազիւ լեցուցի ամբողջ արտին մէջէն. իսկ այդ արտը, դուն բռնութեամբ յափշտակեցիր խեղճ այրի կնոջ մը ձեսքէն... հապա ինչպէս ամբողջ արտին ծան-

ըութեան պիտի դիմանաս, երբ վաղը Աստծոյ
դատաստանին առջև ելլեւ :

Թագաւորը խելքի ինկաւ, բռնեց արդարա-
սէր դատաւորին ձեռքը, համբուրեց ու դիսուն
դրաւ :

Ապա, անմիջապէս, հրամայեց որ արտը ետ-
տան այրիին. ետ տան՝ մէջի քէօշկով ու բոլոր
հարստութիւններով միասին :

Երկինքէն ինկաւ երկու ոսկի ինձոր. մէկը
արդար դատաւորին, մէկն ալ . . . դուք ըսէք թէ
որո՞ւ :

1. Ի՞նչ ըսել է «աշխարհի զոռաւորներ». որո՞նք են աշխարհի զո-
ռաւորները, մինակ թագաւորնե՞րը:

2. Կենը ինչո՞ւ չեր ուզեր իր արտը թագաւորին ծախեց:



ՌԱ.Ա.ՆՐՈՒ Վ.Ա.ՐԺՈՒԹՅՈՒՆ,

Դրեցէ՛ք հետեւեալ բառերը:

1. Գմզոն — Գոն չեղող
2. Գմբախս — Բախս չունեցող
3. Սալիրախս — Էրախսիք (բարիք) չգիտցող
4. Սալուս — Ուս (խելք) չունեցող
5. Տզեղ Գեղ (գեղեցկութիւն) չունեցող
6. Տկար — Կար (կարողութիւն) չունեցող

Այս ածանց բառերուն մէջ դժ, ապ եւ և մասնիկներն ալ ուն-
մասնիկն պէս երբ բառերուն սկիզբը դրուին, հակառակ իմաստ
կուտան:

ՊԱՆԴՈՒԽՏԻ ԵՐԳ

Կըռո՛ւնկ, ուսկէ կու զաս,
ծառայ եմ ձայնիդ,

Կըռո՛ւնկ, մեր աշխարհէն
խապրիկ՝ մը չունի՞ս:

Մի վազեր, երամիդ շուտով
կը հասնիս,

Կըռո՛ւնկ, մեր աշխարհէն
խապրիկ մը չունի՞ս:

Քողեր եմ ու եկեր արտերս
ու այգիս,

Քանի որ ա՛խ կընեմ, կը քաղուի հոգիս.

Կըռո՛ւնկ, պահ մի կեցիր, ձայնիկդ հոգիիս,
Կըռո՛ւնկ, մեր աշխարհէն խապրիկ մը չունի՞ս:

Ո՛չ լուր օր գիտե՛մ, ոչ ալ կիրակին,
շամփուրն է զարկեր զիս՝ բըռնած կըրակին,
այրիլս չեմ հոգար, ձեզմէ կարօտ եմ:
Կըռո՛ւնկ, մեր աշխարհէն խապրիկ մը չունի՞ս:

Աշունն է մօտեցեր, կերթաս տարագիր,
երամ ես ժողվեր հազարներ ու բիւր.

Ինձ պատասխան չի տուիր, ելար ու գացիր,
Կըռո՛ւնկ, մեր աշխարհէն զընա՛, հեռացիր.



Պաղտատէն կու գաս, կերթաս անապատ,
թուղթ մը գրեր եմ, տամ քեզ ամանաթ.
Աստուած թող վըկայ ըլլայ քու վըրադ՝
տանիս, հասցնես զայն զաւկըներուս:

1. Պանդուխտը ի՞նչ կը հարցնէ կռունկին,
2. ի՞նչո՞ւ պանդուխտը ախ կը քաշէ:
3. Ի՞նչ տեսակ թռչուն է կռունկը, ձմեռո՞ղ թէ տարագնաց:
4. Կռունկները ի՞նչպէ՞ս կը կատարե՞ն իրենց աշնան ճամբորդունը եւ ո՞ւր կերթան:



ԱՅ. ԽԵՐՈՅ Վ. Ա. ԲՈՐՅՈՒԹԻՒՆ

Գրենք սա բառերը.

1. Հայ — Հայաստան
2. Թուս — Թուսաստոն

Ծառ — Ծառաստան
Պարսիկ — Պարսկաստան

Հոէք թէ երբ աստան մասնիկը բառերուն վերջը աւելցնենք
ի՞նչ իմաստ կուտայ:

ԳԱՅԼԻՆ ԶԱԳԵՐԸ

Մայր-գայլը շատ չար ու կատաղի է: Կը խածրտէ իր ձագերը, կը գրգուէ, կը բարկացնէ ղանոնք՝ որ անգութ դառնան:

Սակայն մայր-գայլը շատ կը սիրէ իր ձագերը:

1.

Անգամ մը, մայր-գայլը՝ ետեր ձգած իր ձագերը, կերթար մարգագետնին մէջէն. կերթար և շարունակ կը բարկանար անոնց:

Զագերը կը նեղանային և իրենց ակուները կը կրծտէին. վերջապէս ըսին.

— Դուն մեզ չես սիրեր: Դուն մեզ կը չարշարես: Դուն բար սիրտ ունիս . . .

Մայրը ձայն չի հանեց:

Մէյ մըն ալ, յանկարծ, լուռեցաւ շան հաջոց, յետոյ ալ ձիու փոնգտոց: Հեռուէն երեցաւ ձիաւոր որսորդ մը:

— ՍՌԵՍ, ըսաւ մայր գայլը իր ձագերուն. ձայն չի հանէք, պառկեցէք գետնին վրայ և գըլուխնիդ չի բարձրացնէք խոտերէն վեր:

Զագերը, իսկոյն, պառկեցան գետինը. իսկ մայրը, բոլոր ուժով, սկսաւ վագել դաշտին մէջէն:

2

Շուները տեսան մայր-գայլին փախուստը, և ինկան անոր ետեւէն: Որսորդն ալ իր ձին քշեց շուներուն կողմը:



Չագերը իրենց թագատոցէն նայեցան փախչողներուն, և ըսին իրարու.

— Ահա թէ ինչ տեսակ մայր ունինք. մեզ ձգեց անտէր, անտիրական, ու ինք փախաւ՝ վտանգէն ազատելու համար:

3

Մութը կոխեր էր, երբ մայրը վերադարձաւ ձագերուն մօտ: Վիրաւորուած էր իր ոտքին մէկը, ուսերն ու վիզն ալ արիւնթաթախ:

— Տէ, տուն երթանք, ըսաւ մայրն իր ձագերուն: Երբ դուք ալ օր մը ձագեր ունենաք, ըրէ՛ք ինծի պէս. շուներն ու որսորդները ձեր ետեւէն վազցուցէք՝ որ ազատին ձեր ձագերը. տեսէ՛ք, ես այսօր այդպէս ըրի.

ՅԱԼԵՒՐՈՒ Վ.Պ. ՌԺՈՒԹ-ԻՒՆ

Ի՞նչ կը նշանակեն երբ ան մասնիկը աւելցնենք հետեւեալ բառերուն սկիզբը:

1. Տառ

2. Միս

3. Խելք

4. Տէր

5. Հայր


6. Մայր

7. Սիր

8. Տուն

9. Խօս





ԿՏՐԻՃ ՍԱԳՈՆ

1


Սագօն տասներկու տարեկան էր, երբ
ծառայ եղաւ նաւու մը մէջ :

Նաւը ճամբայ ելաւ. եղաւ իրիկուն. նա-
ւաստիները ընթրիքինստեցան, և սկսան օդի խմել-
կանչեցին Սագօն, և գաւաթ մըն ալ օդի ի-
րեն տուին՝ որ խմէ :

—Ներեցէք, ըսաւպատանին, ես օդի չեմ խմել,
Նաւաստիները սկսան քահ քահ խնդալ՝ Սա-
գօն վրայ. պնդեցին որ անպատճառ խմէ :
Բայց, տղան մնաց հաստատակամ, անդրդուելի,
Վրայ հասաւ նաւապետը, և ան ալ հրա-
մայեց որ խմէ :

— Ներեցէք, նաւապետ, չեմ ուզեր խմել,
ըստ Սագօն։

Նաւապետը սաստիկ բարկացաւ՝ որ տղան
չէր կատարել իր հրամանը. դարձաւ նաւաստի-
ներէն մէկուն, և ը-
ստւ։



— ԱՌ սա հաստ
պարանը, և լաւ դաս
մը տուր թշուառա-
կանին. տեսնենք,
ինչպէս շուզեր իմ
խօսքս լսել։

Նաւաստին, ա-
ռաւ պալանը և լաւ
մը ծեծեց տղան։

— Հիմա պիտի
խմե՞ս թէ ոչ, հար-
ցուց նաւապետը

— Եթէ կը հա-
ճիք, պիտի ջխմեմ,

Նաւապետ, ըստ Սագօն, արցունք թափելով։

— Այն ատեն, շուտ, բարձրացիր սա երկայն
կայմին գագաթը, և կեցիր հոն մինչև լոյս։

Խեղճ տղան վեր վերցուց աչքերը, և նայե-
ցաւ մեծ կայմին. սկսաւ դողդղալ, մտածելով
թէ՝ ինչպէս, մինչև առաւօտ, այդ վտանգաւոր
տեղը պիտի մնայ։

Բայց, ճար չի կար, և հնագանդեցաւ։

2

Միւս առտուն, երբ նաւապետը կը պտըտէր
կամրջակին վրայ, յանկարծ միտքը ինկաւ թէ՝
կայմին գլուխը բանտարկուած է Սագօն, և պո-
ռաց անոր։

— Էյ, տղայ։

Պատասխան տուող չեղաւ։

— Վար իջիր, կը լսե՞ս։

Դարձեալ պատասխան չի կայ։

Այն ատեն, նաւաստի մը շուկուեցաւ եր-
կար չուաններէն վեր, և տեսաւ որ՝ Սագօն կէս
մը սառած, թմրեր, մնացեր է։

Խեղճ տղան, վախնալով թէ կրնայ յանկարծ
քնանալ ու ծովն իյնալ, թեներով այնպէս պինդ
փաթթուեր էր կայմին, որ նաւաստին հազիւ
կրցաւ քակել անոր ձեռքերը։

Նաւաստին՝ շալկած վար իջեցուց Սագօն, և
պառկեցուց կամրջակին վրայ։

Անմիջապէս սկսան արագ արագ և ուժով
շփել անոր մարմինը, որպէսզի սթափի։

Տղան, ցուրտէն ու անօթութենէն, բոլորո-
վին թմրեր, սառեր էր. դիւրի՞ն բան էր գիշեր
մը ամբողջ սառ հովուն դէմ կենալը։

3

Երբ տղան աչքերը բացաւ և նստեցաւ, նա-
ւապետը գաւաթ մը օղի լեցուց և ըստ անոր։

— Հիմա խմէ՛ այս մէկ գաւաթը որ տաք-
նաս, տղաս։

— Եթէ կը հաճիք, տէր, պիտի չխմեմ, ըստ նորէն Սագօն։ Մի բարկանաք և թող տուէք որ ըսեմ թէ ինչու չեմ խմեր։

Եւ պատանին այսպէս պատմեց։

«Մենք ատեն մը կար որ շատ երջանիկ էինք բոլոր ընտանիքով. բայց, ահա, հայրս սկսաւ օղի խմել, զինովնալ։

«Ալ մեզի դրամ չէր տար որ՝ հաց գնենք և ուտելիք առնենք, եղանք թշուառ, խեղճ։ Օր մըն ալ ծախու հանեցին մեր տունն ու տեղը, և մենք մնացինք չքաւոր։

«Այս ցաւը մօրս սրտին զարկաւ. հալեցաւ, մաշեցաւ, կաշի ու ոսկոր մնաց, և քիչ ժամանակ վերջ մեռաւ։

«Մեռնելէն քանի մը վայրկեան առաջ, զիս իր անկողնին քով կանչեց և ըսաւ.

«Ի՞մ պվտիկ զաւակս. տեսար թէ հօրդ գինովութիւնը ինչ վիճակի հասցուց մեզ. խոստացիր ինծի որ կեանքիդ մէջ երբեք բերանդ օղի ու զինի պիտի չաւնես»։

«Խօսք տուի մօրս որ պիտի կատարեմ իր պատուէրը. հիմա, կուզէք, տէ՛ր, որ դրժեմ մեռնող մօրս տուած խոստումիս»։

Սյս խօսքերը դպան նաւապետին սրտին, և աչքերը լեցուեցան արցունքով։

Նաւապետը գրկեց պիտիկ Սագօն իր թերուն մէջ, և ըսաւ։

— Ո՞չ, ոչ, հերնս տղայ. պէտք է որ պահես մօրդ պատուէրը. և եթէ, ասկէ ետք մէկը քեզի օղի խմել ստիպէ՝ եկուր, յայտնէ ինծի և ես պիտի ըլլամ քու պաշտպանդ։

1. Նաւապետը ինչո՞ւ հերոս ըսաւ Սագօն։
2. Դուք ալ ո եւ է խոստում ըրած էք ձեր մայրիկին։

ԲԱՌԵՐՈՒ ՎԱՐԺԱԹԱԹԻՒՆ

- | | | | |
|----------|-----------|------------|------------|
| 1. Ակն | — Ակնցի | 4. Գեղ | — Գեղացի |
| 2. Վաճ | — Վաճեցի | 5. Ծգիպտոս | — Ծգիպտացի |
| 3. Պոլիս | — Պոլսեցի | 6. Կաշեկ | — Կարեկացի |

ինչ նշանակութիւն կուտան ցի, եցի եւ ացի մասնիկները՝ երբ բառերուն ծայրը աւելցնենք։



ԶՈՐՍ ՔՈՅՐԵՐԸ

— Եկէ՛ր, ըսին, մեծ-մայրիկին հարցնենք. տեսնենք ան ինչ կըսէ։

Եւ չորս քոյրերը, Սաթենիկ, Ատրինէ, Վարսենիկ և Գոհարիկ, գացին իրենց մեծ-մայրիկին քով։

— Հսէ՛, մամա, մեզմէ որ մէկին դուն շատ կը հաւնիս...

Մեծ-մայրիկը ինդաց՝ բարի-բարի և ըսաւ թոռնիկներուն։

— Խօսք կու տա՞ք որ իմ խրատս պիտի լուէք։

— Խօսք կուտանք, մամա, խօսք կուտանք,
ըսին աղջիկները :

Այն ատեն, մեծ-մայրիկը հանեց ակնոցը իր
աշքէն, գոգնոցին վրայ դրաւ ձեռքին կարը, և
պատրաստուեցաւ խօսելու :

Թոռնիկները շրջապատեցին զինք :

1

— Սաթենիկ, առաջ քեզմէ սկսիմ : Դուն
շատ աղէկ ես, շատ խաս ես, բայց տես, թեկիդ
մեկ կոճակը փըրթեր է և երեք օր է որ չես
կարեր : Նայիր, նայիր, աջ թեսիդ տակ ալ շրջապ-
գեստիդ կարը բակուեր է և գնդասեղով բռներ
ես քակուած կութերը . . . :

«Պակասութիւնդ ան է որ թափթփած և
անհոգ ես. իսկ թափթփածութիւնը, աղջկան
մը համար, մեծ յանցանք է . . .»

Սաթենիկ կարմրցաւ, քիչ մը քիթը կախեց,
բայց չի բարկացաւ :

2

— Ատրինէն թափթփածութիւն չունի. ընդ-
հակառակը, — շարունակեց մեծ-մայրիկը, — շատ
կը սիրէ գեղեցիկ, մաքուր և նորածե լաթեր
հագնիլը : Բայց, անգամ մը որ զարդարուի՝ խել-
քը միտքը լաթերուն վրայ կերթայ. ամա՞ն, շը-
լայ որ ծալք ունենան լաթերս, ասոր համար՝
կը վախնայ շնորհքով նստիլ՝ ելլել, և չոփ-

չոր փայտի պէս կը կենայ. կը սկսի օրը հազար
անգամ հայելին նայիլ. անկարելի է որ հայելիին
առջևէն անցնի և գաղտուկ աշք մը չնետէ
անոր մէջ: Իր ձայնն անգամ կը փոխէ, կը
սկսի շրթունքներուն ծայրովը, կոտրուքով
խօսիլ:

«Ատրինէ ամէն բան ունի, բայց բնակա-
նութիւն չունի. . .»

Ատրինէ կաս-կարմիր կտրած, առջեւը կը
նայէր. իսկ չարաճճի Սաթենիկ կը խնդար հա-
կը խնդար:

3

— Գանք վարսենիկին: Վարսենիկ այդ թե-
րութիւնները չունի. մինակ թէ, ան ալ շատ կը
սիրէ ուրիշին պակասութիւնները ծաղրել, խելքը
միտքը ան է որ՝ ուրիշին վրայ բան մը գտնէ և
ետևէն խնդար:

«Անցած օր խնամի Մարթան էր եկեր մեր
տունը. երթալէն ետք՝ տեսայ որ վարսենիկ
սկսաւ անոր պէս կուզիկ-կուզիկ բալել, և անոր
կուզը ծաղրել. այդ օրէն ասդին, ամէն օր մըտ-
քէս կըսեմ.

— «Զէ, աղէկ բաներ չունի մեր վարսե-
նիկը. պէտք է մոռնայ այդ գէշ բնութիւնը. . .»

Վարսենիկ այնքան ամչցած էր՝ որ կարծես
թէ հիմա պիտի լար:

— Կարգը եկաւ Գոհարիկին։ Գոհարիկին վրայ շատ բան չունիմ ըսելիք. զիտեմ որ ձեռքը քիչ մը ջուստ չէ գործի մէջ, բայց իր հեղութիւնն ու քաղցր բնաւորութիւնը կը գոցեն այդ պակասը։ Տանը մէջ, տունէն դուրս, ամէն տեղ՝ զիտէ ազնիւ շարժիլ, ազնիւ խօսիլ ու յարգանքով վարուիլ ամէնուն հետ. ասոր համար է որ սանամայր Նազիկը ամէն անգամ, երբ խօսրը գայ, կըսէ.

— «Իրաւ, ձեր բոլոր աղ ջիկներն ալ աղէկ են, ցաղէկ են, բայց Գոհարիկը մէկ հատիկ է անոնց մէջ. . . »


Մեծ-մայրը կատարեց իո թոռներուն խօսքը։ Կարգը եկաւ խրատներուն։

Դուք ըսէք թէ ինչ խրատ տուաւ ամէն մէկուն։

ԲԱՌԵՇՈՒ ՎԱՐԺՈՒԹԻՒՆ

Գրեցէք այս բառերը։

- | | |
|---------------------|-----------------------|
| 1. Երգ — Երգարան | 3. Կրակ — Կրակորան |
| 2. Վարժ — Վարժարան | 4. Գասո — Գասարան |
| 1. Ծիմար — Ծիմարանց | 3. Հիւանդ — Հիւանդանց |
| 2. Հիւր — Հիւրանց | 4. Արք — Արքանց |
- Արան եւ անց մասնիկները ի՞նչ իմաստ տուին բառերուն։



ԴԱՐԲՆՈՑԻՆ ՄԷԶ

Վարպետ ու աշկերտ կեցած դէմ դէմի,
կրակն են խոթեր ձողերն երկաթի.
աշկերտ մ'ալ փուֆ-փուֆ, կը փչէ փրըց,
եւ վառարանէն կելլեն ծուխ ու բոց։

Ծանրը մուրճերով՝ կարմիր երկաթէն
պէս պէս գործիքներ անոնք կը կոփեն,
կը կոփեն շուտով, թարը թիքը թար,
մանգաղ, բան, բրիչ, գամ, խոփ և ուրագ։

Տես, հոն, աշկերտ մը բռնած է ձեռքին
յեսանին վրբայ գեռ բութ մէկ կացին.
շուտ կը գարձնէ անիւը խըռ-խուռ,
սըրելու համար գործիքն ամրակուռ։

Հոս ալ ուրիշ մը՝ հաստ երկաթին քով
քըրտինք կը թափէ ֆըշալով, հեքով.
կը զարնէ մուրճը անվերջ տանկատանկ,
Աստուած վարձատրէ իր ճիգերն ու ջանք:

1. Դիտած էք երկաթագործին խանութը: Ի՞նչ տեսած էք հոն:
2. Եթէ երկաթագործը մանգաղ չշինէր՝ ինչո՞վ պիտի հնձէր երկա-
գործը. հապա եթէ բա՞հ չշինէր.. :

ԹԱՌԱՐՈՒ ՎԱՐԺԱՌՈՒԹԻՒՆ

Ի՞նչ իմաստ կուտայ ոց ժանիկը՝ եռբ բառերուն ծայրը աւելցնննք.

1. Մանե	— Մանեց	4. Գարդին	— Գարդնց
2. Չեռն	— Չեռնց	5. Գայիր	— Գայրց
3. Ակն	— Ակնց	6. Փում	— Փուց



ՈՒՂՏԸ ԵՒ ԶՈՐԻՆ

1

Զորին իր կեանքին մէջ ուեռ ուղու ըսուածք
չէր տեսեր:

Օր մը որ լեռնէն
նոր էր իջեր վար, և դաշ-
տին մէջ կարծէր, տեսաւ
որ երկար ու կոր վիզով,
կոնակին վրայ խոշոր կուզ
մը շալկած՝ կենդանի մը
կուգայ անդիէն: Գլուխը
վեր վերցուց և ժիր-ժիր
նայեցաւ. նայեցաւ ու զար
մացաւ:



— Էշ, դիմացէն եկող սա բարեկամը կը
ճանչնա՞ս, ով է:

Էշը զարմացաւ ջորիին այս տգէտ խօսքին
վրայ ու ըսաւ.

— Զի՞ս գիտեր, հօրեղբայր, ուղտն է, անա-
պատէն կուգայ:

Զորին որ ուղտին անունը լսեց, փափարե-
ցաւ հեղ մը երթալ անոր քով, ճանչուորութիւն
տալ, և բարեկամառն մը ընել:

2

Արծելով, արծելով՝ ջորին կամաց կամաց,
մօտեցաւ ուղտին,

— Բարեկ, բե՛ռի, բարի ես եկեր մեր կող-
մերը:

Ուղտը իր ծուռ վիզը տնկեց, փոքր գլուխը
բարձրացուց, սև աչքերովը նայեցաւ ջորիին
վրայ, և որոճալով, առաւ ջորիին բարել:

Ուղտն ու ջորին սկսան անուշ անուշ խօսիլ
իրարու հետ:

Բայց, ջորին մեծ հետաքրքրութեամբ կը դի-
տէր ուղտին վրան գլուխը. հեղ մը կը նայէր
անոր ոտքերուն՝ որ լայն լայն կճղակներով կը
բացուէին գետնին վրայ. հեղ մը կը նայէր եր-
կայն, մերկ սրունքներուն. կը զարմանար որ
այդքան խոշոր հասակին վրայ՝ այդքան կարձուկ
պոչ մը կախուած է...

— Է քենի, ըսէ տեսնենք, ձեր կողմերն ալ
առատութիւն կայ. խոտերն ի՞նչպէս են այս
տարի:

— Մեր կողմերը, ըսաւ ուղտը. մեր կողմերը
տաք արև կայ, տաք աւագ կայ. դուն անապատ
չես տեսեր, զաւակս, որ խոտ կը հարցնես...

— Զէ, քենի. անապատը չեմ գիտեր թէ
ինչ բան է. շատ կուզէի որ անգամ մը տես-
նէի. զիս հետդ չես տանիր, քու բեռիդ մէկ
մասը ես կը շալկեմ:

Ուղտը լաւ մը դիտեց ջորին և ըսաւ անոր.

— Բայց, տղա՛ս, տե՛ս, դուն ինծի պէս կը ճ-
ղակներ չունիս. դուն չես կրնար քալել աւաղին
մէջէն, կը թափուիս կը մնաս: Դուն չունիս ինծի
պէս կուտկէն, և չե՛ս կրնար օրերով ու շաբաթ-
ներով անօթութեան դիմանալ:

«Անապատին մէջ ոչ ջուր կայ և ոչ ալ խոտ.
Երկու օր որ քալես մեզի հետ, կայրիս, կը պա-
պակիս, կը մնանիս:

«Եթէ ես ալ չունենայի իմ կճղակներս, եթէ
ես ալ չունենայի իմ կուտկէնս՝ ես ալ չէի կը ը-
նար անապատին մէջ ճամբորդել:

«Զէ, տղա՛ս. չէ, դուն քու սմբակներովդ
կրնաս լաւ լեռը բարձրանալ, բարուտ ճամբա-
ներէ քալել, նեղ շաւիղներէ անցնիլ, բայց անա-
պատին մէջ բան մըն ալ չես կրնար ընել: Դուն
քործիդ, ես իմ գործիս:»

Եւ ուղտը, բաժնուելով ջորիէն, հեռացաւ
և սկսաւ ուղտափուշ վնտուել:

Ջորին կեցած էր իր տեղը, և կը նայէր ու
կը նայէր անոր ետևէն:

1. ի՞նչու համար ուղտին ոտքերը կճղակներ ունին:
2. ի՞նչու համար ուղտը կուտկէն ունի, անկէ ի՞նչպէս սնունդ կառնէ:
3. Ջորիին ոտքերը ինչո՞ւ համար սթափ ունին:
4. Ջորին ի՞նչ տեսակ տեղերէ կրնայ լաւ բեռ կրել:
5. Աւրից ի՞նչ կճղակաւոր եւ սմբակաւոր կենդանիներ կը ճանչնաք:



ԻՐ ՓՈՒՇԵՐԻՆ ԴԺԳՈԼ ԾԱՌԸ

1

Անտառին մէջ փոքր ծառ մը կար:

Այս ծառը, տարուան ամէն եղանակին մէջ,
ծածկուած էր սուր սուր փուշերով. վրան տե-
րի ըսուած բանը չէր երկնար:

Փոքր ծառը, օր մը, ըսաւ ինքնիրեն.

— Իմ բոլոր ընկերներս ալ զեղեցիկ տերե-
ներով զարդարուած են. մինակ ես եմ որ փուշէ
զատ ուրիշ բան չունիմ վրաս. անոր համար՝ ոչ
մարդ կը մօտենայ քովս, ոչ ալ ձեռք մը կը դըպ-
նայ ինծի: Ախ, ինչ կըլլար որ ճայնս լսուէր և
ոսկիէ տերեներ ունենայի . . .

Գիշեր եղաւ, ու փոքր ծառը քնացաւ:

Առատուն որ արթնցաւ, տեսաւ թէ իր ճիւ-
ղերը, վերէն վար, ծածկուած են ոսկի տերենե-
րով: Ծառը հպարտացաւ, ու յրմնջեց.

— Հիմա, աշխարհիս երեսը, ամէնէն գեղեցիկ ծառը ես եմ. իմ տերևներս ուսկի են . . .



Դեցիկ տերևներ ունին, իսկ իմ վրաս բան մըն ալ չի կայ. Երբ նորէն տերևներ ունենայի, կուզէի որ անոնք ամէնքէն գեղեցիկ ըլլային. կուզէի որ շինուած ըլլային ապակիկ . . .

Նորէն քնացաւ փոքր ծառը, և առտուն նորէն արթնցաւ, ինչ տեսնէ աղէկ: Տեսաւ որ ծածկուած է ապակիկ նուրբ տերևներով:

Բայց ահա, իրիկուան կողմը, հովիւն եկաւ անտառէն անցաւ. տեսաւ ուսկի տերևները՝ քաղեց, քաղեց ամէնքն ալ, լցուց իր մաղախը, չոփչոր թողուց ծառն ու անցաւ գնաց:

2

Փոքր ծառը տըրտմեցաւ ու ըսաւ.

— Մեղք, մեղք ուսկի տերևներուս. հիմա մերկ մնացի. ինչպէս նայիմ իմ ընկերներուս երեսը: Անոնք, ամէնքն ալ, գեղեցիկ տերևներ ունին, իսկ իմ վրաս բան մըն ալ չի կայ:

Փոքր ծառը ըսաւ.

— Հիմա ուրախ եմ. անտառին մէջ մինակ ես եմ որ արեին տակ կը փողփողիմ. ինծի պէս ուրիշ ծառ մըն ալ չի կայ. . .

Անցաւ քիչ մը ատեն, և յանկարծ երկինքը ամպեց. մեծ փոթորիկ մը արագ արագ անցաւ բոյոր ծառերուն վրայէն, եկաւ ջարդ ու փշուր ըրաւ ապակիկ տերևները, և գետին թափեց:

3

Փոքր ծառը հեծեծեց ու ըսաւ.

— Ապակիկ տերևներս կոտրտեցան ու գետնի հողին հետ խառնուեցան. տես անգամ մը թէ միւս ծառերուն բան մը եղա՞ւ. անոնց կանաչ տերևները մնացին իրենց տեղը, և չի վսառեցան: Այս, եթէ անգամ մըն ալ տերեւ ունենայի, կուզէի որ անոնք կանաչ ըլլային. . .

Նորէն ընացաւ ծառը, ու առտուն նորէն արթնցաւ: Արթնցաւ, ու տեսաւ թէ քողքուած է կանաչ տերևներով:

Ուրախացաւ փոքր ծառը և ըսաւ.

— Վերջապէս, ես ալ տերև ունիմ, և չեմ ամչնար ընկերներէս:

Բայց ահա, մօրուքը երերցնելով, ծերուկ այծ մը մտաւ անտառը. իր խոշոր ծիծերը դատարկ էին, և յայտնի էր որ ուտելիք կանաչ կը մնտուէր. տեսաւ թէ չէ փոքր ծառը, սկսաւ կրծելով ուտել անոր աերևները՝ կոթերով-մոթերով միասին:

Նորէն փոքր ծառը մնաց մօրէ մերկիկ՝
տրտմեցաւ և հառաջելով ըստւ.

— Զէ՛, ալ ոչ կանաչ, ոչ կարմիր, ոչ ալ դե-
ղին տերսի կը փափաքիմ: Կուզեմ որ իմ հին
փուշերս ունենամ. ախ, ինչ կ'ըլլար որ նորէն
բուսնէին անոնք . . .

Ու փոքր ծառը տիսուր տրտում քնացաւ, և
այդպէս ալ արթնցաւ: Աչքերը բացաւ, և նայե-
ցաւ իր վրայ, նայեցաւ ու խնդաց, խնդաց:

Միւս ծառերն ալ կը ծիծաղէին:

Փոքր ծառը ծածկուած էր իր հին փուշերովք:
Բայց, ինչու խնդաց փոքր ծառը, և ինչու կը
ծիծաղէին իր ընկերները:

ԸԱ.Ա.ԵՐԱՒԱ. Վ.Պ.Ռ.ՅՈՒԹՈՒՅՆԻ,

Երեցէք հետեւեալ բառերը.

1. Գանձ — Գանձագին

2. Ցաւ — Ցաւագին

3. Տիսուր — Տիսուագին

1. Մեծ — Մեծագոյն

2. Լաւ — Լաւագոյն

3. Փոքր — Փոքրագոյն

Դիմ եւ գոյն մասնիկները երբ ու բառերուն ծայրը դրուին աւելի՞
շատ ցայց կուտան: Այս պարագաւորան տակ, զինը՝ արժէք, եւ գոյնը՝
ձերմակ կամ կանաչ չի նշանագեր:



ՈՎ Է ԹԱԳԱԽՈՐԾ

Թագաւորին մէկը որսի էր ելեր: Ի՞նչպէս
եղաւ, անտառին մէջ իր հետևորդները մէկ կողմ
գացին, ինք միւս կողմը:

Երբ այսպէս միսմինակ, իր ձիուն վրայ հե-
ծած, կանցնէր՝ գեղացի մը տեսաւ:

Գեղացին նստեր էր
ճամբուն եզերքը, ծառի
մը տակ և կը հանգչէր:

— Բարե՛, ըստւ թա-
գաւորը գեղացիին. ինչու
հող ալդպէս նստեր ես:

— Լսեցի որ թագա-
ւորը իր մարդոց հետ
որսի է ելեր. անոր հա-
մար, նստեր եմ որ երբ անցնի՝ տեսնեմ զինքը,
պատասխանեց գեղացին:

— Լսել է, դուն թագաւորին երեսը չես
տեսեր . . .

— Ուրկէ պիտի տեսնեմ, նորէն պատաս-
խանեց գեղացին՝ զարմանքով. մարդ, դիւրին
դիւրին, թագաւորի երես կընայ տեսնել . . .

— Քանի որ այդպէս է, ըստւ թագաւորը,
հեծիր ձիուս քամակը. քեզ տանիմ աւելի լաւ
տեղ մը, որ աղէկ մը տեսնես թագաւորին երեսը..

Գեղացին հեծաւ թագաւորին ձիուն ետեւ,
և սկսան երթալ:



Երբ բանի մը քայլ առին, գեղացին դարձաւ՝
հարցուց իր ընկերոջ .

— Բարեկամ, շատ աղէկ ըսիր, բայց ի՞նչ-
պէս ճանչնամ թէ թագաւորը որ մէկն է. հետք
ահազին բազմութիւն կայ :

— Դիւրին է, վրայ բերաւ թագաւորը. երբ
որ ամէնքը բարեկ կենան և իրենց զլխարկները
վար առնեն, տես թէ, ով է միայն որ իր գլուխը
չի բանար. ահա այդ զլուխը չբացող մարդը՝
թագաւորն է,

Քանի մը ըոպէ ետք թագաւորը հասաւ իր
աւագանիին քով. ամէնքն ալ, անմիջապէս, բարեկ
կեցան՝ իրենց զլխարկները վար առնելով :

Այն ատեն, թագաւորը դարձաւ իր հետի
գեղացիին և հարցուց .

— Ըսէ նայիմ հիմա, որ մէկն է թագաւորը :

— Աստուած վկայ, ըսաւ ապշաճար գեղացին,
կամ ես ըլլալու եմ, կամ դուն. որովհետեւ, մի-
նակ ես ու դուն մեր զլխարկները վար չառինք :

ԹԱՅՆՐՈՒԹՅԱՆ ՎԱՐԺԱՄԱԹԻՒՆ.

Ի՞նչ իմաստ կուտայ ուս մասնիկը՝ երբ բառերուն ծայրը աւել-
ցնենք. այսպէս՝

1. Տիղմ — Տիմուս
2. Գար — Քարուս

Հապա ու մասնիկը

1. Արիւն — Արիւնոս
2. Ժանգ — Ժանցոս
3. Կեդս — Կեդոս

3. Աւազ — Աւազուս
4. Ապառած — Ապառաժուս

Հապա ուրի մասնիկը

1. Ճամբայ — Ճամբրոդ
2. Առա — Առարդ
3. Ժառանիզ — Ժառանգորդ

ԿԱՊԻԿՆ ՈՒ ԱԿՆՈՑԸ

Մեր կապիկը ծերացեր էր,
աչքերն աղէկ չէին տեսներ .
ինչպէս եղաւ յաւ չեմ գիտեր,
մէկուն մէկը, կարճ խելքի տէր,
ըսաւ անոր. «կապիկ

աղբար

«եկոնւր, աչքիդ ակ-

նոց մը առ,

«դիր անգամ մը,

տես թէ ի՞նչպէս

«ասեղէն մազն իսկ

կանցընես»:

Կապիկն հաւտաց .

ելաւ տեղէն՝

ցուպը առաւ, տըք-

տըքալէն

հոս հոն գընաց, ինչպէս ըրաւ,

ինչպէս չըրաւ, վերջապէս յաւ

ակնոց մ'առաւ ու եկաւ տուն:

Գալը բարի, բայց տես որ դուն՝

չի գիտեր թէ ի՞նչպէս պէտք է

ակնոցն հիմա ինք գործածէ :

Մէյ մը զըլիուն կը դնէ,

մէյ մը պոշին կանցնէ .

կը հոտուըտայ, կը լըզէ,

վեր կը ցատկէ, կը վազէ,



Կը փորձէ հա՛ կը փորձէ,
խելքին բան մը չի պառկիր :
«Այդպէս, հա՞ տէ կեցիր»,
կըսէ յանկարծ, ու քարին
պինդ կը զարնէ ապակին՝
որ կը կոտրի, կը փշրի,
կըլլայ աւազ ու փոշի :
Բայց տեսէք թէ իր խելքէն վեր
ինչ վճիռ ալ կուտայ դեռ . . .
— «Աշխարհքիս մէջ ով որ գիտուն
«կըսէ թէ կայ, մնւրս գըլխուն . . .

1. Ի՞նչ է ակնոցը եւ որո՞նք կը գործածեն գայն :
2. Կապիկը ինչո՞ւ կոտրեց ակնոցը :
3. Յանցանքը ակնոցե՞նն էր թէ Կապիկինը :



ԶՄԵՌԸ ԵԿԱՒ

Տեսէք, տեսէք, երկինքէն ձիւն կու գայ :
Ճերմակ ձիւնը կու գայ՝ թիթեռնիկներու
պէս, թկերը բացած, օրօրուելնվ, օրօրուելնվ :
Սուրբ Յակոբ պապան մօրուքը ճերմկցուց :
Զմեռ է, ալ շիտակ ձմեռ :

Արտաշէս դուրս կը նայի պատուհանէն, կը
նայի գետինը՝ որ ճեփ-ճերմակ է, կը նայի ի-
րենց դուան թթենիներուն՝ որ ծածկուած են
սպիտակ պատանքով. կը նայի ու կը զարմանայ :
Կառնէ զրքերը ու դուրս կելլէ : Կը կոխէ

գետինը, և կակուղ ձիւնը, իր ոտքին տակ, ճըզ-
ճըզ ձայն կը հանէ :

Չայն կը հանէ ու կըսէ .

— Ես ամպերուն մէջէն կուզամ, աղումը
տղայ. հիւր եմ ձեզի : Շատ պիտի չկենամ ձեր
քով. քանի մը ամիս ետքը պիտի անցնիմ, երթամ :

«Պիտի բերեմ ձեզի Սուրբ Սարգիսն ու
Ծնունդը. պիտի բերեմ Բարեկենդանը :

«Իմ ընկերներէս շատերը նատեր են լեռնե-
րուն վրայ, շատերն ալ տեղաւորուեր են դաշ-
տերուն մէջ :

«Երբ գարունը մօտենայ, մենք մնաս-բարով
պիտի ըսենք ձեզի . լեռան ընկերներս հեղեղ
պիտի ըլլան, և վար վազելով՝ գետերն ու գե-
տակները պիտի շատցնեն, դաշտի ընկերներս ալ
հալելով՝ հողին տակ պիտի երթան. պիտի եր-
թան՝ որ ձեր աղբիւրներուն ջուր տան :

«Քալէ, շնոր քալէ, աղումը տղայ, մեղք ես,
ձեռքերդ կը մսին. քալէ, ձեր դպրոցը տաքուկ
է, սերտողութեան ժամը կանցնիս :

Ու Արտաշէս կը վազէ . կը վազէ վափուկ
ձիւներուն մէջէն, որոնք, ճըզը-ճըզը, ձայն
կը հանեն :

ԹՄԵՆԵՐՈՒ ՎԱՐԺԱՌԻԹԻԱՆ

Հսէք թէ ի՞նչ իմաստ կուտան ուիի, անօյ եւ դուխտ մաս-
սիկները, երբ բառերուն ծայրը գնենք. այսպէս :

1. Ընկեր — Ընկերումի


2. Ցիցրան — Ցիցրանումի

3. Հայկ — Հայկանոյց

4. Վարդ — Վարդանոյց

5. Սան — Սանդուխս

6. Շահան — Շահանդուխս



ԶՈՒՐԸ, ԶՈՒՐԸ

Յովհաննէս աղբար հանքագործ էր։ Այդ օրն ալ, առտուն կանուխ, ամէն օրուայ պէս, գնաց գործի։

Իջաւ հորին անհամար աստիճաններէն վար՝ լապտերը բռնած իր ձեռքը։ Իջաւ կէս ժամ, հանգչելով-հանգչելով, որովհետև՝ հորը շատ խորունկ էր։

Դժուար էր անշուշտ մութ ու խոնաւ հանքին մէջ աշխատիլը. բայց հանքագործը պարտաւոր էր բանի, որպէսզի կերակրէ իր զաւակները։

Հասաւ ահա այն նրբանցքը, ուր պիտի աշխատէր։ Հանեց վերարկուն, սովորեց թևերը, դրաւ լապտերը դէմը, առաւ բլունկը և սկսաւ գործի։

Գործ, բայց ինչ գործ. պէտք է իր թեկին ուժով քակէ քարի խոշոր կտորները. պէտք է շատ անգամ այդ նեղ տեղը պառկի՝ կռնակի վրայ, որ ուժ առնէ քլունկը, ու փրցնէ հանքին կտորները։

2

Յովհաննէս աղբար աշխատեր էր բաւական ատեն, երբ, յանկարծ, տեսաւ թէ՝ ապառաժներուն մէջէն քամուող ջուրը կը շատնայ։

Ոտքի ելաւ. առաւ ճրագը ու աղէկ մը սկսաւ դիտել իր չորս կողմը։ Զէ՛, տեսաւ որ ջուրը կը հոսի ամէն զիէ, ու երթալով կը շատնայ։

Հանքին մէջ կաշխատէին իրեն պէս հազարաւոր բանուորներ։

Յովհաննէս աղբար առաւ լապտերը, և սկսաւ քալել դէպի կեղրոնական ճամբան. հազիւ հոն հասած էր, լսեց որ զանազան նրբանցքներէ բանուորները սարսափով կը պոռային.

— Ջուրը, ջուրը...։

Այդ աղաղակին հետ՝ ականջին հասաւ ուրիշ խուլ աղմուկ մըն ալ. և երկու վայրկեան չանցած տեսաւ որ վարի նրբանցքներէն մէկուն մէջէն կուգայ հեղեղ մը։

Այդ նրբանցքին մէջ կաշխատէին հարիւրաւոր մարդիկ. Յովհաննէս աղբար հասկցաւ որ խեղդուած են անոնք։

Այս միջոցին էր որ հանքագործները սկսան լեղապատառ պոռալ.

— Կրցողը թող ազատէ իր հոգին . . .

3

Հանքագործները զարհուրանքով կը վագէին դէպի սանդուխը, կը մազլցէին դէպի վեր, իրար կը հրէին ու շատեր կը թաւալէին դէպի անդունդը:

Ահազին բազմութիւն խոնուեր էր դէպի վեր բաշուելիք բեռի պարանին շուրջը. ամէնքն ալ կախուեր էին անկէ. իսկ ջուրը կատաղութեամբ կը հոսէր, կը լեցուէր ամէն կողմ ու կը բարձրանալու:

Վերէն, սկսան քաշել պարանը. բայց, պարանէն հարիւրաւոր ձեռքեր էին կախուեր. յանկարծ, պարանը փրթեցաւ, և մարդիկը վար գահավիթեցան՝ զարհուրելի ճիչեր բարձրացնելով։

4

Զուրը կը վագէր անընդհատ, ու հեղեղը կը շատնար։

Բայց, դեռ այնքան հազար մարդիկ կային, որ կաշատէին ընդարձակ հանքին մէջ, և լուր չունէին. անշուշտ ամէնքն ալ պիտի խեղդուէին։

Յովհաննէս աղբար նայեցաւ ահազանդին. մտածեց որ քաշէ չուանը, հնչեցնէ ու վտանգը խմաց տայ ամէնուն։

Լաւ է որ մէկ մարդ մեռնի՝ քան թէ հազարաւոր հոգի, խորհեցաւ ազնիւ գործաւորը։

Կեցաւ վայրկեան մը. աչքին առջև բերաւ իր կինն ու զաւակները, և աշխ մը քաշեց սրտէն։

«Զէ՛, աւելի՛ լաւ է որ հազարաւոր որբերու տեղ՝ միայն իմ զաւակներս որբ ըլլան», ըսաւ ինքնիրեն։

Եւ, քաջասիրտ հանքագործը ցատկեց դէպի ահազանդին չուանը, բռնեց զայն, կախուեցաւ, և սկսաւ հնչեցնել, հնչեցնել . . .

5

Զանգակին տիսուր ձայնը տարածուեցաւ խորունկ ու մութ հանքին կամարներուն տակ։

Հանքագործները, լսելով վտանգին նշանը՝ սկսան վազել չորս կողմէն։ կը վագէին ու կը բարձրանային սանդուխներէն վեր, սարսափի և փրկութեան աղաղակներով։

Զանգակը կը հնչէր անդադար, ու ջուրը կը բարձրանար միշտ։

Ահա, արդէն, Յովհաննէս աղբար կէս մէջ-քով ջուրին մէջ է. փախչելու հնար չի կայ, ալ յուս չունի ազատումի։

Դիւցազն հանքագործին ձեռքերը, մինչև վերջը, կախուած մնացին զանգակին չուանէն, և հնչեցուցին, հնչեցուցին զայն, — մինչև որ ջուրը շատցաւ, անցաւ անոր գլխուն վրայէն և թաղեց զայն իր մէջ։

Ահա, այն ատեն միայն, լոեց զանգակը։

1. Պատմեցէ՛ք այս պատմութիւնը։

2. Ի՞նչ պիտի պատահէր, եթէ Յովհաննէս աղբար ահազանդը չհնչեցնէր։

3. Ինչո՞ւ գիւցազն կըսենք Յովհաննէս աղբօր։



ՀԱՅԻ ՏԵՂ

Օր մը, դասի ատեն, Արամ հարցուց իր ուսուցիչին.

— Ճի՞շտ է որ գետնախնձորն ալ, ցորենի պէս, սննդարար է, և շատ տեղեր մարդիկ հացի տեղ՝ գետնախնձոր կուտեն։ Անցած օր, այսպէս կըսէր հօրեղբայրս։

— Հարկաւ, պատասխանեց ուսուցիչը. չէ՞՛ գիտեր մինչև հիմա, Արամ։

— Ո՞չ, ոչ, ձայն տուին Արամին հետ՝ իր ընկերներն ալ՝ ամէն կողմէ. մենք ալ չէինք գիտեր։ Մենք այնպէս կը կարծէինք թէ՝ ուրիշ բան մը չի կայ որ հացին տեղը բռնէ։

— Եթէ այդպէս է, լսեցէ՛ք ուրեմն, ըստ ուսուցիչը։ Գետնախնձորը տունկի մը ուռն է, որ կաճի հողին տակ շատ կը սիրէ խոնաւութիւնն ու մթութիւնը։ Քիչ տնկուելով՝ շատ արզիւնք կու տայ։ Այնպէս որ, թէ՛ հացի չափ սննդարար է, և թէ՛ աժան։

«Դժբաղգաբար, տակաւին Հայաստանի շատ գաւառներուն մէջ չէ ընդհանրացած։ մեր գիւղցիները գաղափար չունին անոր վրայ։ Անգամ մը որ հայ գիւղացիները հասկնան անոր օգտակարութիւնը՝ պիտի սկսին մշակել զայն։ այն ատեն, ցորենին սղութիւնը մեր աշքը շատ պիտի չփախցնէ։

«Գետնախնձորը այսօր ուրիշ երկիրներու

մէջ՝ հացին հետ կը մըցի, և հացի տեղ կը գործածուի։ իրա՛ւ, հում վիճակի մէջ քիչ մը դժուարամարս է, բայց երբ լաւ խաշուի և լաւ եփուի, կըլլայ գիւրամարս և սննդարար։»

Մանուկները շատ զարմացան. ուզեցին որ գտնեն քանի մը հատ գետնախնձոր, և փորձի համար տնկեն հողին մէջ։

ԲԱԿԱՆԵՐԻՆ Վ. Ս ՐԺՈՒԹԹԻԿՆ

Գրեցէք սա՛ բառերը եւ ըսէք թէ աւետ մասնիկը ի՞նչ իմաստ կուտայ անոնց։

1. Հոս — Հոսաւէս

2. Խոս — Խոսաւէս

Գրեցէք սա բառերն ալ.

1. Հայր — Հայրիկ

2. Մայր — Մայրիկ

1. Գտուն — Գտանուկ։ 2. Աչք — Աչուկ։ 3. Տափ — Տափուկ։

3. Ծաղիկ — Ծաղկաւէս

4. Պառուղ — Պաղաւէս

Ի՞նչ էմաստ տուին իկ, ակ, ուկ մասնիկները։



ԵՐԿՈՒ ՎԱՃԱՌԱԿԱՆՆԵՐ

1

Օր մը Զղիկն ու Ճայն եղան երկու խելօք վաճառական։

Խօսքերնին խօսք, գըլլեցին գիր, տըլուին առին պայմանագիր։

Բայց, տե՛ս որ դուն, գործի համար ոչ դրամ կայ, ոչ ալ գումար։

Շատ խորհեցան թէ ի՞նչ ընեն՝ որ այս բանին ելլեն տակէն։



Ուստի Փուշին քովը գացին,
Երդում ըրին վրայ
հացին,
ոտքը ինկան, ձեռքը
ինկան
և մուրհակով, շահն
ալ վրան,
դրամն առին
վաշխառուին:

Զղիկն եղաւ խանութպան,
Ճախն ալ ճամբորդ պէզիրկան.
դրամն առաւ, նստաւ նաւ,
գընաց, գընաց ու հասաւ
մինչև Մըսըր, Հնդկաստան,
Արաբիա, Պարսկաստան:
Ա'լ թանկագին գորդ, շալ հազար,
ալ մարզիտ, զմրուխտ, գոհար,
Հինդու արմաւ, նուշ համադամ,
և... որ մէկին անունը տամ,
ինչ որ տեսաւ, տըռւաւ փարան,
նաւը լեցուց բերնէ բերան:
Նաւը լեցուց հազար բարով
ու իր եկած ճանապարհով,
ուրախ ուրախ, տուն կը դառնար,
Ճամբան ծովն էր մըրըրկավար,
կար փոթորիկ, ալեկոծում.
ահա յանկարծ, ախ ինչ սոսկում,

ծովն անյատակ
Զուրերուն տակ
առաւ նաւը. Ճայը զօրով
ազատեցաւ իր թներով:
Ազատեցաւ, փա՛ռք իր Աստծուն,
բայց ի՞նչ սըրտով խեղճը գայ տուն.
գայ ի՞նչ ըսէ պարտատէրին
որ կուզէ շահն օրը օրին:
2

Հնկերն ասդին, աչքը ճամբուն,
գիշեր ցորեկ միշտ անքուն՝
կըսպասէ ժամ ժամի վրայ
թէ Ճայը Երբ պիտի գայ:
Շատ ըսպասեց ինք սըրտադող,
բայց ոչ եկող, ոչ գացող.
Տեսաւ բարի ու չար երազ,
մինչեւ որ օր մ' ալ վազնէ վազ
Փուշը մուրհակն իր ձեռք բըռնած,
տընկուեցաւ անոր դիմաց.
— «Է, բարեկամ, լա՞ւ էք, նայինք,
«ալ չէք ըսեր թէ պարտք ունինք...
«գործ բոնեցիք, առիք տուիք,
«անցաւ Ծնունդ, եկաւ Զատիկ.
«Փարաս տուէք, խօսք չեմ լըսեր,
«իմ բարիքիս դէմը ա՞ս էք...
«թալա՞ն է, ի՞նչ, մեղք եմ ես ալ...
«չէ, չեմ կընար ալ դիմանալ:
«Տէ՛ն, եկուր ու ասկէ ետք դուն

«բարիք ըրէ աղքատ մարդուն . . .»
 ձայնն էր ձըգեր ու կոպտաբար
 կը նախատէր, կը պուպըռար:
 Ով որ եղածն այս կը լսէր՝
 Պարտականը կը բամբասէր.
 — Ամօթ, ամօթ, Զղջիկ ու ձայ,
 «մեղք ձեր պատուին, վայ, հաղար վայ...»
 «անուննին ալ վաճառական,
 «ինչ խայտառակ, անպատիւ բան . . .
 «ամօթ, ամօթ, Զղջիկ ու ձայ:»

3

Խեղճ Զղջիկը, գլուխը ծուռ,
 Խեզու չունէր, կը մնար լուռ.
 կը զայրանար ինքն իր մըտքէն,
 Բայց ինչ կուգար խեղճին ձեռքէն.
 «Տունը՝ աւրի, ձայ, ձայ, ուր ես,
 «եղանք երկուքս ալ սկերես.
 «աս ինչ փորձանք բերիր գըլխուս . . .»
 Եւ տրտմութեամբ, դէմքով անյոյս՝
 կը կողկողէր. «Մի բարկանար,
 «Փուշ բարեկամ, երէկ թուղթ կար
 «ձայէն որ շուտ ճամբայ ելած,
 «կը հասնի հոս. վրկայ Ասառւած,
 «կուտանք պարտքդ մենք անարդել
 «Եւ գեր բան մ'ալ էւել էւել . . .»
 — «Ես աւելի բան չեմ ուզեր,
 «աղքան, տըռւած դրամս բեր.

«Գըրեր էք շահ, պայմանաժամ,
 «տըռւէք հախս, գործիս երթամ . . .»
 — «Զէ աղա Փուշ,
 «թէ վաղ, թէ ուշ
 «վողն իր կարգին, շահն իր կարգին.
 «պատուի խօսք քեզ . . . որ սև հոգին
 «կուրանայ իր պարտքը հալալ . . .
 «ախըր, չէ որ մարդ ենք մենք ալ . . .»
 4
 Զըղջիկն առաւ թուք ու մուր, ցաւ,
 շատ յոյս տուաւ, շատ խոստացաւ,
 բայց ընկերը մէջտեղ չի կայ.
 — Աս ինչ փորձանք, Տէր, քեզ մեղայ
 «իմ ինչ բանս էր մըտնել մէջը,
 «որ խայտառակ ըլլամ վերջը . . .
 «իմ ինչ գործս վաճառական,
 «Արաբիա ու Հնդկաստան . . .
 «որ ջուրն իյնամ, որ մօտ երթամ.
 «ոչ մոմ մընաց, ոչ սուրբ, ոչ ժամ. . .»

Շատ մըտմըտաց,


վայեց, ողբաց,

ինչ որ ունէր ասդին անդին,
 լաթերն անգամ իր նոր թէ հին՝
 ժողվեց, տարաւ, տուաւ պարտքին.
 մընաց միայն իր չոր հոգին:

Ցետոյ թներ

առաւ ու մեր

Զղջիկն անցաւ, թըռւաւ գընաց՝
 սուզի լզգեստ, սկեր հագած:



Ու այն օրէն մինչեւ հիմա,
քանի մեր այս աշխարհը կայ,
Չդ ջիկը միշտ ցորեկն անտես,
գիշերն է որ կու գայ հանդէս՝

որպէսզի իր պար-
տատէրին
ըլլայ տեսնէ դէմքը
կըրկին:
ձայն ալ ծովուն
մէջը անհուն
կը լողայ դեռ
եւ անհամբեր՝
տարին բոլոր
զկըսպասէ որ
փոխուի գուցէ բաղդն անկայուն,
եւ յատակէն մութ ջուրերուն
առնէ կորուստն ու դառնայ տուն ։
իսկ Փուշն արդէն յոյսը կըտրած,
իր սուր ակուան, ժանիքը բաց՝
քովէն ով որ կանցնի, իսկոյն
կը հարցնէ ամէն մէկուն՝
թէ շտեսան փախստական
երկու սընանկ վաճառական,
Բայց, խաչոր, այն օրէն ի վեր
դեռ իրարու չեն հանդիպեր :

ԲԱՌԵՐՈՒ ՎԱՐԺՈՒԹԻՒՆ.

- Դրեցեք սա բառերը, եւ ըսէք թէ ի՞նչ իրաստ կուտայ իչ մասնիկը՝
1. Երգ — Երգիչ
2. Նեղ Նեղիչ
3. Մարգ — Մարգիչ
4. Գիր — Գիրիչ

ԽՈՐՅ ԵՂԲԱՅՐՈ

1

Թորոսը իմ խորթ եղբայրս էր: Ինք չէր
սիրեր մեզ, մենք ալ զինք չէինք սիրեր:

Թորոս արդէն 17-18 տարեկան էր հիմա,
բայց նորէն թախծոտ էր, լուսկեաց և մենաւոր:
Հայրս չէր սիրեր զինք, որովհետև յամառ էր ու
միշտ մոայլ. երբեք հօրս երեսին ուղիղ չէր
նայեր:

Օր մը, հայրս մեր այգիէն բերաւ որթա-
տունկի ճիւղ մը. կը կարծէր թէ թորոսն է
կոտրեր զայն:

- Թորոս, — յանկարծ լսուեցաւ հօրս ձայնը:
- Հը, ըսաւ Թորոս,

— Հը կըսէ, հրամմէ ալ չըսեր: Նզովուիս,
ով է տեսեր որ հայ քրիստոնեան, Աստուածածի-
նէն երկու շաբաթ առաջ, խաղող ուտէ. հարամ
է, չէ... նայիր, ի՞նչ ես ըրեր:

Ես կը դողայի ամբողջ մարմնով, որովհետև
այդ ոստը ես էի կոտրեր:

2

Թորոսը՝ լուռ էր. այդ հպարտ ու յամառ
Թորոսը կեցեր էր հոն, իր թախծոտ աչքերով,
իր արևառ դէմքով, և շրթունքները իրարու
սեղմած :

Հօրս աչքերուն մէջ կայծակ կը փայլատակէր. երբեք այդպէս սարսափելի տեսք չէր ունեցեր :

Եւ ես տեսայ որ՝ բարձրացաւ հոնիի դեղին փայտը, այն մրմուռ փայտը. բարձրացաւ հօրս գլխէն վեր և ճօճաց օդին մէջ ...

Փայտը իջաւ եղբօրս թիկունքին, բարձրացաւ, մեկ ալ իջաւ՝ նոյնպէս թափով, նոյնպէս անողորմ :

Թորոս չի շարժեցաւ տեղէն. միայն, երկու կաթիլ արցունք գլորեցան իր մոայլ աչքերէն, իջան, իջան և քարացած մնացին այտերուն վրայ :

Օ՛, այդ երկու կաթիլ արցունքը ... անոնք իջան իմ սրտիս վրայ : Կոկորդս կը սեղմուէր, կուրծքս ուռեր էր, և ես պոռացի .

— Ես եմ, հայրիկ, ես եմ կոտրեր. Ես եմ կերեր խաղողը. Թորոսը մեղք չունի ...

ԲԱՌԵՐՈՒ ՎԱՐԺՈՒԹԻՒՆ

Գրեցէք հետեւեալ բառերը.

1. Շահ — Շահող

2. Խօսիւ — Խօսող

3. Տես — Տեսող

4. Նեին — Նեող

5. Սէր — Սիրող

6. Յաղըր — Յաղրող

Ի՞նչ իմաստ տուաւ ող մասնէկը՝ այդ բառերուն:



ՈՎ Է ԶՈՐԱԿՈՐԸ

— Ես եմ անտառին տէրը, Ես եմ ամէնէն զօրաւորը, — ըսաւ բրդոտ արծը՝ անտառի գաղաններուն :

— Ո՛չ, մա'րդն է, ըսաւ աղուէսը:

— Ի՞նչ պարապ պարապ կը խօսիս, աղուէս. Ես մարդը կը ջախջախեմ, ջարդ ու փշուր կընեմ, պատասխանեց արծը:

— Իսկ ես, պատառ պատառ կընեմ զայն, ունաց գայլը:

— Կը տեսնենք, քթին տակէն մըթմըթաց աղուէսը:

— Ի՞նչ է այդ մարդ ըսածդ, ճշաց արծիւը. Կրնայ ինծի պէս բարձր, բարձր թռչիլ ու մինչեւ ամպերուն հասնիլ. թէ ունի :

— Ես ալ, կը լողամ, խորունկ ջուրին մէջ կիշնեմ, ըսաւ ձուկը. մարդը չի կընար ջուրին մէջ իջնել և ինծի հասնիլ:

— Մառդուն ձեռ-
քէն ի՞նչ կուգայ, — մըր-
մաջեց որդն ալ անդիէն.
մարդը ինծի անգամ
վնաս չի կրնար հաս-
ցնել. ես հողին մէջ կը
մտնեմ ու հանգիստ կը
պառկիմ հոն:

Յանկարծ, երեւցաւ
մարդը՝ հրացանը ուսին,
մէկ ձեռքը թակարդ
բռնած, միւսովն ալ
ուռկան մը:

Ի՞նչ ըրաւ մարդը :

ԹԱ.ԳԱՐԵՎԻՆ Վ.Ա.ՌԺ.ՌԻՒԹԻՒՆ.

Թոզ ուսուցիչը ձեզի լոէ թէ ի՞նչ իմաստ կուտան սա մասնիկները
երբ բառերուն ժայրը աւելցնենք.

ական մասնիկը.

1. Եղբայր — Եղբայրական

2. Մայր — Մայրական

3. Զինուար — Զինուարական

ենի եւ ի մասնիկները.

1. Տաճա — Տաճական

2. Համար — Համարական

3. Գիշեւութիւն

ային մասնիկը.

1. Գաւառ — Գաւառային

2. Ցամաք — Ցամաքային

3. Գիշեւ — Գիշեւային

3. Աղ — Աղի

4. Շիրան — Շիրանի



ԱՐԵՒԾ

1

Մառախլապատ, մութ առաւօտ էր: Արդէն,
քանի օր էր, ծանր ու մուայլ ամպերը պատեր
էին երկինքը:

Թէս անձրեւ չէր մաղեր, բայց խոտը, քա-
րերն ու ծաղիկները թաց էին: Դեռ չէին չորցեր
երէկուան հեղեղէն: Թիթեռնիկները, ճանճերն
ու բոռերը, իրենց երկիւղէն, պահուեր էին ծա-
ծուկ տեղեր. կարծես մեռեր էին:

Անտառին ծայրը, ահազին, հաստարմատ կաղ-
նիին տակ՝ նոր էր բացուեր պղտիկ մանուշակը:

Շտապեր էր խեղճը. կարծեր էր թէ արդէն
գարունը եկեր է, և ուզեր էր լոյս աշխարհը
տեսներ: Հաներ էր գլխիկը գետնին տակէն, և
բացեր էր իր կապոյտ բաժակը:

Բայց, որբան կը զղջար իր ըրածին վրայ:
Ակա, այս ինչքան ցուրտ է ու տխուր:

2

— Աս ի՞նչ սև աշխարհ է, բուրքւկը — ըսաւ
վերջապէս իր քովի խոտին: Աւելի լաւ է որ
քնանայի՝ մնայի հողին տակ... աչքս բացի որ
արևաշխարհ տեսնեմ, բայց ահա պիտի մեռնիմ
ցուրտէն ու ցաւէն...

— Խեղճ, պատասխանեց խոտը՝ որ շուշանն

Էր։ Ես ալ կը մսիմ, բայց յոյս ունիմ որ աղէկ օրեր պիտի տեսնեմ։ Տերևներս բաւական երկար կապրին և կը կշտանան աշխարհքին նայելով։

Այդ միջոցին, զետինն ինկած կաղնիի չոր տերեւին տակէն՝ մժղուկ մը գլուխը վեր վերցուց։

— Շիտակ է, շիտակ, ամէնքս ալ պիտի կորսուինք, — ըսաւ մժղուկը։ Կեանք չի կայ առանց առևի։ Արևը փախաւ ու մենք պիտի մեռնինք։

— Ամբողջ յանցանքը այդ անպիտան ձիւնձաղիկինն է, ըսաւ մանուշակը։ Այնքան գովեց գարունը, այնքան վրաս խնդաց թէ կուշանամ, ուշ կը բանամ բողբոջ՝ որ փախցայ կիզիչ արեւուն մնալու, և շատապեցի։

— Այն, սիրելիս, կերեկի թէ դեռ ձմեռ է, պատասխանեց մժեղը։

Զիւնին անունը որ լսեցին, շուշանը դողդըղալ սկսաւ, մանուշակն ալ բէջ մնաց որ ուշաթափուի։

3

— Էյ, խեղճ փախկոտներ, — ըսաւ անդիէն կարմիր քարը, որ մինչև այդ ատեն լուռ ու մունջ ականջ էր դրեր։ Հա՛... հա՛... հա՛... ձիւնէն կը փախնան։ Զէ, հեղ մը ըսէք տեսնեմ, դուք ձիւն երբ էք տեսեր։

— Աստուած ջնէ որ տեսնանք, — միաձայն պոռացին մանուշակը, շուշանն ու մժղուկը։

— Փախկոտնէր, փախկոտնէր, շարունակեց քարը։ Ես քանի քանի ձմեռներ եմ անցուցեր ձիւնի տակ։ հապա դուք որ իմ տեղս ըլլայէք...

— Սա խօսքին չենք հաւատար, անկարելի բան է, — բացականչեցին բոյսերը։

— Շատ ալ կարելի է, կրսեմ ձեզի։ Միտքըն է... անդամ մը... ասկէ հարիւր տարի առաջ էր...

— Հարիւր տարի, — կրկնեցին բոյսերը։ Դուն հւրկէ գիտես թէ ինչ է եղեր հարիւր տարի առաջ։

— Հա՛, հա՛, հա՛, խնդաց քարը։ սա մանուկներուն նայիր, հարիւր տարի առաջ ալ ես կապրէի՝ այսօրուան պէս։

— Ի՞նչ, ի՞նչ, ի՞նչ, — կը հարցնէր մժղուկը։ Հա՞րիւր տարի առաջ. ամօթ է, քար, հերիք փշես։

— Իմացած եղիր, սիրելիս, որ հարիւր տարին ինծի համար վայրկեան մըն է։ Քանի քանի հարիւր տարիներ եմ ապրեր ես. հա՛, սա կաղնին վկայ է խօսքիս։ Ես ասոր հետ ծանօթացայ երեք հարիւր տարի առաջ. այն ատեն, դեռ պղտիկ ծառ մըն էր ան, իսկ ես նորէն այսօրուան պէս էի։

4

Մանուշակը, շուշանն ու մժղուկը աղաչեցին՝ որ քարը իր պատմութիւնը պատմէ։

— Ժամանակին, ես մեծ, մեծ, շատ մեծ ապառաժի մը մէկ մասն էի : Բայց մրիկը, հովը, ձիւնը, անձրել այնքան ծեծեցին զիս, որ վերջապէս փրթեցայ ապառաժէն, վար ինկայ: Այն ատեն, աւելի մեծ էի, բայց կը լողայի գետին մէջ. գետը զիս ու ընկերներս ըշեց, իրարու զարկաւ և մեզ կտոր կտոր ըրաւ : Այդ անողորմ գետը կը փշրէր, աւազ կը դարձնէր զիս՝ եթէ ափը չելլէի :

— Քանի՞ տարի առաջ եղաւ ատ ըսածդ, — հարցուց մժղուկը :

— Հինգ հարիւր տարիէն աւելի կայ :

— Թըհու, թըհու, — բացականչեցին ապշահար բոյսերը :

— Մի զարմանաք, աղբրտաք, — շալունակեց քարը : Մենք, քարերս, անմահ ենք. մենք երբեք չենք մեռնիր : Այդ գարշելի գետը, շատ շատ, կրնար փշրել զիս ու աւազ դարձնել, բայց ես նորէն չէի մեռներ ու անվերջ կապրէի :

— Որ այդպէս է, դուն շատ իմաստուն ըլլալու ես, — շնչաց մանուշակը :

— Հարկաւ, — պատասխանեց քարը. ես շատ զարմանալի բաներ եմ տեսեր : Եթէ տեսածներս մէկիկ մէկիկ պատմեմ՝ վերջ չի գար : Դուք բոլորդ կը մեռնէիք և նորէն իմ պատմութիւնըս չէր աւարտեր :

Բոլոր ունկնդիրները զարմանքէն բերանաբաց մնացեր էին :

— Խսեցէք, բարեկամներ, թէ ինչ կըսեմ ձեզի, — նորէն խօսեցաւ քարը: Ուրախ լուր մը պիտի տամ. շուտով արել պիտի ցաթի, և դուք ցրտէն պիտի չկորսուիք :

— Իրա՞ւ կըսես, ախ, իրա՞ւ կըսես, անգին քար, ըսին Ֆժղուկը, մանուշակն ու շուշանը :

— Ես որ կըսեմ, բան մը գիտեմ հարկաւ. ամպերը թափեցին իրենց արցունքը, արել այսօր կը ցրուէ զանոնք ամէնքն ալ... նայեցէք երկնքին... :

Եւ անոնք նայեցան երկնքին : Իրաւ որ ամպերը նօսրացեր էին և երկինքը կը կապուտնար:

Քիչ ետքը, արեին ոսկեզոծ շողերը ցոլացին օդին մէջ :

— Ահա արեւը, ահա արեւը, պոռացին բոլորը :


Մանուշակը լայն բացաւ իր թերթիկներուն թագը, և անուշ բուրեց. շուշանը օրօրուեցաւ հրճուանքէն. իսկ մժղուկը թուաւ բարձունքին մէջ, թուաւ միշտ դէպի վեր :

ՌԱՋԵՐՈՒ ՎԱՐԺԱՌՈՒԹՅՈՒՆ.

Գրեցէք հետեւեալ բառերը.

1. Աղ	— Աղած	4. Թան	— Թանած
2. Ման	— Մանած	5. Գուր	— Գրած.
3. Ողորմ	— Ողորմած	6. Ցաւ	— Ցաւած

Ի՞նչ իմաստ տուաւ ած մասնիկը այդ բառերուն:



ԱՐԾԻՒՆ ՈՒ ԿԱՂՆԻՆ

Անգամ մը Արծիւն ու խոշոր կաղնին
անտառի մը մէջ մեծ վէճ ունէին՝
թէ հրն իրենցմէ շատ տարի կապրի,
հրն է դիմացկուն, հըզօր աւելի :

Արծիւն ըստ՝ ես, կաղնին ալ թէ՝ ես և
երկուքն ալ յամառ ու հպարտ, այսպէս
մեծ մեծ պարծեցան, սաստիկ վիճեցան
եւ վերջը վերջը դըրին սա պայման.

ըսին թող անցնի հինգ հարիւր տարի
եւ երբ այս օրը հեղ մ'ալ գայ հասնի՝
այն օրը դարձեալ գանք զիրար գտնենք
ու մէկը գմէկու ըէֆ հարցընենք մենք :

Արծիւն հեռացաւ կաղնիէն իսկոյն,
շարժեց թեւերն իր հզօր գորշագոյն.
թըուաւ ամպերը, դէպի ժայռերը
ուր կանցընէր իր բարի օրերը :

Կաղնին ալ փըուեց ճիւղերն իր երկաթ,
զետնին մէջ խորունկ ձգեց լայն արմատ.
ու այնպէս կեցաւ հուծկու և արի
որ ալ վար չինայ հինգ հարիւր տարի :
Դարերը անցան :

Եւ ահա մէկ օր՝
Արծիւը եկաւ ծերացած, անզօր,
ժիր ձայնը կըտրած, տըկար, հնալով,
թոյլ թեւերն ետին հազիւ քաշելով :



Եկաւ, տեղ հասաւ, նայեցաւ վերէն,
տեսաւ որ կաղնին ինկեր է արդէն .
ինկեր է ահեղ փոթորկին առաջ՝
թէև ճիւղերն են դեռ թարմ ու կանաչ :

— ՀԵՅ, պոռաց, գոռնղ, պարծենկոտ կաղնի՝
զիս ու քեզ հիմա լաւ ճանչըցա՞ր մի.
հինգ հարիւր տարուան դեռ մէկ ժամ ալ կայ
ինկեր ես արդէն, անկոտընւմ հըսկայ. . . :

— Հինգ հարիւր տարի ապրեր եմ կանգնած,
այդքանն ալ կապրիմ այսպէս կէս պառկած՝
մինչեւ լըրանայ մէկ հազար տարին,—

պատասխան տըռուաւ ինկած վիթխարին :



ԾԵՐՈՒԽԻՒԽ ՊԱՏՈՒԵՐՆԵՐԸ

1

Օր մը, մեր զիւղը ծերունի մը եկաւ. ճեր-
մակ մօրուքով, ճերմակ մազերով ծերունի մը:
Բայց ինչ ճերունի. առողջ, կարմիր երես-
ներով և երկաթի պէս զօրաւոր :

Գացի, ձեռքը համբուրեցի և նստեցայ իր
քովը :

Միւս եղբայրներս ալ եկան, և ամէնքնիս
շարուեցանք անոր շուրջը :

Ծերունին շատ երկիրներ էր պտտեր, և շատ
աշխարհներ էր տեսեր :

Գուրգէն եղբայրս՝ որ շատունց դպրոց կեր-
թար, անոր հարցումներ կընէր : Եւ ծերունի

հիւրը աղուոր-աղուոր բաներ կը պատմէր :
Յանկարծ, Գուրգէն հարցուց .

— Հապա, տես, քանուոր . կըսես որ դուն
ութսուն տարեկան ես. իմ մեծ-հայրս ալ վաթ-
սուն տարեկան է, բայց քեզի չափ առողջ չէ. առանց ցուպի չի կրնար քալել, աչքերը լաւ չեն
տեսներ, ձեռքերը կը դողդղան. ինչու դուն
այսպէս առողջ մնացեր ես՝ և մեծ-հայրս այդպէս
շուտ ծերացեր է :

Ծերունին շոյեց Գուրգէնին զլուխը, ժպտե-
ցաւ և ըսաւ .

— Տղաս, մարդիկ կրնան շատ երկար ապ-
րիլ և շատ առողջ մնալ, եթէ զիտնան իրենց
մարմինին հոգ տանիլ: Ես ձեզի քանի մը պատ-
ուէրներ տամ, միտքերնիդ լաւ պահեցէք: Եթէ
այդ պատուէրներս կատարէք, դուք ալ առողջ
կըլլաք, կտրիճ կըլլաք և երկար, երկար տարի-
ներ կապրիք :

2

Եւ ծերունին այս խրատները տուաւ մեզի :
1. Առաւօտուն, երբ արթննաք, չըլլայ, չըլ-
լայ որ անկողնին մէջ մնաք. անմիջապէս ելէք
և հագէք ձեր լաթերը :

2. Զեր մարմինը միշտ մաքուր պահեցէք
մաքուր մորթը թէ՛ զեղեցկութիւն կուտայ, թէ՛
առաջքը կառնէ շատ մը հիւանդութիւններու :

3. Ճաշի նստելէ առաջ, լաւ մը լուացէ՛ք ձեր ձեռքերը. աղտոտ ձեռքերով չըլլայ որ հաց ուտէք:

4. Գոնէ շաբաթը անգամ մը, բաղնիք գացէ՛ք. ամառը աւելի շուտ շուտ լոզցէ՛ք: Բայց, երբեք ճաշելէ անմիջապէս ետքը չոգնաք: Հիւանդ եղած ատեննիդ լոզնալը վնասակար է:

5. Բերաննիդ ու կոկորդնիդ մաքուր ջրով շուտ շուտ ցողուեցէ՛ք:

6. Առաւօտուն, և իրիկունը ընթրիքէ՞ն ետք, խողանակով մաքրեցէք ձեր ակուաները:

7. Ով որ բերանը մաքուր պահէ՝ ոչ ակուայի ցաւ կունենայ, ոչ ալ շատ մը տեսակ հիւանդութիւն:

8. Հազարու ատեն, ձեռքերնիդ մի՛ մոռնաք ձեր բեռնին դէմ դնել:

9. Կերակուրը արագ-արագ մի՛ ուտէք և շատ ծամեցէ՛ք:

10. Քնացէք իրիկունը կանուխ և 8—10 ժամ:

11. Արևն ու մաքուր օդը՝ հացի ու ջուրի չափ անհրաժեշտ են մարդուս: Անոր համար, սենեակներուն օդը միշտ մաքուր պահեցէք՝ շուտ շուտ բանալով լուսամուտները:

12. Ամէն ատեն քթնի շունչ քաշեցէք. երբեք բերնով շունչ մի՛ առնէք՝ մանաւանդ երբ օդին մէջ փոշի կայ:

13. Միշտ ուղիղ նստեցէ՛ք, ուղիղ կանգնեցէ՛ք և ուղիղ քալեցէ՛ք: Զբլայ որ ծոած նստիք՝ գիր գրած կամ ձեռագործ շինած ատեն:

14. Խաղի ատեն, պահպանեցէ՛ք ձեր աչքերը. ամէն տարի շատ մը մանուկներ կը կուրնան, որովհետեւ անզգոյշ կը գտնուին կամ կը խաղան՝ մերատի, դանակի, սուր երկաթի և քարի հետ:

15. Քրտնած ատեն չըլլայ որ ջուր խմէք կամ հովի դէմ նստիք:

16. Ոտքերնիդ թաց չպահէք. երբ գուլպանիդ կամ կօշիկնիդ թրծի, անմիջապէս փոխեցէ՛ք կամ չորցուցէք զանոնք:

Ծերունիին այս խօսքերը մինչև հիմա միտքը են, և երբեք չեմ մոռնար զանոնք:

Աւսուցիչն կը խնդրենք երկարօրէն կանգ առնել առողջապահական այս պատուէրներէն իւրաքանչիւրին վրայ, եւ բացատրել պատճառները:

ԲՍ.Օ.ԵՐՈՒ Վ.Ս.ՐԺ.ՈՒԹԻՒՆ

Հսէք թէ կոտ մասնիկը ե՞նչ իմաստ կուտայ բառերուն.

- | | |
|------------------------|--------------------------|
| 1. Վախու — Վախոկոս | 4. Դանդաղ — Դանդաղկոս |
| 2. Մոռացում — Մոռացկոս | 5. Դեղեւում — Դեղեւկոս |
| 3. Սմաշում = Սմչկոս | 6. Պարծենում = Պարծենկոս |

ԳԱՐՆԱՆ ՀՐԱԻԷՐ

1

— Ծառեր, ծաղիկներ, խոտեր ու բոյսեր, բաւական է որչափ քնացաք, ըստ արեգակը. գարուն է, օրերը տաքեն, շնոր, արթնցէ՛ք, դուրս ելէք :

— Բարեւ քեզ, բարեւ, սիրելի գարուն, ըսին խոտերը, և կանչըցան :

Ծառերն ալ իրենց ճիւղերուն վրայ բողբոջներ հանեցին. բողբոջները մեծցան ու տերև եղան. Ամէնքն ալ զարդարուեցան ճերմակ ու վարդագոյն ծաղիկներով :

— Տըզ, տըզ, ըսին մեղուները. շնորհակալ ենք, նախշուն գարուն, որ մեզ ազատեցիր ձմեռուան քունէն :

2

Եւ մեղուները խումբ խումբ թռան, գացին խնձորենիին վրայ, այսպէս ըսին. կարմիր ծաղիկ խնձորենի, ծաղիկդ բաց մեղի,



մեր փեթակը մեղը չունի,
մեր բերանը համ չունի:
Ծաղկներդ բաց մեզի,
որ գանք, ծըծենք քու հիւթէդ,
հիւթդ առնենք տուն երթանք,
երթանք շինենք մեղը ու մոմ:

— Ափսոս, շատ ափսոս, ծաղիկներս դեռ
դուրս չեն ելեր, թէ չէ՝ ձեզի պէս հիւրերը իմ
գլխուս վրայ, իմ աչքիս վրայ . . . : Գացէ՛ք բալե-
նիին մօտ, անոր ծաղիկները շուտ կը բացուին,
ըսաւ խնձորենին :

3

Մեղուները թուան բալենիին քով։ Բալենին
ճիւղերը շարժեց ու ըսաւ.

— Բարնվ եկաք, հաղար բարով, բայց պէտք
է որ քանի մը օր ալ համբերէք. ծաղիկներս
երբ որ բացուին, եկէք, ծծեցէք անոնց հիւթը՝
ինչքան որ կուզէք :

Մեղուները տիրեցան :

— Հրամմեցէք, հրամմեցէք, ձայն տուաւ
նշենին անդիէն. հոս հրամմեցէք. իմ ծաղիկներս
բացուած են, եկէք անոնց վրայ :

Մեղուները, ուրախ-ուրախ, թուան դէպի
նշենին, թափուեցան անոր վրայ, ծծեցին ծա-
ղիկներուն հիւթը, կշտացան, և տըզտըզալով
վերադարձան փեթակը :





ԱՅՐԻ ԿՆԿԱՆ ԵՐԳԸ

Մանէ, մանէ, ճախարակ,
նստինք բանի, ճախարակ,
անտէրին տէր, ճախարակ,
որբերուն հայր, ճախարակ :

Լուսնակը դուրս է եկեր,
աչքերուս լոյս է եկեր .
լուսնի լոյսով մանեմ ես,
ճերմակ կծիկ շինեմ ես,
աղքատ օրով ու լացով
որբեր պահեմ մանածով :

Մանէ, մանէ, ճախարակ,
նստինք բանի, ճախարակ,
անտէրին տէր, ճախարակ,
որբերուն հայր, ճախարակ :



ՓՈՔՐ ՏՂԱՆ ԻՆՉՊԷՍ ԱԶԱՏԵՅ ԻՐ ՀԱՅՐԸ

1

Բենիամին աղքատ նաւաստիի մը տղան էր:
Դեռ երեք տարեկան հազիւ կար, երբ հայրիկը
սկսաւ անոր ձեռքերը վարժեցնել նաւուն գոր-
ծերուն։ Հինգ տարեկան եղած ատեն, կրնար
ծովուն մէջ լողալ և շատ հեռուները երթալ:

Բենիամին ծոյլ ծոյլ չէր նստեր, կաշխատէր
և իր ձեռքերը, թևերը, ու մարմինը կը զօրացնէր։

Երբ փոքր հրաման մը տրուէր, անմիջապէս
առաջ կը նետուէր, կը մազցէր կայմերուն գա-
գաթը, կը սողոսկէր երկար պարաններուն վրա-
յէն, և ճարպիկութեան մէջ կը կանխէր բոլոր
նաւաստիները :

Այնպէս որ, քիչ ատենէն, այս փոքր տղան
եղաւ յանդուգն, քաջասիրտ և խելացի. աչքը չէր
վախնար ոչ ալիքներէն, ոչ ալ ո և է վտանգէ :

2

Օր մը, իրենց նաւը դարձեալ կը սուրար ծո-
վուն վրայ, նաւին մէջ կային շատ ճամբորդներ։

Ճամբորդներէն մէկուն աղջիկը, տեսնելով
որ իր դայեակը քնացեր է, դուրս ելաւ սենեա-
կէն, և ուրախ զուարթ բարձրացաւ նաւին վեր-
նայարկը :

Մօտեցաւ նաւին եզերքին. սկսաւ ծովը դի-
տել ու զուարձանալ: Ալիքները ուժգնութեամբ
կը զարնէին նաւին կողերուն. ճերմակ փըր-
փուրը կը ցատկէր մինչև վերը, աղջկան կեցած
տեղը: Աղջիկը ցնծութեամբ կը հաւաքէր փըր-
փուրը, և կուրախանար :

Ահա, յանկարծ, զօրաւոր ալիք մը ցնցեց նաւը.
Փոքրիկ աղջիկը, որ եզերքէն վար էր ծոած,
ինկաւ ծովը, սուր ճիշ մը արձակելով :

3

Փոքրիկ աղջիկը չի կար, անհետացեր էր
ծովին մէջ :

Բարեբախտաբար, Բենիամինին հայրը տե-
սած էր անոլ իյնալը. կրնամը սպասել. ոչ. ուստի,
անմիջապէս, ծովը նետուեցաւ և սուզուեցաւ
ջրին տակ :

Դուրս ելաւ ջրէն, և ահա ձախ ձեռքով բըռ-
նած էր անխոնեմ մանկիկը, սեղմած էր իր
կուրծքին վրայ, և աջ ձեռքով ալ էր լողար :

Նաւը բաւական հեռացեր էր: Բենիամինին
հայրը սկսաւ իր հուժկու բազուկով արագօրէն
լողալ, որ մօտենայ նաւուն :

Սակայն, լուղորդէն քիչ մը հեռու, սև առար-
կայի պէս բան մը տեսնուեցաւ:

Բենիամինին հայրը լեղապատառ ճիշ մը
արձակեց և պոռաց.

— Շնաձնւկը ... շնաձնւկը ... օգնութիւն....

4

Իրաւ որ, ահագին շնաձուկ մը, լողալով, շի-
տակ կուգար մարդուն վրայ :

Բենիամինին հայրը արդէն յոգնած էր լողա-
լէն և մանուկին ծանրութենէն. ուստի, իր բոլոր
ուժը հաւաքեց և սկսաւ կոռուիլ ալիքներուն դէմ,
որպէս զի շուտ տեղ հանի և ազատի վտանգէն:

Նաւէն ալ արդէն տեսեր էին շնաձուկը, և
ամէնքը հաւաքուած, սարսափով կը դիտէին աշ-
հեղ մենամարտը :

Նաւաստիներէն մէկ քանիները առին իրենց
հրացանները, և սկսան կրակել շնաձուկին վրայ:
Գնդակները կը թռէին, կը քերէին ջուրին երեսը.
Բայց չէին կրնար վիրաւորել գիշատիչ կենդանին:

Վայրկեանէ վայրկեան շնաձուկը կը մօտե-
նար, իսկ լուզորդը կուժասպառէր :

Բայց այն բոպէին, երբ շնաձուկը պիտի
համնէր մարդուն ու պիտի կլէր զայն մանուկին
հետ, յանկարծ կանգ առաւ և ինք իր վրայ թա-
ւալեցաւ: Տեսնուեցաւ որ իր շուրջը ծղին ալ
արիւնով ներկուեցաւ :

Ի՞նչ պատահեցաւ, ի՞նչու շնաձուկը թաւա-
լեցաւ, աս ի՞նչ արիւն է, կը հարցնէին ամէնքը:

— Բենիամինն է, Բենիամինն է, պոռացին
յանկարծ :

իրաւ Բենիամինն էր :

Կտրիճ տղան ծանր սուր մը առած, աննկատելի կերպով նետուեր էր ծովը :

Սահեր էր ջուրին տակէն՝ դէպի շնաձուկը, և ներքեխն հարուածեր էր անոր կողը :

Վիրաւոր կենդանին ուզեց վրէժն առնել՝ զինքը հարուածող ձեռքէն. ուստի, թողուց հայրը և յարձակեցաւ Բենիամինին վրայ :

Բենիամինին ուզածն ալ ատ էր. կը փափաքէր վտանգը իր վրայ հրաւիրել, որ ազատի իր հայրը :

Բենիամին սկսաւ նաւին հակառակ ուղղութեամբ լողալ և հեռանալ նաւէն. շնաձուկն ալ հետևեցաւ իրեն :

Երկու հակառակորդները կը լողային իրարու ետեէ :

Բայց, ծանր վէրքէն հոսող արիւնը՝ ուժասպառ էր ըրած կենդանին : Տղան զգաց որ ինք ալ հետղիետէ ուժասպառ կըլլայ. գլուխը ետեղ դարձուց, տեսաւ որ հայրը վերջապէս մօտեցեր էր նաւին և ազատած :

Հիմա, Բենիամին ինք ալ կրնար վերադառնալ նաւ : Ճիգ մը ըրաւ, ուժ տուաւ թևերուն և մօտեցաւ նաւին :

Իսկոյն, նաւաստիները պարաններ նետեցին պատանին : Պատանին՝ բռներ էր արդէն պարաններէն մէկը :

Շնաձուկը, տեսնելով թէ վերջին որսն ալ պիտի ազատի ձեռքէն, հաւաքեց իր յետին ուժը և յարձակում մըն ալ գործեց :

Բայց, նաւաստիները ժամանակ չի ձգեցին . իրենց հուժկու բազուկներով, վեր քաշեցին պարանը, և պատանին բարձրացաւ նաւուն մէջ :

Երբ Բենիամին կը նետուէր իր հօրը թևերուն մէջ, շնաձուկը իր ստացած մահացու վերքէն բոլորովին ուժասպառ՝ պտոյտ մըն ալ գործեց ինք իր վրայ, ցնցուեցաւ եւ մեռաւ ծովուն մէջ, ջուրը կարմիր ներկելով :

Օր մը, երբ հարցուցին Բենիամինի թէ՝
— Կը սիրե՞ս փառքը :
— Անշնուշտ, պատասխանեց տղան :
— Բայց գիտե՞ս թէ ինչ է փառքը :
— Փառքը այն բանն է որ մարդ կատարէ իր պարտականութիւնը, ըստ տղան :

ԹԱՌԵՒՐՈՒ ՎԱՄՐՃԱԽԻԹԻՒՆ

Դրեցէք սա բառերը, եւ ըսկը թէ ի՞նչ իմաստ կուտայ եղէն մասնիկը.

- | | | | |
|-----------|--------------|----------|-----------|
| 1. Արկար | — Արկարեղին | 5. Բաւրդ | — Բրդեղին |
| 2. Պղինձ | — Պղինձեղին | 6. Թուղը | — Թողեղին |
| 3. Թանջար | — Թանջարեղին | 7. Բոց | — Թոցեղին |
| 4. Լոյս | — Լոյսեղին | 8. Միրզ | — Մրգեղին |

Ուսուցիչն կը խնդիրնք բացատրել ածանցումներու ատեն՝ տեղի ունեցող ձայնաւոր գրերու սղումները ինչպէս վերի 2, 5, 6 եւ 8 օրինակները:



ԳԻՒՂԻՆ ԱՌԱԽՈՏԸ

Այն, ես որքան կը սիրեմ գիւղին առաւօտը:



Լոյսը կը բացուի ու
աքաղաղը իր թառին
վրայէն կը պոռայ.
կու - կու - լիկ - կու :
իր ձայնին պատաս-
խան կուտան մօտիկ
գիւղի իր ընկերները:

Անուշ հովը, խա-
ղալէն խաղալէն՝
կուգայ կանցնի, ե-
րեցնելով ծառե-
րուն տերևները: Թո-
նիրները կը ծխան,
ու կապոյտ մուխը,

սիւն սիւն, կը բարձրանայ օդին մէջ :

Կը լսուի ահա ժամուն զանգակը, թիքը-թաք,
թիքը-թաքը թիքը-թաք : Աղջիկները, կուժն
իրենց ուսը առած, աղբիւրը ջուրի կերթան :

Կովերը կը բառաչեն, ոչխարները կը մայեն,
գոմէշները կը մլան, կը լծուին ու կը քաշեն սայլը:

Սայլին վրայ նստած է գեղացի մանուկը,
կը յօրանջէ, և իր երկայն մահակով կը խթէ գո-
մէշներուն կողը՝ պոռալով .

— Հօ, հօ, Սևուկ. հօ, Պօզո, ոտք վերցուր :
Հնձուորները, մանգաղը անցուցած իրենց

վզին, լուռ կը քալեն, խումբ խումբ, դէպի ար-
տերը : Կաճապարեն, որպէս զի տաքը չսկսած,
առտուան զով օդին, քաղեն իրենց քաղը և խուրձ
դիղեն մինչեւ կէս օր :

Ահա արևը ոսկիի պէս կը ցաթի՝ երկայն
բարտիներու գագաթին վրայ, և կամաց կամաց
սողալով վար կիջնէ :

Կը հաւաքուի նախիրն ալ, և հովիւր կը քշէ
կովերն ու ոչխարները՝ դէպի արօտավայը :

Կամաց կամաց գիւղը կամայանայ, տունը
կը մնան միայն պառաւներն ու տանտիկինները:

Ինչ գեղեցիկ է ամառուան առաւօտը գե-
ղին մէջ :



ԲԱՌԵՐՈՅ ՎԱՐԺԱՌԻԹԻՆ

- | | |
|--|------------------------------|
| Բաեք թէ կոչ իմաստ կուտայ ելի մասնիկը բառերուն, | 1. Նախանձնական կառավարութիւն |
| 1. Նախանձնական կառավարութիւն | 4. Սէր ւ Սիրելի |
| 2. Փափաք ու Փափաքելի | 5. Դուք ու Գովելի |
| 3. Ներում ու Ներելի | 6. Շօսափում ու Շօսափելի |



ՇՈՒՆԵՐԸ

Քանի՞ քանի՞ տեսակ շուներ կան :

Կայ հովիտին շունը, գամբու՛ որ խոշոր է,
ահազին հասակ ու մեծ ուժ ունի: Գամբուր գայ-
լերուն դէմ կը կոռուի և ոչխարները կը պահ-
պանէ :

Կայ փոքր շունը, հաղիւ թիզ մը մեծու-
թեամբ՝ որ տուներու մէջ կը պահեն :

Կայ որսի շունը, բարակը, որ նիհար է, բայց
աշխուժ, թեթեստն և ճարպիկ է: Բարակը որսի
կերթայ, կենդանիներ կը հալածէ ու թոշուններ
կը բռնէ :

Կան նաև մեր փողոցին շուները, ծոյլ, անօ-
գուտ և խեղճ :

Շուները խելացի կենդանիներ են և շատ
կը սիրեն մարդը: Անոնք կուզեն ծառայել մար-
դուն, հաճելի ըլլալ անոր և սիրուիլ: Այս պատ-
ճառով է որ կըսենք թէ շուները հաւատարիմ են:

Շունը երբեք չի մոռնար իր տէրը, և երկար
տարիներ անցնելէ ետքն ալ՝ կը ճանչնայ զայն
հոտառութեամբ :

Շունը երախտագէտ ալ է. իր շնորհակալու-
թիւնը կը յայտնէ՝ քծնելով, պոչը երեցնելով,
տիրոջը ոտքերը լզելով և թնծկալով :

Շատ երկիրներու մէջ, շուներուն աշխա-
տանք ալ ընել կուտան. փոքր փոքր և թեթև
կառքեր կը շինեն, ու այդ կառքերուն կը լծեն
զանոնք: Իսկ այն երկիրներուն մէջ, ուր տար-
ուան մեծ մասը ձմեռ կըլլայ, շուները բալսիր
կը քաշեն :

Շուները երբ անօթի ըլլան, երբ ցաւ մը
ունենան, կամ երկինքին վրայ լուսինը տեսնեն՝
կը սկսին ոռնալ :

Շուները մսակեր են :


1. Ո՞ր կենդանիները մսակեր եւ ո՞ր կենդանիները խոտակեր են:



ԹԱ.ՌԵ.ՆՐՈՒ Վ.Ա.ՐՃ.ՄԱ.ԹԻՒՆ

Գրեցէ՛ք սա բառերը, եւ ըսէք թէ ի՞նչ իմաստ կուտայ եայ
մասնիկը:

- | | |
|---------------------|-------------------------|
| 1. Արծար — Արծարեայ | 4. Ծովեզր — Ծովեզրեայ |
| 2. Երկար — Երկարեայ | 5. Գետափ — Գետափեայ |
| 3. Թեեեզ — Թեեենեայ | 6. Աղամանդ — Աղամանդեայ |



ՃՇՄԱՐՏԱԽՈՍ ՄԱՆՈՒԿԸ

1

Մայր մը ու որդին պատրաստուեր էին
ուխտատեղի մը երթալ միասին :
Բայց երբ մօտեցան օրերը ուխտին՝
մայրն հիւանդացաւ, ինկաւ անկողին,
Չուզելով որդին իր ուխտէն զրկել,
աղաչեց մօտի դըրացիներէն
որ իր զաւակը հետերնին տանին :
Դըրացիները բարեպաշտ էին,
խոստացան տղան առնել հետերնին :

2

Երեք օր ետքը ճանապարհ իյնալ
կը պատրաստուէին երկու կողմէն ալ :
Տասն ուկի առաւ մայրը, ու տըղուն
կարեց թևին տակ և ըսաւ. «տես, դուն,
«զաւակս, հիմա մեծ ուխտի կերթաս,

«երկու խօսք ունիմ քեզի իբրև դաս.
«չըլլայ, չըլլայ որ օր մը սուտ խօսիս
«եւ հանդիպիս իմ խոշոր անէծքիս.
«միշտ եղիր շիտակ, խօսիր ճըշմարիտ,
«հոգիդ թող պայծառ, սիրտդ ըլլալ վճիտ:»
— «Խօսք կուտամ, մայրիկ, մանուկը ըսաւ,
«որ պիտի ես սուտ չի խօսիմ բընաւ:»
Մայրիկը օրհնեց կրկին ու կրկին
եւ ճամբու դըրաւ հընազանդ որդին :

3

Կարաւանն ահա ուխտաւորներուն
կերթայ ու կերթայ առտու իրիկուն :
Մանուկը հեծած է վերջին ուղար կաղ,
կերթայ, բայց սիրտը երբեք չէ ուրախ.
Կը յիշէ հիւանդ մայրիկն հեռաւոր
որ տունը մընաց, եղաւ մենաւոր :

4

Շատ գացին թէ քիչ, ու ահա հասան
անմարդաբնակ անապատ մը լայն.
Գեռ չէին կտրեր իրենց կէս ճամբան,
մէյ մ'ալ ամպի պէս սև սիւն մը տեսան
որ դէմէն փըրթաւ եկաւ հե ի հե,
եկաւ ու կեցաւ քէրպանին առջեւ :
Աւազակ էին եկողներն այսպէս :
Ուխտաւորները՝ գառնուկի պէս հեզ
կեցան որ թալլեն զիրենք, կողոպտեն,
տանին ըեռ, դըրամ և իրերն ամէն :



5

Աւազակները գացին ու կըրկին
ետ վերադարձան.
փոքրիկ մանուկին
այս հեղ մօտեցան
ու անոր ըսին.
— «Ի՞նչ ունիս քովդ, պատուական տղայ:»

— «Ճամն ոսկիին ահա»,
ըսաւ անմոլար,

ցոյց տալով թեն ու ոսկիին գումար :
Աւազակները այս որ լըսեցին՝
Վազեցին գացին,
յեյտնեցին պետին :

6

Աւազակապետն ըրաւ հըրաման
որ առնեն բերեն իրեն քով տըղան :
Մանուկն է եկաւ .
— «Ի՞նչ կայ քովդ, հարցուց պետը աւազակ :

— «Դարձեամ ըսեմ. լմաւ.

«Ճամն ոսկի ունիմ կարուած թեմիս տակ:»
Աւազակն իսկոյն տըղուաւ հըրաման.

— «Շնւտ, մերկացուցէք, փորձենք այս տըղան:»
Մերկացուցին և գումարը գըտան :
Բայց պետը ըսաւ որ դընեն նորէն
դըրամն իր տեղը ու լաւ մը կարեն :
Ապա, դառնալով աւազակը մեծ՝
հարցուց մանուկին. «Ի՞նչ բան ըստիպեց
«քեզ, ազնիւ տըղաս,

«որ այսպէս ըլլաս

«ճըշմարտախօս և շիտակ, անվեհեր.

«դուն փոքր էիր, քեզ ով կը խուզարկէր . . . :»

— «Ես ուխտի կերթամ իմ քարւանիս հետ,
«մայրս հիւանդ է, ինկած անկողին.

«Եւ ինձ պատուիրեց, աւազակապետ,

«որ յոյս չի դնեմ ոչ վատթար սուտին,
«ոչ խարէութեան վըրայ անպատիւ,

«այլ խօսիմ միայն ճըշմարիտն ազնիւ.

«Եւ ասոր համար օրհնեց իմ ճամբաս

«Եւ ըսաւ, «որդիս, բարով տուն դառնաս:»

«Մօրս պատուէրը սուրբ է ու արգար,

«Եւ ես չեմ սըտեր՝ իր սիրուն համար:»

7

Աւազակապետն ըզգացուած էր խոր.

բընեց տըղուն ձեռքն ու ըսաւ անոր.

— «Դնւն, անբիծ մանուկ, ինծի յաղթեցիր

«Եւ յոյսի ճանբան առջիս ցոյց տըղուիր:

«Մութի մէջ էի ես օր ու գիշեր.
 «Հեղաւ մէկը որ իմ թևէս բըռնէր՝
 «Եւ զիս դուրս հանէր ու մըղէր ուժգին
 «Դէպի պատուաւոր գործին ու խօսքին :
 «Այսօր, հվ տըղայ, լեզուդ մանկական
 «ինծի ցոյց տըռւաւ փրկութեան ճամբան.
 «Ես պիտի ձըգեմ ամէն զազիր գործ
 «ու պիտի ըլլամ դարձեալ հողագործ՝
 «մաքուր ձեռքերով հալալ քրտինքով
 «պահելու համար խիղճս անվրդով:»

Եւ ապա դարձաւ
 իր ընկերներուն՝
 Եւ այսպէս ըրաւ.

«Զեզ ալ, ընկերներ, իմ պատուէրս է որ
 «դուք ալ ուխտ ընէք ինծի հետ այսօր.
 «Պառնաք ձեր տունը, ձեր արտ ու դաշտին,
 «Հողը մըշակէք, փըրկէք ձեր հոգին :
 «Բվ որ հակառակ վարուի իմ խօսքիս՝
 «պիտի հանդիպի իմ տաք գընդակիս . . .»

8

Հրաման ըրաւ որ գողօնն առնեն
 Եւ կառաւանին տանին ու յանձնեն.
 տանին ու յանձնեն, և անապատին
 առաջնորդն ըլլան, ցոյց տան այն ուղին
 որ կերթայ դէպի սուրբ ուխտատեղին:
 Յետոյ ծընրադրեց, աղօթք մ'ըսաւ ցած,
 Եւ ոտքի ելաւ, ու գընաց, գընաց . . .

ՅԱՆՑԱԽՈՐԾ

Գիշեր մը գողեր եկան, Խիկար իմաստունին
 տունը բացին: Սրբեցին, սկրդեցին տանը մէջ
 եղած չեղածը, ելան գացին:

Առառուն կանուխ, դրացիներն հաւաքուեցան
 խեղճ Խիկար իմաստունին դռան առջև, և ամէն
 մէկը մէյ մէկ կարծիք կը յայտնէր:

— Նայե՛ցէք, նայե՛ցէք, կը կրկնէր ջուլհակ
 կարօն. տան մը պատերը այսքան ցած կը շի-
 նե՞ն . . . հարկաւ տանիք մը որ այսքան ցած ըլ-
 լայ, գող ալ կը մտնէ ներս, աղուէս ալ . . .

— Զէ՛, կըսէր դարբին Ղազարը, յանցանքը
 հոն է որ դուռը լաւ կղպանք չունի . . . տուն ը-
 սածդ այսպէս անհոգ վիճակի մէջ կը ձգուի . . .

— Տանը պատերն ալ ամուր չեն շինուած,
 աղբա՛ր, կը պնդէր որմնադիր Թորոսը: Տեսէ՛ք,
 տեսէ՛ք, աղիւսէն զատ ուրիշ բան չի կայ անոնց
 մէջ . . .

Այսպէս, ամէն գլուխէ մէկ մէկ ձայն կելլէ:
 Մէկը դռան տախտակը բարակ կը գտնէր, ու-
 րիշ մը՝ տան լուսամուտները շատ լայն կը հա-
 մարէր:

Վերջապէս, ամէնքն ալ յանցաւոր կը հա-
 նէին Խիկարը:

Բոլորն ալ, մէկ բերան, կը դատապարտէին
 տան տէրը, բայց գողին համար բան ըսող չի կար:

Խիկար Խմաստուն լսեց, լսեց բոլոր ըսուածները, ու յետոյ, դարձաւ հարցուց հաւաքուած բազմութեան.

— Շատ լաւ. ձեր բոլոր կարծիքները աղէկ աչքիս վրայ, գլխուս վրայ. Ես յանցաւոր եմ, տունը յանցաւոր է, դուռը յանցաւոր է. հապա, այս գողերը, բնա՞ւ յանցանք չի կայ անոնց . . .

ԲԱԱՐԱՐՈՒ Վ.Ս.ՐՃՈԽԹԻՒՆ

Հսէք թէ աւոր մասնիկը ի՞նչ եմաստ կուտայ բառերուն:

1. Գոյն — Գունաւոր

4. Կեղծ — Կեղծաւոր

2. Լոյս — Լուսաւոր

5. Շոհ — Շոհաւոր

3. Փառք — Փառաւոր

6. Հռչակ — Հռչակաւոր



ԱՍՏՈՒԱԾ ԵՐԲ ՈՐ ՍՏԵՂԾԵՑ

1

Աստուած Երբ որ ստեղծեց ցամաքին, ծովին ու երկինքին բոլոր կենդանիները, ամէնքն ալ կարգով կեցած էին անոր առջև :

Կանչեց շունն ու գայլը, կատուն ու վագրը, առիւծն ու յովագը, ըսաւանոնց.

— Գացէք, բնակեցէք լեռներն ու անտառները. ձեզի տուի սուր ժանիքներ, ձեզի տուի



ճիրաններ, որ գտնէք ձեր կերակուրը և ապրիք . . .

Շունն ու գայլը, կատուն ու վագրը, առիւծն ու յովագը, և իրենց պէս բոլոր գիշատիչ գազանները, ուրախ ուրախ հեռացան, ու գացին որս փնտուելու .

2

Եկան այծն ու գոմէշը, ձին ու էշը:

— Նայեցէք ձեր ոտքերուն, Աստուած ըսաւ կովին ու գոմէշին, ձիուն ու իշուն:

Նայեցան. այծն ու գոմէշը տեսան որ կճղակներ ունին. ձին ու էշն ալ սմբակներ:

— Ձեզի ժանիքներ չեմ տուած, ըսաւ Աստուած. ձեզի տուած եմ աղօրիք ակռաներ, որ խոտ ու գարի ուտէք . . . միայն, լա՛ւ լսեցէք. ով որ սմբակ ունի, պիտի չորոնայ. ով որ կճղակ ունի՝ պիտի որոնայ. . . : Գացէք, խոտակերներ, ապրեցէք դաշտերուն մէջ:

Զին առաջ անցաւ, էշը անոր ետեւէն, գոմէշն ու այծն ալ, կամաց կամաց, իշուն ետեւէն:

Զին խրխնջեց, վազեց գէպի արօտատեղին և սկսաւ արծիլ իշուն հետ. գոմէշն ու այծն ալ կեցան իրենց մսուրներուն առջև, և սկսան հանդարտ որոնալ:



3

Կարգը եկաւ թոչուններուն։
Աստուած ըսաւ.



— Առաջ անցի՛ր, արծիւ. եկո՛ւր դուն ալ,
բազէ՛, ուրո՛ւր, անգղի. Զեզի
տուի զօրաւոր թևեր՝ որ թոշիք
օդին մէջ ամէնէն բարձրը. ձեզի
տուի սրատես աչքեր, և կոր ու
սրածայր կտուցներ. ձեզի տուի
մագիլներ, որպէս զի մսակեր ըլ-
լաք և անօթի չի մնաք։ Թուեցէ՛ք
հիմա և գացէք աշխարհը։

Արծիւն ու անգղը, ուրուրն ու բազէն՝ թափ
տուին իրենց թեւերուն, սլացան օդին մէջ և
բարձրացան ամպերէն վեր։

Ահագին բարձրութենէն, արծիւը գետնին
վրայ նշմարեց նորածին գառնուկ մը, ուրուրն
ալ՝ հաւին ձագերը։

Արծիւը կայծակի պէս վար իջաւ, գրկեց
գառնուկը իր մագիլներուն մէջ ու բարձրացաւ
երկինք. ուրուրն ալ խոյացաւ, իր կտուցով բռնեց
հաւուն ձագը, և թուաւ նոյնպէս օդին մէջ։

4

Աստուած ստեղծեց սողունները, օճն ու
կարիճը։

Ստեղծեց հաւերն ու կաքաւները՝ թանձր
կտուցներով, ու կարճ թեւերով, որպէս զի շատ
չի թոշին և ցորենի հատիկներ ուտեն։

Ստեղծեց կոռւնկն ու արագիլը՝ երկայն վի-
զով ու երկայն սրունքներով. կարապն ու բաղը՝
մաշկապատ ոտներով։

Ստեղծեց ծովին ձուկերն ալ կարգ կարգ ու
տեսակ տեսակ։ Ամէնքն ալ զրկեց իրենց տեղերը։

Կարծեց թէ ալ կենդանի չի մնաց։

Բայց ահա, յանկարծ, ոստոստելով-ոստոս-
տելով, քարի մը տակէն մէջտեղ ելաւ փոքր,
երկշու կենդանի մը, և ըսաւ Աստուած-պապային։

— Հապա ես ուր պիտի բնակիմ. ինծի հա-
մար տեղ մը չորոշեցիր . . .

Աստուած-պապան ա-
ղէկ մը նայեցաւ այդ կեն-
դանիին վրայ, և քիչ մը
մտմտալէ ետք ըսաւ.



— Գորտ, կը տեսնեմ

որ շատ խեղճ, շատ վախկոտ ես դուն. անոր հա-
մար, լաւ է որ թէ ջուրին մէջ ապրիս, թէ ցա-
մաքին վրայ. հայտէ՛, վախիր նայիմ . . .

Գորտը, ցատկելով-ցատկելով, վազեց, գնաց,
նետուեցաւ առուին մէջ։

Ուսուցիչն կը խնդրենք բացատրել թէ ինչպէս իւրաքանչիւր
կենդանի յարմար կազմուածք ունի՝ ի՞ց պէտքերուն եւ իր բնական
միջավայրին համեմատ։

ՌԱՍԽԵՐՈՒ ՎԱՐԺՈՒԹԻՒՆ

Ըսէք թէ ուն մասնիկը թնչ իմաստ կուտայ բառերուն.

- | | |
|--------------------|----------------------|
| 1. Սողալ — Սողուն | 4. Խռանդ — Խռանդուն |
| 2. Շարժի — Շարժուն | 5. Հաս — Հասուն |
| 3. Թռչի — Թռչուն | 6. Հաստատ — Հաստատին |

ԿԱՐՄԻՐ ՎԱՐԴԸ

Մանուկը մէկ վարդիկ տեսաւ,
սիրուն վարդն էր մէջը դաշտին.

Եւ սրբտաթունդ շուտ մօտեցաւ
որ լաւ նայի սիրուն վարդին.

այ իմ վարդին, կարմիր վարդին,
կարմիր վարդն էր մէջը դաշտին :

Մանուկն ըսաւ.— Քեզ կը քաղեմ,
այ իմ վարդիկ մէջը դաշտին :

Վարդիկն ըսաւ.— Փուշեր ունիմ,
դուն չես դպնար կարմիր վարդին :

Այ իմ վարդին, կարմիր վարդին,
կարմիր վարդը մէջը դաշտին :

Զար մանուկը վարդը քաղեց,
սիրուն վարդն որ մէջն էր դաշտին .

Վարդը թէև զայն ծակծկեց,
բայց ալ եղաւ անոր գերին :

Վախ իմ վարդին, կարմիր վարդին,
կարմիր վարդն որ մէջն էր դաշտին :

ԲՍ.ՌԵ.ԲՈՒ.ՎԱ.ՐՃ.ՌԻ.ԹԻ.ԽՆ

Հոէք թէ ուրդ մասնիկը ի՞նչ իմաստ կուտայ բառերուն.

1. Նուազ — Նուազուրդ

3. Յագ — Յագուրդ

2. Անում — Անուրդ

4. Արձակ — Արձակուրդ



ԱՄԱՌՆ ԵԿԱՒ

1

Ամառն եկաւ. ինչպէս եկաւ, չի տեսանք:
Արտերը կանաչ էին՝ զեղնեցան. խոտերը
նոր կը բուսնէին՝ ահա չորցեր են:

Գեղացիները վաղուց մտեր են մանգաղի:
կը հնձեն ցորենը սուր մանգաղներով, կը
հնձեն արագ-արագ. Արտը կը մերկանայ, կը
բացուին սև ակօսները, և դաշտին երեսը փո-
քըր-փոքը խուրձեր միայն կերեւան:

Սարեակները կը թռչին հնձուրներուն ե-
տեւէն, ու կը ժողվեն թափած հատիկները:

Ուֆ, ինչ տաք է արեգակը:

Կէս օր է, տեսէ՛ք, գոմէշները ինչպէս եր-
կընցեր են տղմուտ ճահիճին մէջ. Պառկեր են
հանգարտ, որպէս զի զովանալով՝ հանգստանան
քիչ մը. պառկեր են ու կորոճան անվլոդով:


Ահա հնձուորներն ալ կը ձգենց իրենց ման-
գաղները, կը նստին՝ հանգիստ առնելու եւ կէս
օրուան ճաշն ընելու:

2

Պարապ սայլերը կեցեր են արտերուն մէկ
կողմը. կը սպասեն որ իրկուն ըլլայ և դառնան
գիւղը:

Եզները կարծին քիչ մը հեռուն. իրենց պոչը
աջ ու ձախ շարժելով, կը փախցնեն ճանճերը:

Արտին մէջ ո՛չ ծառ կայ, ոչ շուք: Միայն
երկու խաչաձև փայտերով շինուած տաղաւար
մը կայ, որուն վրայ ճերմակ կտաւ մը ձգեր են
հնձուորները:



Տաղաւարին տակ
պառկեր է գեղացի
մանկիկը, անուշ
անուշ կը քնանայ:
կը քնանայ, որպէս
զի մեծնայ և ինք ալ
զայ աշխատելու այս
արտին մէջ:

Բայց հնձուորնե-
րը շատ անօթի են,
որովհետև աշխատեր
են անդադար մինչև
կէս օր:

Տանտիկինը փիլաւ է եփեր, և թան ու թա-
ցան է զրկեր բանուորներուն:

Յոզնած աշխատաւորները ծալլապատիկ կը
նստին գետինը:

Պատիկ Մարկոսը, որ ճաշն է բերեր, վար կը
դնէ ձեռքին խոնչան, ու մէջքէն մէկիկ մէկիկ
կը հանէ դգալները:

Հեռուէն քէհեան ալ կուզայ, կը նայի խուր-
ձերուն ու բարդին, և դառնալով սեղանի նըս-
տած հնձուորներուն՝ կըսէ.

— Պէրէքէ թով ըլլայ...»

Ամառ եկաւ, բայց ինչպէս եկաւ, չի տեսանք:

1. Ո՞վ է որ կը հասունցնէ հունչքերը եւ պտուղները:
2. Բուք թէ ամառը դուքալ արտ գացա՞ծ էք. ի՞նչ էք տեսեր հոն:

ՌԱՌԵՆԻՒՆ

Բուք թէ ցու մասնիկը ի՞նչ բաստ կուտայ բառերուն:

- | | |
|--------------------|------------------------|
| 1. Փիսայ — Փիսացու | 3. Քահանայ — Քահանացու |
| 2. Ճարս — Ճարսնցու | 4. Շապիկ — Շապիկցու |



ՀԱՅՐԵՆԻՔ

Երբ որ Լևոն իր երգը վերջացուց, գնաց իր
հայրիկին քով և հարցուց անոր.

— Հայրիկ, ըսէ՛ ինծի, ի՞նչ է հայրենիքը.
շատ անդամ կը լսեմ որ «հայրենիք, հայրենիք»
կըսեն. դեռ քիչ մը առաջ ալ երգիս մէջ «հայ-
րենիք» անունը կար: Չեմ հասկնար, ի՞նչ բան է
հայրենիքը:

Հայրիկը ժպտեցաւ, վեր վերցուց Լևոնը
իր ծունկերուն վրայ, և ըսպէ անոր.

— Հայրենիքը, զաւակս, մեր տունն է, մեր փողոցն է, մեր գիւղն է...

«Ահա այս սիրուն դաշտերն են, այս բլուրներն են, այս հողն է՝ որուն վրայ ես ծնած եմ, իմ հայրիկս ծնած է ու իմ մեծ հայրս ծնած է:

«Հայրենիքը մեր գերեզմաննոցն է, որուն մէջ կը գտնուին մեր նախնիքներուն, մեր ազգականներուն ու մեր սիրելիներուն ոսկորները: «Մեր գիւղին աղբիւրն է, մեր գիւղին օդն ու արեգակն է, մեր գիւղին մէջ ապրող մարդիկն են...

«Քու հայրենիքդ հիմա շատ փոքր է դեռ. այ, այս սենեակն է՝ որուն մէջ ազատ կը վազես, կերթաս-կուգաս ու կը ցատկես. քու հայրիկդ է, քու մայրիկդ է, քու մեծ-մայրդ է. քու ընկերներդ են՝ որոնց հետ կը խաղաս, որոնց հետ քու լեզուովդ կը խօսիս ու կերգես:

«Երբ որ մեծնաս, հայրենիքն ալ պիտի մեծնայ քեզի հետ. և ինչպէս որ այսօր սորվեցար, այն ատեն ալ պիտի գիտնաս թէ՝ որն է քու հայրենիքդ և ինչքան մեծ է անիկա:»

Հայրիկը անզամ մըն ալ համբուրեց լւոնին երեսները, և վար իջեցուց իր ծունկերուն վրայէն:

Եւ լւոն ուրախութեամբ սկսաւ վազել սենեակին մէջ, ու երգել:

ԹԱՌԵՐՈՒ ՎԱՐԺՈՒԹԻՒՆ

- | | |
|---|---------------------|
| Էսէք թէ պան մասնիկը ի՞նչ եմաստ կուտայ բառերուն: | 3. Ս.յգի — Ս.յգեպան |
| 1. Ուղս — Ուղեպան | 4. Պահ — Պահեպան |
| 2. Զորի — Զորեպան | |

ՎԱՂԸ ՎԻՃԱԿ Է

Աղջիկներ, վաղը վիճակ է, հայ, վիճակ է: Եկէք, երթանք, եօթն աղբիւրէ ջուր բերենք, եօթը թուփէ ծաղիկ քաղենք:

Եօթն աղբիւրին ջուրով՝ կարմիր բղուկը լեցընենք, եօթը թուփի ծաղիկն ալ մէջը թափենք:

Հաւաքուինք մեծ ու պղտիկ՝ անոր մէջ մէկ մէկ բան ձգենք:

Զգածնիս մարդ չի տեսնայ, տեսնողն ալ տեսնայ՝ ու մարդու իմաց չի տայ:

Վաղն առտուն լուսնայ, վիճակը գայ. Վիճակը գայ կարմիր-կանաչ արեով:

Նազլին քողքն առնէ զիխուն՝ թագուհի ըլլայ, Հոռմերն ալ գուշակ:

Դուռ դրացնի աղջիկներով հաւաքուինք, գանք շարուինք մեր կտուրը, ձայն ձայնի տանք ու երգենք:

Նստեր է թախտը,

կը հայի բաղդը.

քաշէ, Նազլի, քաշէ,

հանէ վիճակը:

Նազլի թագուհին վիճակը հանէ, Հոռմեր գուշակն ալ մեր բաղդը ըսէ.

Զուրը կուգայ առուըկըներ,

զրող տանէ պաւուըկըներ.

խոն ու խոնչա աղջիկըներ,
պաղ ու պաղչա տղաքըներ:

Վաղը Վիճակ է, հայ, Վիճակ է:
Կուժն առնենք, երթանք եօթն աղբիւրէ
ջուր բերենք:
Կանաչ լեռն ելանք, եօթը թփէ ծաղիկ քա-
ղենք:

1. Զեր տեղին մէշ ալ վիճակը այսպէ՞ս կը տօնեն:

2. Էսէք թէ Վիճակի տօնին օրը դո՞ւք ի՞նչ քերք:

ԲԱՌԵՆՔՈՒ ՎԱՐԺՈՒԹԻՒՆ,

Տեսէք թէ ալի մասնիկը ի՞նչ իմաստ կուտայ բառերուն:

1. Յաւ — Յաւալի

3. Յաղուկ — Յաղեկալի

2. Ողբ — Ողբալի

4. Զարմանք — Զարմանալի



ՏԵՐՆ ՈՒ ԾԱՌԱՆ

1

Երկու աղքատ աղքրտիք կը լին: Կը մտա-
ծեն թէ՝ ինչ ընեն իրենց տունը պահեն: Կը
վճռեն որ փոքրը տունը մնայ, մեծը երթայ՝ ու-
նեւորի քով ծառայ մտնէ, ամսական առնէ,
զրկէ տուն:

Փոքրը կը մնայ տունը, մեծը կելլայ, կեր-
թայ, հարուստ մարդու մը քով ծառայ կը մտնէ:

Ժամանակ կը նշանակեն՝ գալիք գարնան,
հեղ մըն ալ կկուխն ձայնը լսուիլը:

Բայց, հարուստը պայման մը կը դնէ ծառա-
յին: Կը մինչև այն ժամանակ, մեզմէ ով որ
բարկանայ, անիկա տուժէ: Եթէ դուն բարկանաս՝
դուն ինծի տասը ոսկի տուգանք տաս. եթէ ես
բարկանամ՝ ես տամ:

— Բայց ես տասը ոսկի չունիմ. — կըսէ ծառան:
— Վնաս չունի. փոխարէնը ինծի տասը
տարի ձրի ծառայ կըլլաս:

Աղքատ տղան հեղ մը կը վախնայ այս տարօ-
րինակ պայմանէն, հեղ մըն ալ կը մտածէ թէ՝
բան չունիս, ինչ պիտի պատահի որ: Ինչ որ
ըսեն, ինչ որ ընեն՝ ես չեմ բարկանար, լմնցաւ
գնաց: Իսկ եթէ իրենք բարկանան, կը տուժեն
իրենց պայմանով:

Կը համաձայնի: Պայմանը կորոշեն և կը
մտնէ ծառայութեան:

2

Միւս օրը, առտուն կանուխ, տէրը անկող-
նէն կը հանէ ծառան, կը դրկէ իր արտը՝ հնձելու:
— Գնա, — կըսէ. բանի լոյս է, հնձէ. որ
մութն ինկաւ՝ կուգաս տուն:

Ծառան կերթայ, ամբողջ օրը կը հնձէ, իր-
կունը յոզնած կուգայ տուն: Տէրը կը հարցնէ.

— Ինչու եկար:
— Է, արեր մարը մտաւ, ես ալ եկայ տուն,
— կը պատասխանէ ծառան:

— Զէ՛, ատպէս չէ՛: Ես քեզի ըսի՝ քանի լոյս
է, հնձելու ես: Արեր մարը մտաւ, բայց տես,
անոր աղքար լուսնկան ելաւ: Լուսնկան ինչ
պակաս լոյս կուտայ . . .

— Ատ ի՞նչպէս կըլլայ . . . — կը զարմանայ
ծառան:

— Հը, կը բարկանաս ըսել է, — կը հար-
ցընէ տէրը:

— ԶԵ՛, չեմ բարկանար . . . ես միայն կըսէի թէ՝ յոդնած եմ . . . քիչ մը հանգստանամ . . . — կը թոթովէ վախցած ծառան, ու կերթայնորէն հնձելու կը հնձէ, կը հնձէ՝ մինչև լուսնկան մարը կը մտնէ:

Բայց, լուսնկան մարը կը մտնէ թէ չէ, արեգակը կը ցաթի: Ծառան ուժասպառ կիյնայ արտին մէջ:

— Վա՛յ, քու արտղ ալ հարամ ըլլայ, քու հացդ ալ, քու տուած ամսականդ ա՛լ . . . — կը սկսի անիծել յուսահատած:

— ՀԸ՛, ըսել է կը բարկանամս, — զլխուն վերեւ կը տնկուի հարուստը: Քանի որ կը բարկանաս, մեր պայմանը պայման է: Ալ չըսես թէ քեզի հետ առանց իրաւունքի վարուեցայ:

Ու պայմանի ուժով կը ստիպէ որ՝ ծառան կամ տասը ոսկի տայ, կամ տասը տարի ձրի ծառայէ:

Ծառան կը մնայ կրակի մէջ: Տասը ոսկի չունէր որ տար, հոգին ազատէր. տասը տարի այս տեսակ մարդու ծառայելը՝ ըլլալիք բան չէր: Կը մտմտայ, կը մտմտայ, վերջը տասը ոսկիի պարտամուրհակ կուտայ հարուստին, ու ձեռքը պարապ, տուն կը դառնայ:

3

— Է՛, ի՞նչ ըըիր, աբար, — կը հարցնէ փոքր եղբայրը:

Ու մեծ աղբարը կը նատի, կը պատմէ գըլխուն եկածը:

— Վնաս չունի, — կըսէ փոքրը. տարտ մի ըներ. դուն տունը կեցիր, հիմա ալ ես երթամ: Կելլայ, աս անգամ փոքր եղբայրը կերթայ, ծառայ կը մտնայ նոյն հարուստին քով:

Հարուստը դարձեալ ժամանակ կորոշէ՝ մինչեւ միւս գարնան կկուին ձայնը. պայման կը դնէ որ, եթէ ծառան բարկանայ՝ տասը ոսկի տայ կամ տասը տարի ձրի ծառայէ իրեն. իսկ եթէ ինք բարկանայ՝ տասը ոսկի տայ ու այն օրէն ալ ծառան տուն դրկէ:

— ԶԵ՛, ատի քիչ է, — կը հակառակի տղան: Թէ դուն բարկանաս՝ դուն ինծի քսան ոսկի տաս. թէ ես բարկանամ. կամ քեզի քսան ոսկի տամ, կամ քսան տարի ձրի ծառայեմ:

— Լա՛ւ, — կըսէ հարուստը ուրախութեամբ: Պայմանը կորոշեն, ու փոքր աղբարը կը մտնայ ծառայութեան:

4

Առաւօտը կը լուսնայ, ու ծառան տեղէն չելլար: Տէրը դուրս կերթայ, ներս կուգայ, ծառան դեռ քնացեր է:

— Ա՛, տղայ, տէ՛ ելիր, է՛, օրը ճաշ եղաւ:

— ՀԸ՛ կը բարկանաս . . . , — զլուխը կը վերցընէ ծառան:

— ԶԵ՛, չեմ բարկանար, — վախցած կը պատասխանէ տէրը. միայն կըսեմ որ՝ պէտք է երթանք հունձրի:

Վերջապէս ծառան կելլէ անկողնէն, կը սկսի

տըրեխները հագնիլ։ Տէրը դուրս կերթայ, ներս
կուգայ, դեռ անի իր տրեխները կը հագնի։
— Է՞յ տղայ, տէ շուտ ըրէ, հագիր է...
— Հը, չես բարկանար անշուշտ...
— Զէ, ով կը բարկանայ, ես միայն ըսել
կուզէի թէ կուշանանք...
— Հա, ատ ուրիշ բան է. թէ չէ պայմանը
պայման է։

Մինչև ծառան տրեխները կը հագնի, մինչև
արտը կերթան, կը դառնայ ճաշ։
— Ալ ի՞նչ հնձելու ժամանակ է, — կըսէ
ծառան. կը տեսնե՞ս, ամէնքն ալ կը ճաշեն. մենք
ալ մեր ճաշն ուտենք, յետոյ։
Կը նստին, կուտեն ճաշը։

Ճաշէն յետոյ, ծառան կըսէ. «մշակ մարդիկ
ենք, քիչ մըն ալ հանգստանալո՞ւ ենք, թէ չէ»։
Դլուխը կը կոխէ խոտերուն մէջ և կը քնանայ
մինչև իրկուն։

— Ծօ, վեր ելիր, մթնեց է, ուրիշները հըն-
ձեցին, մեր արտը մնաց... վայ յըեզ դրկողին
հերն անիծած. վայ քու կերածդ ալ քթէդ գայ,
քու խմածդ ալ... աս ի՞նչ կըակի մէջ ինկայ...
— Կը սկսի պուալ յուսահատած տէրը։

— Հը, չըլլայ թէ բարկացար, — գլուխը վեր
կառնէ ծառան։

— Զէ', ով է բարկացողը, ես ան կըսէի թէ՝
մթներ է, տուն երթալու ժամանակ է։

— Հա, ատ ուրիշ բան է, երթանք. թէ չէ՝
մեր պայմանը գիտես. վայ անոր որ բարկանայ,

5

կուգան տուն։ Կը տեսնեն որ հիւր է եկեր։
Տէրը կը զրկէ ծառան թէ՝ գնա, մեր ոչխար-
ներէն մէկը մորթէ։
— Ո՞րը, — կը հարցնէ ծառան։
— Որը որ պատահեցաւ։
Ծառան կերթայ։ Քիչ մը վերջը, մարդիկ վա-
զելով լուր կը բերեն հարուստին թէ՝ հասիր,
ծառան ջարդեց ամբողջ հօտդ։
Հարուստն է կը վազէ, և ի՞նչ տեսնէ որ
հաւնիս. քանի ոչխար որ կայ՝ ծառան մորթեր է
բոլորը։

Մարդն է՝ գլխուն կը զարնէ ու կը պոռայ.
— Աս ի՞նչ ես ըրեր, տընաւեր մարդ. քու
տունդ մրեղի, ինչպէս որ իմ տունս մրեղեցիր ...
— Դուն ըսիր թէ «ո՞ր ոչխարը որ պատահի՝
մորթէ», ես ալ մորթեցի. ուրիշ էւել պակաս ինչ
եմ ըրեր, — կը պատասխանէ ծառան հանդարտո-
րէն։ Բայց, կարծեմ դուն կը բարկանաս...։
— Զէ, չեմ բարկանար, միայն սիրտս կը
խշշայ որ այսքան տաւարս փնացաւ...
— Լաւ, որ չես բարկանար, նորէն կը ծառայեմ։

6

Փոքը եղբայրը, այսպէս, մէկ քանի ամիս,
մինչև ձմեռ՝ ծառայելով հարուստին, իրաւ որ
մարդուն տունը աւրեց։
Հարուստը կը մտածէ թէ՝ ինչ ընէ, ինչպէս
ընէ, որ ազատի այս ծառայէն։ Պայման է դրեր՝

մինչեւ հեղ մըն ալ գարնան կկուին ձայնը, իսկ ահա դեռ նոր են մտեր ձմեռ. ուր ես գարուն, ուր կկուի ձայն....

Կը մտմտայ, կը մտմտայ, վերջը հսար մը կը գտնայ, կը տանի կնիկը անտառը, կը հանէ ծառի մը վրայ ու կը պատուիրէ որ «կու-կու» կանչէ:

Ինքն ալ կուգայ, ծառան կը տանի թէ՝ երթանք անտառը որսի:

Անտառը կը մտնեն թէ չէ, հարուստին կինը ծառին վրայէն կը կանչէ. — «կուկու, կուկու»...

— Ըհը, աչքդ լոյս, — կըսէ տէրը ծառային. կկուն կանչեց, ժամանակը լրացաւ...

Ծառան անմիջապէս կը հասկնայ տիրոջը խորամանկութիւնը:

— Զէ, կըսէ, ով է լսեր որ խարուան այս եղանակին, ձմեռուան կիսուն՝ կկու կանչէ: Ես պիտի սպաննեմ աս կկուն, տեսնեմ ինչ կկուէ...

Կըսէ ու կը շիտկէ հրացանը դէպի ծառը:

Տէրը պոռալով, կը բռնէ հրացանը, կը սկսի կռուիլ ու անիծել զինք ծառայ բռնելու օրը:

— Հը, չըլլա՞յ թէ բարկացար:

— Հա՛, աղբա՛ր, հերիք է, — կըսէ հարուստը. եկուր, ինչ տուգանք որ պիտի տամ, տամ, ազատիմ քեզմէ: Ես եմ դրեր պալմանը, — ես ալ պէտք է տուժեմ:

Հիմա, նոր կը հասկնամ հնուց խօսքը թէ՝ «մարդ ինչ որ ընէ, իրեն կընէ:»

Այսպէս, վոքր աղբարը կը պատռէ մեծ աղբօրը տուած պարտքի թուղթը, տասը ոսկի ալ վրայ կառնէ, դեռ հասցուցած վնասներն ալ անդին: կառնէ ու կը վերադառնայ իրենց տունը:

Բայց այն օրուընէ ասդին, հարուստը ալ ոչ այդ տեսակ պայման կը դնէ, ոչ ալ ծառայ կը դրէ՝ լուսնի լոյսով արտ հնձելու:

ՌԱՌԵՐՈՒ ՎԱՐԺՈՒԹԻՒՆ

Հուշք թէ ոյր մասնիկը ի՞նչ իմաստ կուտայ բառերուն.

- | | |
|-----------------------|---------------------|
| 1. Ծածկել — Ծածկոյր | 4. Սովոր — Սովորոյր |
| 2. Հաւաքել — Հաւաքոյր | 5. Հաս — Հասոյր |
| 3. Երեկ — Երեկոյր | 6. Ճկիլ — Ճկոյր |



ԻՄ ԳԱՌՆՈՒԿՍ

1

Մենք ունինք կովեր, հորթեր, շուներ. բայց ես, ամէնէն շատ կը սիրէի մեր գառնուկը:

Հայրս՝ Զատկին, այդ սև գառնուկը գներ էր, ինծի համար:

Վեց ամիս պահեցի ես և մեծցուցի: Գեղեցիկ գառնուկ էր, սիրուն դունչով. ունէր զոյգ մը փոքրիկ եղջիւրներ. ես անոնց վրայ, ամէն օր, հաւի ճարպ կը քսէի՝ որչփայլին:

Այնքան սիրեցի իմ գառնուկս՝ որ գիշերներն անզամ չէի ուղեր բաժնուիլ անկէ: Ամէն օր, կը տանէի քաղաքէն դուրս և կարածեցնէի:

Անունը դրեր էի Լէյլի : Ու Լէյլին կը վազէր ետևէ՝ ուրախ-ուրախ ցատկրտելով : Կը լզէր ձերքերս, դունչը կը դնէր ծունկերուս վրայ, և իր խոշոր, գեղեցիկ աշքերը կը յառէր երեսիս :

Շաբաթը երկու անգամ կը լուայի իր բուրդը օճառով, և կը սանտրէի : Եղջիւրները կամաց կամաց կը միանային իրարու և կը ծռէին :

Ախ, անգամ մը մեծնա՛ր, կըսէի ինքնիրենս. մեծնա՛ր, ու ամէնքն ալ տեսնէին թէ ինչպէս կտրիճ պիտի ըլլայ, ինչպէս պիտի կոռուի միւս խոչերուն հետ, և պիտի յաղթէ անոնց . . .

Իմ մեծ փափաքս էր ասիկա, որուն համար, երբեմն, դասերս անգամ կը մոռնայի :

2

Սակայն, չար ժամը կը մօտենար գառնուկիս զիխուն :

Ամէն իրկուն, հայրս ու մայրս կը քսփսային իրարու հետ. կը լսէի մօրս հատ-հուտ խօսքերը. չեմ կրնար ուտել անոր միսը . . . մեղք է, մեղք է . . .»

Կասկած չի կար որ, խօսքը գառնուկիս համար էր : Հայրս կուզէր մորթել, և մայրս չէր թող տար :

Առտու մը, օհ, երբէք, երբէք, չեմ մոռնար այդ օրը, — հայրս առաւ դանակը և սկսաւ սրել:

Վճռուած էր. պիտի մորթէր գառնուկս, իմ ընկերս՝ որուն հետ այնքան ուրախ օրեր էի անցուցեր :

Ինկայ հօրս ոտքերը. աղերսեցի որ խնայէ գառնուկիս, լացի, հեկեկացի: Օգուտ չըրաւ. հայրս անյողդողդ էր:

Գնաց ախոռը, քակեց գառնուկս, տարաւ մեր տան ետեւի փոքրիկ բակը:

Ես վազեցի, գրկեցի գառնուկիս գլուխը, համբուրեցի: Զէի ուզեր բաժնուիլ անկէ. Իհայրս իր ուժեղ ձեռքով հրեց զիս: Ինկայ գետին՝ հեկեկալուվ:

Վերջին անգամ փայլեցան անմեղ գառնուկիս եղջիւրները՝ արեգակին տակ: Անհետացաւ անիկա պատին ետեւը:

3

Երբ հայրս, քանի մը ըոպէ ետք, երեւցաւ՝ ձեռքը բոնած արիւնաթաթախ դանակը, ես սոսկացի. ինծիւայնպէս կուզար թէ Իհայրս մեծ մեղք է զործեր, արդար արիւն է թափեր:

Օրերը տխուր անցան վրայէս. ես խելագարի պէս էի. չէի գիտեր՝ ինչ ընեմ, ինչպէս մոռնամ մորթուած բարեկամս:

Ամէն անգամ, երբ կը յիշէի զինք՝ արցունքը պուկս կը կպէր: Կը յիշէի ամէն օր, ամէն ժամ. և կը տեսնէի զինք նոյնիսկ երազիս մէջ:

Ու զեռ մինչև այսօր ալ, չեմ մոռցեր զինք:

Բ.Ա.ՌԵՐՈՒՆ Վ.Ա.ՐԺՈՒԹԻՒՆ

Տեսէք թէ եղ մասնիկը ե՛նչ իմաստ կուտայ բառերուն:

1. Համ — Համեղ

2. Ուժ — Ուժեղ

3. Զօր — Զօրեղ

4. Հիւր — Հիւրեղ

5. Ինչ — Ընչեղի

6. Հանճար — Հանճարեղ



ԵՂՆԻԿ ԱՂԲԱՐԸ

1

Երկու որբեր,
Քոյր ու աղբար,
մոլորած են, կերթան հեռո՛ւ.
արեւն է վառ,
ճամբան երկար,
ոչ աղբիւր կայ, ոչ առու.
Քոյրը մեծ էր, կը համբերէր,
կը դիմանար արեւին.
բայց աղբարը փոքրիկ էր դեռ,
չէր դիմանար ծարաւին.
կերթան ու կերթան, կը տեսնան ճամբան
կովի ոտքի տեղ, մէջը լեցուն ջուր.
— «Քուրիկ, իմ քուրիկ, շատ շատ ծարաւ եմ,
թող որ այս ջըրէն խըմեմ ես մէկ բուռ»:

— «Զէ, աղբարիկ, չէ, դուն կով կը դառնաս,
կովի կը ճղակին տեղէն մի խըմեր.
բըշիկ մ'ալ կեցիր . . . քիչ մ'ալ որ կենաս,
առջևնիս կուզան պաղուկ աղբիւրներ»:
Երկու որբեր՝
Քոյր ու աղբար,
կերթան, կերթան դեռ հեռու.
արևն է վառ,
ճամբան երկար,
ոչ աղբիւր կայ, ոչ առու:

2

կերթան ու կերթան, կը տեսնան ճամբան
ձիու ոտքի տեղ՝ մէջը լեցուն ջուր.

— «Քուրիկ, իմ քուրիկ, շատ շատ ծարաւ եմ,
թող որ այս ջըրէն խըմեմ ես մէկ բուռ»:

— «Զէ, աղբարիկ, չէ, դուն ձի կը դառնաս,
ձիու սմբակին տեղէն մի խըմեր.

բըշիկ մ'ալ կեցիր, քիչ մ'ալ որ կենաս
առջևնիս կուզան զուլալ աղբիւրներ»:
Երկու որբեր՝

Քոյր ու աղբար,
կերթան, կերթան շատ հեռու.
արևն է վառ,
ճամբան երկար,

ոչ աղբիւր կայ, ոչ առու:

կերթան ու կերթան, կը տեսնան ճամբան
եղնիկն է կոխեր, մէջը լեցուն ջուր.

Փոքրիկ աղբարը ալ չի համբերեր,
քրոջմէն ծածուկ կը խըմէ մէկ բուռ։
Քոյրը մէյ մ'ալ կը նայի ետ,
որ աղբարը Եղնիկ եղեր,
Եղնիկ եղեր ու կը բըբայ,
վազելով իր ետևն իվեր։
— «Ախ իմ աղբար, որբուկ աղբար,
իմ անլեզու Եղնիկ աղբար.
հճղը գըլխուս, ինչ ընեմ ես . . . »
կը պոռայ խեղճ քոյրը այսպէս։
Ու վայ կուտայ,
կուլայ, կուլայ։
Երկու որբեր,
քոյր ու աղբար՝
Եղնիկ, աղջիկ մոլորուած,
չեն գիտեր ուր,
կերթան տըխուր,
կերթան, կերթան անդաղար։

3

Դիշեր ու ցորեկ, անօթի, ծարաւ,
կերթան ու կերթան, չեն գիտեր թէ ուր։
Շատ գացին թէ քիչ, դէմերնին ելաւ
անտառ մը, մէջն ալ պաղուկ մէկ աղբիւր։
Քոյրն ու աղբարը ծըռեցան առուն,
կուշտ-կուշտ խըմեցին։ Եղաւ իրիկուն։
Մանուշը ելաւ, բարձրացաւ ծառը,
Եղնի աղբարն ալ պառկեցաւ վարը։

Երբ գիշերն անցաւ ու եղաւ առտու,
քուրիկը նըստաւ քէրկէֆ բանելու։
Եղնիկ աղբարն ալ կարծէր, խոտ կուտէր,
եւ անտառին մէջ կերթար վար ու վեր։
Կէս օրուան ատեն մէյ մըն ալ ահա
ծառերուն մէջէն աղմուկ մը կուգայ։
կուգայ, կը լսուի խըրխինջ | ու քըրքիջ,
եւ մարդիկ կելեն երեւան քիչ քիչ։
Ծառաներն են որ թագաւորական
հըսկայ ձիերուն ջուր տալու կուգան։
հըսկայ ձիերուն ոսկիէ սանձէն
բըռնած աղբիւրին քովը կը բերեն։
Բայց ձիերը որ առուն կը ծըռին,
չեն խըմեր ջուրը, սաստիկ կը խրաչին։
կը թոթուեն բաշ ու գլուխինին ուժգին,
կը կանգնին վըրան իրենց զոյգ ոտքին։
Ծառաներն ապշած՝ չորս կողմ կը նային։
հեղ մ'ալ տեսնեն որ ծառին գագաթին
աղջիկ մ'է նըստեր աննման, անգին,
քէրկէֆ կը բանի և իր երեսին
արեւն է զարկեր, արեւը լզարկեր
ու առուին մէջ շառուեղն է լձըգեր։

4

— «Ո՞վ ես, չըքնաղ, տեսի՞կը ես դուն
«թէ հողեղէն լարալած。
«տեսիկը որ ես՝ քիչ մ'ալ կեցիր,
«աղջիկ որ ես՝ իջիր յած։

« Ի՞նձիր տեսնենք, ի՞նչպէս եղաւ
 « որ կըրցար գալ դուն մեր մօտ.
 « Ի՞ր երջանիկ հովը բերաւ
 « քեզ մեր անտառն անծանօթ»
 — « Մեզ որբութեան ցաւն է բերեր
 « ձեր աշխարհը հեռաւոր. »
 պատասխանեց աղջիկն աղուոր՝
 հառաչելով գըլլիկոր:

« Մենք տուն չունինք, նեղ է մեզի
 « այս լայնարձակ աշխարհը.
 « մենք մարդ չունինք, մընաց մեզի
 « մութ, ամայի անտառը . . .»

Ծառաները ինչ որ տեսան՝
 գացին պալատ լուր տըուին:
 Թագաւորն է խիստ հըրաման
 հանեց որ շուտ մարդ երթայ,
 որքերն առնէ՝ տուն դառնայ:
 Եւ ծառաները գացին ու բերին
 ըոյրն ու աղբարը առջեւն արքային:
 — « Ո՞վ ես դուն, աղջիկ, հարցուց մեծ արքան
 « ո՞վ է հետըդ այս Եղնիկը խանքան: »
 Կը կենայ աղջիկն ու դարձեալ անոր
 Կը պատմէ ինչ որ պատմեցի ես ձեզ,
 թէ ապրած կենաս, հըզօր թագաւոր,
 մեր գլխուն եկածն այսպէս է այսպէս . . .
 Լսեց թագաւորն ու ըզգաց շատ ցաւ.
 որբուկ աղջկան սըրտով հաւնեցաւ,

Եօթն օր ու գիշեր մեծ հարսնիք բըռնեց
 եւ Մանուշն իրեն թագուհին ըրաւ:
 Քուրիկը շըքեղ զարդարուած հիմա
 բեհեզներու մէջ թաղուած կը մնայ.
 իսկ պարտէզին մէջ աղբարը Եղնիկ
 կարծի, կը ցատկէ ուրախ, երջանիկ:

5

Բայց, պալատին մէջ նախանձոտ ու չար
 ջատու պառաւ մը, չար կնիկ մը կար:
 Ջատուն կըսէր թէ ինչու պետք է գայ
 որբն մեր գըլլիսուն թագուհի դառնայ:
 Այդջատուն օր մը լեզուով կեղծաւոր
 կըսէ մանուշին. « Ախ, իմ բաղդաւոր, »
 « աղուոր թագուհիս, եկուր տանիմ քեզ,
 « ծովը որ լոգնաս, ըլլաս վարդի պէս: »
 Թագուհին կելլէ ու ծովափ կերթայ.
 Ջատու պառաւն է, նըստեր է ահա,
 փըրփուրը կուտայ, փըրփուրը կառնէ,
 օճառով անոր մազը կը լըուայ: |

Յանկարծ մէյ մըն ալ կը զարնէ մէջքին,
 կը ձըգէ ծովը սիրուն թագուհին:
 կառնէ լաթերը անտեր մընացած
 եւ շուտով քաղաք կը դառնայ կրկին:
 կը դառնայ քաղաք և բերած լաթը
 կը հագուեցնէ իր աղջկանը,
 իր սեւ ու քըթած աղջկան անշահ
 եւ զայն կը դրկէ պալատը ահա:

Երեսն է ծածկեր թանձը շղարշով՝
պալատն է մըտեր ան սուտ թագուհին,
ու թագաւորն ալ մըտքէն չանցըներ
թէ ով է եկեր բազմեր իր գահին:

Բայց ինչ որ կընեն, ինչ որ չեն ըներ՝
չեն կընար կըտրել ձայնը Եղնիկին.
Խղճուկ կը մայէ կեցած ծովափը,
չի գար, տուն չիգար, կուլայ դառնագին:

Ինչ ընեն ասոր, ինչ չընեն ասոր,
աղջիկն ու ջատուն շատ մըտմըտացին:
Օր մը սուտ հիւանդ եղաւ թագուհին,
տըքալ ըսկըսաւ, մըտաւ անկողին:

— «Վայ, ամա՞ն, մեռայ, հայ, եամա՞ն, մեռայ...»
«— Ի՞նչ է, ի՞նչ եղաւ, սիրուն թագուհիս,»
«Ի՞նչ կուզէ սիրտդ, ըսէ ի՞նչ ունիս»,
կը հարցնէ իր ամուսինն արքայ:
— «Ախորժակ չունիմ... ես բան չեմ ուտեր...»
«միայն Եղնիկի քիչ մը միս կուզեմ...»
եւ թագաւորն է կը մընայ պաղած,
պաղած, շուարած, կեցած կընոջ դէմ:
— «Բայց ի՞նչպէս կուզես դուն Եղնիկի միս,
չէ՞ որ Եղնիկը աղբարդ էր, հոգիս...»
— «Ի՞նչ ընեմ, աղբարդաղբար չեմ ճանչնար.
«կեանքս անուշ է քան ամէն աղբար...»
— «Վայ, ամա՞ն, մեռայ... մեռայ ես. աման...»
ու թագաւորն է կուտա հրաման.

«Կըրակ վառեցէք,»
«դանակ սըրեցէք,»
«բերէք, մորթեցէք,»
«Եղնիկ-աղբարը՝»
«որ առողջանայ»
«իր տիկին քոյրը:»

Թագաւորն այսպէս հըրաման կուտայ,
հըրաման կուտայ ու կելէ կերթայ.
կերթայ ծովափը սաստիկ նեղացած
թէ որքան Մանուշն անգութ է եղած...»

6

կը մայէ, կուլայ Եղնիկ-աղբարը,
եւ իր հետ կուլան ծովուն ափերը.
լեզու ելած է ալ կենդանի չէ,
եւ իր քըրոջը այսպէս կը կանչէ.

— «Քուրիկ ճան, քուրիկ,»
«կըրակ են վառեր,»
«կըրակ են վառեր,»
«դանակ են սըրեր:»
«Քուրիկ ճան, քուրիկ,»
«լըսէ անդունդէն,»
«ծովուն յատակէն.»
«Եղնիկ աղբարդ»
«ահա կը մորթեն:»

Եւ թագաւորը՝ տեղը քար կըտրած,
ջուրին յատակէն կը լըսէ յանկարծ
ծանօթ ձայն մը որ ծովէն խուլ ու խոր
պատասխան կուտայ տըկար ու անզօր.

«Աղբար ճան, աղբար,»
 «անհայր ու անմայր,»
 «իմ որբուկ, անտէր,»
 «իմ Եղնիկ-աղբար.»
 «ծովուն ջուրերը»
 «վըրաս են դիզուեր,»
 «ալիքը եկեր»
 «իմ ձայնս է խեղդեր,»
 «Դըժուար է տեղը,»
 «ձայնս չի լըսուիր,»
 «ձայնս չի լըսուիր,»
 «ձեռքս չի հասնիր.»
 «ախ, չար պառաւը»
 «օրը սեւ ըրաւ,»
 «հիմա ալ ելեր»
 «կը մորթէ ազիզ»
 «Եղնիկ-աղբարս:»
 կը լըսէ արքան, կը վազէ պալատ,
 կը պատոէ քօղը սուտ թագուհին.
 կը նայի դէմքին, կը նայի կըրկին...
 աղջիկն է տըգեղ այն ջատուին վատ...
 — եկէ՛ք, ձկնորսներ, ուսոկան լձրեցէք,
 հանեցէք ծովէն անմեղ Մանուշը.
 եկէ՛ք, դա՛հիճներ, ծո՛վը ձրգեցէք
 կախարդ պառաւը և այս հըրէշը:
 Այսպէս բարկացած կը պոռայ արքան.
 ժողովուրդն ամէն կուլայ իր ցաւէն.
 ձըկնորսները շուտ կը ձրգեն ուսոկան

եւ Մանուշը ողջ՝ ծովէն կը հանեն.
 կը հանեն ծովէն, պալատ կը տանին:
 կը յաղթէ ահա անմեղը կըրկին:
 Եղնիկ-աղբարն ալ հոգուն խընդուքէն
 կը պատոէ իրեն եղնիկի մորթին,
 դուրս կելէ անկէ, կըլլայ նորէն մարդ,
 կըլլայ պատանի կայտառ ու զըուարթ.
 մոոցած եղնիկի մայիւնը տըկար,
 կը խօսի ազատ, կը խօսի ճարտար:
 Խսկ չար պառաւին ու իր աղջըկան,
 որ խաբեր էին աշխարհ բովանդակ,
 վզէն կապելով մէկ մէկ ջաղացքար՝
 կը ձրգեն ծովուն անդունդն անյատակ:
 Երկու որբեր,
 քոյր ու աղբար,
 առած պատիւ, գահ ու թագ,
 աշխարհք դարձեալ
 արե, բարի
 չարն է թաղուածն ծովին տակ:



1. Ո՛չ, դժուար բան չէ աշխատելը	29. Իր փուշերէն դժգոհ ծառը	77
2. Տղան ու թունեկը	30. Ո՞վ է թագաւորը	81
3. Գոռող մոծակը.	31. Կապիկը եւ ակնոցը.	83
4. Երեք թիթեռնիկները	32. Զմեռը եկաւ.	84
5. Ժամկոչը եւ ուստաւորը	33. Զուրը, զուրը	86
6. Բերնին համը գիտցող զուռը	34. Հացի տեղ.	90
7. Առաջին առուտուրը.	35. Երկու վաճառականներ	91
8. Բաղեղը եւ ուռենին	36. Խորթ եղբայրս	97
9. Կամուրջ շինողները	37. Ո՞վ է զօրաւորը	99
10. Ալին ու Արագը	38. Արեւը	101
11. Կոյրերուն գիրքը.	39. Արծիւն ու Կաղնին.	106
12. Ժամկոչը քահանայ	40. Երրունին պատուէրները	108
13. Աշուն	41. Գարնան հրաւէր.	112
14. Հովը, ջուրը եւ թռչունները	42. Այրի կնկան երգը	114
15. Օդը	43. Փոքր տղան ինչպէս ազա-	
16. Աղուէսն ու Գայլը	տեց իր հայրը	115
17. Կատղած շունը	44. Գիւղին առաւօտը	120
18. Քաջասիրտ քոյրը.	45. Շուները	122
19. Մ՛գին մէջ.	46. Ճշմարտախօս մանուկը.	124
20. Իմաստուն մանուկը.	47. Յանցաւորը	129
21. Մարոյին խորովածը	48. Աստուած երբ որ ստեղծեց	130
22. Արդարասէր գատաւորը.	49. Կարմիր վարդը	134
23. Պանդուխտի երգ.	50. Ամառն եկաւ.	135
24. Գայլին ձագերը	51. Հայրենիք.	137
25. Կտրիճ Սագօն	52. Վաղը վիճակ է	139
26. Զորս քոյրերը	53. Տէրն ու ծառան.	140
27. Դարբնոցին մէջ	54. Իմ գառնուկս	147
28. Ուզտը եւ Զորին	55. Եղնիկ աղքարը	150



ՀԱՅԱՍՏԱՆԻ ԱՐԱՐԱՏԻ

ԱՐԱՐԱՏԻ ԱՐԱՐԱՏԻ ԱՐԱՐԱՏԻ

ԱՐԱՐԱՏԻ ԱՐԱՐԱՏԻ ԱՐԱՐԱՏԻ

ՀԱՅԵՐԻՆ ԼԵԶՈՒԻԻ ԴԱՍԸՆԹԱՑՔ

ՄԵԴՐԱԳԵՏ	Յանր.	Հեմբացի Ա.	Տարի	.	.	Գին	25	Ղրվ.
ՄԵԴՐԱԳԵՏ	»	Բ.	»	.	.	»	32 ^{1/2}	»
ՄԵԴՐԱԳԵՏ	Միջին	»	Ա.	»	.	»	40	»
ՄԵԴՐԱԳԵՏ	»	»	Բ.	»	.	»	45	»
ՄԵԴՐԱԳԵՏ	Բարձր.	»		.	.	»	150	



ՀԱՅԵՐԻ

“ԱՐՄԻԻ,, ԺՈՂ. ԳՐԱՎԱՃԱՌԱՆՈՅ

Բերա, Գապրիստան Փողոց, Թիւ 37, Ա. յարկ
«Ազատամարտ»ի ժենֆիճ մեջ

2013
3613



